



[Mariana
Rowell]

7.47



ELM



L'ANTIMARIANA OV REEV TATION

DES PROPOSITIONS

DE MARIANA. 33. *Jan 1712*

*Pour monstrier que la vie des Princes souverains
doit estre inuiolable aux subiects & à la Repu-
blique, tant en general qu'en particulier, & qu'il
n'est loisible de se reuolter contr'eux ou attenter à
leur personne, sous pretexte de tyrannie ou autre
que ce soit.*

*Ala fin sont les deliberations de la Sorbonne, &
l'arrest de la Cour de Parlement.*



A ROVEN,

Pour I E A N P E T I T, tenant sa boutique
dans la Cour du Palais

Iouxte la coppie imprimée chez Pierre M E T T A Y E R,
Imprimeur & Libraire ordinaire du Roy.

M. D C X.

Avec privilege de sa Maiesié.

ΔΙΑΓΡΑΜΜΑΤΑ

ΔΙΟΓΕΝΕΙΟΥ ΚΑΙ ΛΕΥΚΙΠΠΟΥ

ΠΡΟΣΕΛΕΥΣΕΩΣ

Case

F

39

326

1610

THE NEWBERRY
LIBRARY



A

TRES-HAUTE TRES-VER-
TUEUSE ET TRES-CHASTE PRIN-
cesse Marie de Medicis Royne mere du Roy
regente en France.

A DAME,



Lors qu'il plent à Dieu faire alliance de la tres-illustre principauté de Florence avec le premier des Royaumes du monde, mariant vos rares vertus aux incomparables perfections de nostre Henry le Grand & le vostre, il n'y eut celuy des François qui aussi tost ne prophetizast que Florence feroit par vostre moyen refleurir les fleurs de Lys de la France, lesquelles nos diuisions auoient fletries. Nous iugeasmes incontinent que Dieu vous eleuoit sur nostre horison, comme vn arc en ciel pour nous donner assurance que tât que vous parestriez à nos yeux, nous n'auions que faire de craindre le deluge des guerres ciuiles, non iamais assez craint. L'euenement a tesmoigné que nous auons esté bons prophetes : Car Dieu secondant de ses graces, vostre pieté, vos prieres, en vn mot vos merites si cognus, vous rendit en peu de mois la mere bien-heureuse d'un Dauphin, qui acheua de calmer les flots &

A ij

les bouillons de nos fureurs : & en peu d'annees vous a encore rendue la mere de Princes & Princesses qui nous promettent plus de grandeur qu'à peine en oserions nous esperer. Depuis en quelle profonde paix auons nous vescu ? Mais comme sur la terre il n'y a rien de duree, & que l'inconstance & la fragilité enuient principalement les grandes prosperitez: voyci, ie ne sçay si ie l'oserai dire tant ie crains non de renouueller (car iamais elle ne vieillira) mais de r'empirer & accroistre la douleur de vos playes : ie le diray toutesfois, mais d'une voix entrecoupee par les sanglots qui doivent sortir de la poitrine d'un fidelle sujet : voyci di-je que nous perdons ceste teste esclatante de gloire, qui par sa prudence, sa valeur, & en un mot par ses vertus asseuroit la tranquillité de son peuple. A peine que demontans nos propheties, nous n'aprestions desia le cercueil pour enseuelir nostre paix & nostre bonheur avec ce corps precieux. Mais iettans nos yeux sur vous, comme en l'horreur d'une nuit assieuse sur vne belle lumiere, il nous escheust à l'instant de penser que vous nous auiez nourry vn Dauphin, lequel succedant au throsne de son seigneur & pere, sous le gouuernement & la regence d'une mere si capable & vertueuse, rauioit nostre esperance demi-morte. Ce fut la ressource de nostre mal-heur, & le cõble de ce que tousiours nous nous sõmes promis de vous. C'est donc à vous apres Dieu & nostre grand Henry, que nous deuons l'establissement & la continuation de la paix : & par consequent de nos felicitez. Aussi est ce à nous de vous rendre les res-

A L A R O Y N E

moignages de l'obligation que nous vous en auons par toutes sortes d'obeissances, & d'effects de seruice & de bonne volonté. Or quelles scauroient estre plus agreables à vous Royne tres auguste, mere & regente de Roy, que d'instruire & disposer les sujets en la vraye & inuiolable obeissance qu'ils doiuent à leur Roy? C'est, MADAME, le dessein de mon petit trauail, lequel vous estât plus deu qu'à tout autre, pour les circonstances & considerations qui se trouuent en vous, vous a esté dedié aussi tost qu'il pleut à Dieu me faire la grace d'en conceuoir les premiers traits. Le voila maintenant tout eleué qui se presente à vostre grandeur, non en la perfection & beauté que ie desirerois. Je vous supplie dōc tres-humblemēt le vouloir prendre en bōne part, m'assurant que l'accueil fauorable qu'il vous plaira luy faire, luy conciliera d'auātage l'affection de vos Frāçois, qui ne peunēt de la lecture de sō discours que puiser vne reuerence veritablement Chrestienne enuers nostre Roy tres cher, & consequemment enuers vous sa tres chere mere. Il contrepoincte seulement l'opinion d'vn homme qui a osé parler outrageusement des Roys. Au reste n'en veut à personne ny en generale ny en particulier, n'yāt autre but que le seruice qu'il doit à son Roy, & de se faire cognoistre,

M A D A M E,

*Vostre tres-humble & tres-obeyssant & tres fidelle
seruiteur & sujet M. ROUSSEL,*



AV LECTEUR

NE Vous pensois faire voir ce petit discours plustost, car il y a long tēps qu'il est sorti de ma main : Mais la longueur est prouvenue de quelque empeschement & de la difficulté de l'impression, laquelle trop effrenée cy deuant a esté prudemment restraincte par deffences particulieres faictes aux Libraires & Imprimeurs d'imprimer des liures de semblables matieres qui n'eussent esté bien veus & examinez : c'est ce qui l'a retenu pres d'un mois auant qu'estre mis sur la presse. En fin ayant esté rendu pour ne contenir aucune chose qui le deüst faire supprimer (car i'ay fuy de blasmer l'innocent pour le coupable, & toute aigreur de paroles, fors contre celuy qui l'a meritee) ie me suis enhardy de l'exposer au public, ainsi qu'Appelles son tableau pour sçauoir ce que vous en diriez. I'y ay traouillé au moins mal qu'il m'a esté possible, & que la breueté du temps & les heures que i'ay peu desrober

AV LECTEUR.

à d'autres affaires de nostre vacation me
l'ont peu permettre. Vous prendrez en bonne
part que i'aye esbauché des premiers traits, ce
que peut-estre vn autre pourra releuer de
plus viues & plus fortes couleurs : ou que ie
pourray vne autre fois si ces premieres cou-
ches & ce premier crayon du pourtrait de
la Vraye obeysance deue aux Princes vous
est agreable.





SOMMAIRE DES CHAPITRES
CONTENANS LES MATIERES
traictees en ce liure.



*Q*U'IL est defendu de mesdire du Prince
quel qu'il soit. chap. j. p. 5

Pour monstrier que les exemples &
histoires de l'ancien testament qu'il n'est
permis attenter à sa vie, ou se reuolter contre luy.
ch. ij. page 7

Que par les loix & auctoritez du nouveau testa-
ment il est aussi defendu. chap. ii j. page xj

Qu'il ne faut receuoir les interpretations contre la loy
de l'Euangile. chap. iiij. page 15

Confirmation par l'autorité des martyrs & des peres.
chap. v. page 19

Autre par les exemples. chap. vj. page 21

Que les Chrestiens n'ont point obey aux Princes ty-
rans par crainte & defiance de leurs forces.
chap. vi j. page. 23

Que ce n'a point esté faite d'eloquence & de crean-

T A B L E.

ce: & qu'ils ont fuy & apprehendé la sedition.
chap. viii. p. 27.

Les raisons pour lesquelles les Chrestiens se sont resolu
à la patience. Contre l'opinion de Mariana, & que la pa-
tience est aussi requise pour la confirmation des vertus.
chap. ix. p. 31.

Confirmation par l'autorité du 4. Concile de Toledé.
chap. x. p. 35.

Que l'intention de ce Concile a esté de defendre l'atten-
tat contre les Princes Tyrans. chap. xi. p. 39.

Confirmation par l'autorité du Concile de Constance.
chap. xii. p. 40.

Autre confirmation par les exemples & dire des Pa-
yens chap. xiii. p. 44.

Confirmation par l'excellence de l'Estat Royal, & la
consecration des dignitez superieures. chap. xiiii. p. 47.

Autre confirmation par les auteurs Payens.
chap. xv. p. 50.

Qu'il y a des degrez de iurisdiction, & que ceux qui
sont au dessous n'ont aucun droit de iustice sur les supe-
rieurs. chap. xvi. p. 54.

Que les Princes souverains ne dependent que de Dieu,
auquel seul il appartient d'en faire iustice.
chap. xvii. p. 56.

T A B L E.

Qu'il faut contre la tyrannie & les aduersitez apporter la patience: & que les aduersitez sont necessaires.
chap. xviii. p. 60.

Qu'il n'est loisible de resister au Prince Tyran, ny d'autorité publique, ny d'autorité princee, d'autant qu'il est par dessus les Estats. chap. xix. p. 63.

Response à l'obiection que les Roys sont obligez à quelques loix enuers la republique. chap. xx. p. 70.

Que les exemples & histoires ne doyuent auoir tant de force que la loy: & qu'il n'appartient qu'au Prince d'interpreter sa loy. chap. xxi. p. 74.

Response aux exemples prophanes de la rebellion & attentat: & que la reuolte fait beaucoup plus de mal que la tyrannie. chap. xxii. p. 79.

Response aux exemples de l'histoire sainte.
chap. xxiii. p. 82.

Des remedes Chrestiens contre les Princes Tyrans: le premier, la priere, le second, les remonstrances, & comment elles doyuent estre faites.
chap. xxiiii. p. 86.

Le troisieme remede, qui est la fuite.
chap. xxv. p. 88.

Aduertissement aux Princes, qu'encore qu'ils soyent inuiolables, ils ne doyuent pourtant estre Tyrans: mais craindre la iustice de Dieu, & auoir compassion de leurs

T A B L E.

peuples. chap. xxvi. p. 90.

Les moyens par lesquels vn Prince se peut rendre bon
& vertueux, & de la misere des Tyrans.

chap. xxvii. p. 94.

Refutation des propositions de Mariana.

chap. xxviii. p. 97.

Refutation des calomnies de Mariana, contre Henry
III. Roy de France & de Pologne. ch. xxix. p. 111.

De la proposition de Mariana touchant les venins.

chap. xxx. p. 116.

De la prudente equité de la Cour, remarquee en son
Arrest contre Mariana. Que chacun doit porter la peine
de son peché : aduertissement aux Iesuites, avec vn son-
maire de leur doctrine, touchant l'obeyssance dene aux
Roys, suivant la declaration du Pere Cotton.

chap. xxxi. p. 119.

Que la condemnation de l'heresie de Mariana, importe
grandement à tous les Princes. chap. xxxii. pag. 126.

Qu'elle importe mesme aux bons Princes.

chap. xxxiii. p. 130.

Que les seditieux ne manqueront point d'assemblees de
preendus Estats, pour faire approuuer leur reuolie.

chap. xxxiiii.

Qu'il s'est trouué peu de Princes entierement parfaits:

T A B L E.

qu'il faut excuser les infirmités des Princes, les louer & admirer quand parmy tant d'occasions de mal faire ils sont vertueux, ou non du tout vitiés.

chap. xxxiiii.

p. 140.

Des vertus de Henry le Grand, combien elles sont en luy admirables, & les occasions & affaires qui le por-
toient au mal. chap. xxxv.

p. 145.

De la nécessité des impositions sous Henry le Grand,
du bien qui en est prouenu & peut prouenir.

chap. xxxvi.

p. 149.

Du moyen de soulager le peuple sans nuire à l'Estat.

cha. xxxvii.

p. 152.

La cause & l'auteur de l'abominable parricide com-
mis en la personne de nostre bon Prince Henry le Grand.

chap. xxxviii.

p. 154.

De l'équité, prudence, & autorité de la Cour de Par-
lement de Paris. chap. xxxix.

p. 157.

Combien il est nécessaire d'examiner les livres aupara-
uant qu'ils soyent imprimez. chap. xl.

p. 161.

Recapitulation du danger qui prouient de la doctrine
de Mariana. Conclusion par les Eloges de la paix.

chap. xli.

p. 163.

Chapitre dernier, contenant les deliberations de la Sor-
bonne contre les Parricides des Roys, & l'Arrest de la
Court, contre le liure de Mariana.

p. 173.



L'AVANT-PROPOS.

L'EXPERIENCE remarquee par l'histoire des siecles, nous fait apprendre qu'il n'y a rien plus dangereux, ny aussi plus profitable que la science : Et que le danger a tousiours procedé de la folle vanité de ceux qui portans leurs conceptions hors des termes de la raison ou plustost de la crainte de Dieu, se sont esgarez à vne infinité de vaines questions, & à des inuentions pernicieuses, seulement ou pour estre recognus & appelez doctes, comme ayans dit ou muenté quelque chose plus extraordinaire à leurs aduis & releué que les autres, ou pour s'accommoder au temps, ou pour quelque autre consideration, n'ayant autre obiet que la sensualité, ou en fin pour n'auoir mis au deuant de leurs estudes, & recherches cette crainte de Dieu, que l'on a dit fort à propos estre le commencement de la vraye sagesse, de laquelle les esprits des sçauans, (qui en ont esté pourueuz) ont tousiours tiré des resolutions si parfaites, que la race des hommes en a ressenti de grandes commoditez.

Aussi la mesme experience nous fait iuger la solidité des vnes, & la faiblesse des autres : car toutes ces vaines questions esquelles y a tousiours eu du vasselage de quelque affection particuliere, relquant en plain sief de

la chair & du monde, reprouuee premierement en l'examen, & au cabinet de Dieu, n'ont guere tardé par après à servir de fable & d'opprobre icy bas : mais les resolutions qui prennent leurs racines en la diuine sapience, quoy que pour vn temps mesprisees, neantmoins comme vn Soleil vigoureux, qui enfonce les nuages, elles paroissent incontinent maugré l'enuie, & prennent vne telle croissance, qu'elles estendent leurs rameaux bien autrement que la vigne, sortant en vision du ventre de la fille du Roy Astyages.

Cela c'est venant en la Religion qu'en l'Estat. Car encore qu'il n'y ayt article en la foy, ny presque mot en l'Euangile, contre lequel ne se soyent esleuees autant d'heresies, que la doctrine de l'Eglise Catholique inspiree & dictée de la bouche du S. Esprit, presidant aux saints Conciles, & soufflant sur les ames pieuses des premiers Peres, ayt esté combatue par tant de rebelles, toutesfois ils n'ont iamais peu ébranler sa constance, ny entamer si peu que soit l'integrité de sa robbe. Elle est demeurée ferme & immobile contre tous ces violens assaus, d'autant qu'elle a son fondement sur vne pierre consacree, de la veritable & sainte bouche du Sauueur, qui a dit que les portes d'Enfer, ne preuaudroyent aucunement à l'encontre d'elle. Et au contraire combien que les oppinions des aduersaires ayent esté receues avec vn merueilleux applaudissement à leur arriuee, que les Roys, les Princes, les Euesques, & vn nombre innombrable de toutes sortes d'hommes, y ayent en foule souscript, & s'en soyent declarez les protecteurs : neantmoins elles sont tombées en ruine, & à present n'en est presque demeuree, de la pluspart ; que la malheureuse & miserable souuenance, qui ne sert à autre chose que pour faire detester la memoire & le nom des auteurs.

Quant à l'Estat, il seroit ennuyeux de raconter les fausses

propositions que l'on y a voulu introduire pour renuerfer les loix fondamentales, & consequemment le repos d'iceluy. Car estant bien vray que les Republiques sont de grands brigandages si la loy n'y preside, Dieu qui desire le repos & la felicité de l'homme, a voulu qu'il fut retenu de la crainte & du respect de ceste loy, laquelle il a diuisée en plusieurs membres selon la diuersité des cas, & l'humeur & composition des Estats.

De ces loix il y en a qui ne sont point faictes pour vn temps seulement, ains pour vne eternité, d'autant qu'elles ont esté publiees pour vne perpetuelle vtilité, aussi n'est-il aucunement permis se dispenser de leur obeyssance: il y en a d'autres mortelles, auxquelles la neccessité du temps a donné nayssance, aussi sont elles muables avec le temps, comme celles que la guerre a introduit s'aneantissent par la paix, celles que la paix, par la guerre: De mesme que en la conduicte & gouvernement d'un nauire, aucunes choses sont propres en la tempeste, d'autres en la bonace: mais ceste distinction doit dependre de la discretion des superieurs qui les ont publiees.

Aussi pour la manutention des loix ont esté (ce dit Platon) ordonnez des Magistrats, qui autrement ne seroient necessaires si les loix se pouuoient deffendre & maintenir elles seules. De ces Magistrats y a plusieurs degrez dont le premier & souverain est Dieu qui pour marque infailible de sa haute souveraineté, a posé son throsne non seulement comme dit Homere sur l'Olympe dont la teste n'est obscurcie d'aucun nuage, mais sur le Ciel des cieux au plus haut de l'univers, sur le Ciel immobile en recognoissance de la hauteur & fermeré de son Empire, & que les decrets qui prouiennent de là doiuent estre immuablement observez, si ce n'est que luy-mesme les abroge. Et d'autant que l'esclat de sa grandeur

est si brillant qu'il est impossible à la foiblesse de nos yeux de la soutenir, tellement que le peuple d'Israel auoit vne merueilleuse apprehension d'ouyr seulement sa voix, il luy a plu faire entendre ses loix aux hommes par la bouche des hommes qu'à ce faire il a choisis : & apres qu'elles ont esté publiques la sainte histoire nous enseigne combien rigoureux ont esté les chastimens de ceux qui ont osé les transgresser.

La publication de ces loix a esté faite en diuers temps, sçauoir par Moysse en l'ancien testament : & au nouveau par nostre Sauueur, fils unique de Dieu, & Dieu luy-mesme, encore qu'ayant vestu nostre humanité il soit appelé homme. Et tout ainsi que Moysse s'estant choisi des cooperateurs en l'administration de la iustice, Dieu leur donna du mesme esprit qu'il auoit respandu sur luy : pareillement nostre sauueur s'estant associé vne petite troupe d'Apostres pour leur apprendre ses loix & ordonnances, il leur a enuoyé son saint Esprit afin de les confirmer en ce qu'il leur auoit enseigné, & instruire de plusieurs choses qu'il laissoit à leur dire. De sorte que tout ce qui est ordonné par Moysse, par nostre Sauueur & les Apostres doit estre indubitablement obserué, si ce n'est pour le regard des loix de Moysse celles qui sont abolies par la nouvelle loy, comme estans ou figures ou peculieres aux Iuifs. Car les autres sont immuables & viuront tant que le monde sera monde. Aussi estoient elles escrites du doigt de Dieu sur les ames, dès l'instant de leur creation : & ce qu'elles ont depuis esté grauees sur les tables du Decalogue n'a esté que pour oster toute excuse à la malice affectée des meschans.

Or comme il estoit expressement enioint aux Iuifs d'obeyr estreitement aux loix de Moysse : de mesme a il esté à celles du nouveau testament, iusques là qu'il nous est

deffendu de croire non pas vn Ange qui prescheroit autre chose & outre ce qui est euangelizé.

Entre les loix perpetuelles tant de l'ancien que du nouueau testament sont ces deux principales, & peut-on dire cardinales, pour ce que d'icelles toutes les autres prennent leur mouuement : la premiere d'honorer Dieu sur toutes choses, ne murmurer aucunement contre luy, ny estre rebelle à sa maiesté pour quelque subiect que ce soit, & pour quelque affliction qu'il nous enuoye. La seconde d'honorer aussi les Princes du peuple qui sont les Roys, les Magistrats & Iuges appelez dieux, pour monstrier que Dieu leur a baillé vne participation de sa grandeur.

Il falloit donc pour nostre bien obeyr à ces loix en la sorte qu'elles sont escrites & donnees, & croire que procedans de Dieu elles n'estoient que tresbonnes : Neantmoins les opiniaistres & rebelles ont fait tout le contraire. Et employans à mauuais vsage leur science ou celle des doctes, ont tasché de persuader non pas directement qu'il les fallat mespriser (car c'eust esté s'acquérir vne trop grande haine du monde :) mais par voye oblique qu'à la verité il n'estoit necessaire d'obeyr à Dieu en tout ce qu'il a commandé, mais qu'il ne falloit prendre ses commandemens à la lettre. C'est pourquoy ils y ont recherché des interpretations tant pour ce qui est de la religion que pour l'estat, comme, en l'obeyssance des Roys. Or pour scauoir de combien de maux ces interpretations ont esté causes, & combien il estoit meilleur de donner nostre simple creance à la lettre si claire qu'elle n'a aucunement besoin de glose, il ne faudroit que représenter la plate peinture des malheurs qui procedans de là ont affligé tous les siecles.

La necessité du temps & des affaires n'a donné que trop de matiere aux bons esprits de discourir sur ce subiect, & principalement de l'obeyssance due aux Rois

Mariana.

bons ou meschans : De sorte qu'il seroit superflu de pincer encore ceste vieille corde n'estoit que ce qui est arriué ces iours passez sur le liure de Mariana, ayant esté recen diuersement selon la diuersité des gous, semble auoir requis que qu'elqu'un mit la main à la plume pour satisfaire aux vns & aux autres.

Il sera donc profitable pour instruire la foiblesse des ignorans de monstrier que l'aduis de la Sorbonne & l'arrest de la Cour qui ont declaré l'opinion de Mariana heretique, par laquelle il lasche vne main parricide contre la personne des Rois sous pretexte de tyrannie, sont fondés sur les loix de Dieu, du Sauueur, des Apostres & la resolution des Sages : Ausquelles ceux qui resistent peuent & ont tousiours esté nommez heretiques.



QV'IL EST DEFENDV DE
mesdire du Prince quel qu'il soit.

CHAP. I.



N T R E les loix de l'Exode publiées par moÿse au peuple d'Israel, suivant l'ordonnance de Dieu : il est dit , tu ne mesdiras point des Dieux (c'est à dire des Princes & puissances de la terre), ny du Prince du peuple. Ce qui doit non seulement estre entendu des bons Princes desquels on n'a point de subiect de mesdire : mais encore des meschans & outrageux , ainsi que l'a recogneu fort expressement saint Paul. Car encore que le Prince des Prestres nommé Ananias abusant avec insolence & tyrannie de son auctorité eust commandé que l'on le frappast , & que l'Apostre non en colere, non à dessein de mesdire , mais d'une franchise & liberté de langage (comme dit saint Iean Chrysostome ,) pour esmouuoir la conscience de ce mauuais Prestre en le piquant , luy eust repliqué , muraille blanchie le Seigneur te frappera : Toutesfois aduertÿ de sa qualité il se reprit , incontinent , ie ne pensois pas, dit-il, mes freres qu'il feust le Prince des Prestres, d'autant qu'il est escrit, tu ne mesdiras point du Prince du peuple. Voila pourquoy l'Euesque Optatus

Diis non
detrahas &
principi
populi tui
non maledices.
Exod. cap.
22. E.

Nesciebam
fratres quia
princeps
est sacer-
dorum :
scriptum
est enim,
principi
populi tui
non maledices.
Act. cap.
23. lib. 3.

l'heresiarque Donatus de son arrogance, Il s'est creu, dit-il, estre ou quelque nouveau Daniel ou plus sage que Daniel: car Daniel pressé de recevoir les presens du Roy Balthazar, respondit modestement, vos presens soient avec vous ó Sire: il respondit sagement & ne lascha pas sa langue aux iniures contre le Prince: ainsi que Donatus si temeraire de repousser avec iniures les biensfaits de l'Empereur Constans. Mais Daniel estoit saint & sage. Que s'il est estrange, s'il est defendu de mesdire du superieur encore que méchant & vicieux, combien plus de se reuolter contre luy & de le tuer? Aussi les Conciles ont nommement enjoint aux predicateurs & à tous ceux qui se meslent de parler en public, la modestie de la langue lors qu'ils parleront de la puissance tant civile qu'Ecclesiastique: d'autant que tels propos ne seruent que pour allumer vne sedition: & voulu que celuy qui pecheroit contre ceste ordonnance fust excommunié & renuoyé à son superieur pour recevoir la punition de sa langue insolente & seditieuse. Voila donc la premiere loy qui a esté si recommandee aux anciens Prophetes qu'encore qu'ils ayent vescu sous les Rois d'Israel meschans, cruels & idolatres, toutesfois Dieu leur commandant de les reprendre, ils l'ont faict, mais sans iniures.

Pour monstrier par les exemples & histoires de l'ancien
Testament qu'il n'est permis d'attenter à sa vie,
ou se reuolter contre luy.

CH AP. II.

MAis il est besoin de fortifier ceste
loy par vne plus speciale imprimée
en la premiere eslection des Roys
d'Israel: Ce peuple, dit Dieu, veut a-
uoir vn Roy : qu'il sçache donc les
rigueurs & l'auctorité qu'il s'attribuera sur lui:
il rauira vos garçons & vos filles, decimera vos
moissons, vos vignes, & troupeaux : Alors vous
crierez au Seigneur, mais il ne vous exaucera
point. Que peut-on entendre de là sinon qu'en-
core qu'ils desirassent seouer le ioug de la ty-
rannie, toutesfois Dieu ne le voudra pas ? Car le
voulant il les exauceroit: & que Dieu ne le vou-
lant pas il ne s'en faut mettre en deuoir : car ce
seroit, comme dira tâtost S. Paul, resister à Dieu,
combien moins de le tuer? Que telle fust & soit
la volonté de Dieu en croirons nous vn meilleur
interprete que Dauid? Encore que Saül qui a e-
sté le premier Roy fust reprouué idolatre, con-
sultant la Pythonisse, meurtrier & sacrilege ayât
trempé ses mains au sang innocent du Prestre
Achimelech & de tous les autres prestres de sa
famille, desobey maintesfois au commandement
de Dieu, & commis plusieurs actes de tyrannie,
neantmoins Dauid lequel il persecutoit à cor &
à cry a eu le nom de Roy en si grande reuerence,

Hoc erit
ius regis
qui impera-
turus est
vobis: filios
vestros tol-
let, & po-
net incurri-
bus suis &c
filias quo-
que vestras
faciet sibi
vnguentaria:
Agros
quoque ve-
stros & vi-
neas & oli-
ueta opti-
ma tollet
& habet ser-
uis suis: sed
& segetes
vestras &
vinearum
redditus ad-
dimit
ut det eunu-
chis & fa-
mulis suis
seruos etiā

vestros & que l'ayant à discretion pour en faire à son plaisir, il se batoit la poitrine de ce que seulement il auoit osé couper vn morceau de la frange de sa robe, pourquoy? par ce qu'il estoit Roy. Dieu, in opere suo: greges quoque vestros addecimabit, vosque eritis ei serui: & clamabitis in die illa a facie regis vestri quem elegistis vobis: & non exaudiet vos dominus in die illa quia petistis vobis regem. Reg. 1. c. 8.

Surrexit ergo Dauid & præscidit oram chlamydis Saul filiter Post hæc percussit cor suum Dauid eo quod abscidisset oram chlamidis Saul, dixitque ad viros suos: Propitius sit mihi Dominus ne faciam hac rem Domino meo Christo Domini, ut mittam manum meam in eum, quia

dit-il, me soit fauorable comme ie ne toucheray iamais l'oingt du Seigneur: mesme accusoit Abner de ce qu'il estoit negligent à le bien garder: pleura sa mort & la vengea sur l'homicide, quoy que contraint & forcé. Que s'il eust esté loisible de tuer vn tyran, y a il apparence que Dauid, auquel la couronne estoit promise, en eust fait conscience? L'on pourroit adiouster les histoires de tous les meschans princes d'Israel, de Iuda & autres ausquels les Prophetes ont obey avec le peuple, ne faisans autre chose que s'enfuir & se cacher en des cauernes. Dieu mesme a-il pas commandé par les prophetes Ieremie & Baruch l'obeyssance enuers le Roy Nabuchodonosor, quoy que cruel tyran des ames & des corps? & pour n'auoir les Iuifs obey à ce commandement, de combien de maux ont ils esté affligez?

Christus Domini

est & j.

Propitius

mihi sit do-

minus ut

non mittā

manum me-

am in Christum domini &

confregit Dauid viros suos sermonibus istis & non

permisit eos ut

consurgerent in Saül. Reg. 1. cap. 24. Baruch. c. 1. Ieremiæ cap. 40

Nolite timere seruire Chaldaeis. & seruite regi Babylo. & benè erit vobis. Item

c. 27. 28. 29. 40. 41. cum 38. eod. Ierem. Est.

Mais le plus illustre tesmoignage est celuy du vertueux Mardochee: il auoit entendu la conspiration des Eunuques contre la vie du Roy Assuerus: & pouuant esperer que sa mort apporteroit quelque deliurance aux Iuifs esclaves

d'un infidelle, du moins, s'il ne les encoura-

geoit en ceste entreprise, s'il ne se rendoit complice avec eux il en pouuoit attendre l'euene-
ment sans rien descouurir, en encore esgard qu'il
ne pouuoit estre accusé de l'auoir sceue : mais
croyant en conscience que la vie des Princes
doit estre chere aux suiets il accusa les Eunuques
& les fit mourir. Peut estre on dira que le Roy
n'auoit encore exercé aucun acte de tyrânie con-
tre les Iuifs. En voicy vn bien sanglant. Affue-
rus ingrat & mescognoissant du bienfait de Mar-
dochee enuoye à la iuscitation d'Aman des let-
tres par toutes les prouinces, pour exterminer
la race des Iuifs en vn iour. Que n'eut dit alors
Mariana? & ayant à sa commodité vne niepce
Esther, que n'eust il fait? il l'eust sans doute en-
couragée à tuer le Roy son mary, par les occa-
sions & les moyens que peuuent prendre à leur
aduantage les femmes, comme fit Thebé contre
Alexandre Tyran de Pheres. Mardochee plus
sage & inspiré de Dieu ne l'a pas fait : mais ce
qu'il deuoit, il l'a fait de se mettre & faire met-
tre les Iuifs en prieres. Que ne suppliez vous
pour le moins ô bon Mardochee la diuine maie-
sté à ce qu'il luy plaie faire mourir vn Prince si
brutal & tyran, que d'enioindre vn carnage si
grand & detestable de tant de pauures innocens?
Non les gens de bien ne messent point en leurs
prieres la vengeance & le sang. Il prie donc sim-
plement pour la deliurance du peuple. Apres ces
exemples, il n'est plus necessaire d'en alleguer
d'autres : Toutesfois ie veux confirmer par l'au-
torité de dieu, cōbien mesme auant les loix écri-
tes, il a témoigné qu'il failloit épargner les Rois.

Plutarque
en la vie de
Pelopidas.

Clemens
Alexand.
li. i. st. 10m.

Les Hebrieux par le long temps de leur habitation en Egypte, estoient deuenus comme les sujets de Pharaon. C'est pourquoy encore qu'il les traitait cruellement : & ce qu'il les deuoit plus resoudre au desespoir, fist mourir tous leurs males nouveaux nez, toutesfois nul d'entr'eux n'attenta iamais contre luy. Mais ils ne l'osoient, ils ne les pouuoient. Dieu le pouuoit, & neantmoins ayant resolu de deliurer son peuple, & à ceste fin deputé Moyse, il ne luy donna charge de luy oster la vie, combien que les Cabalistes ayent escrit que la vertu de cét homme estoit si forte qu'il pouuoit de sa seule parole, comme d'un glaive bien acéré donner la mort: que d'un mot il extermina l'Egyptien : & que miraculeusement sorty de la prison en laquelle le Roy l'auoit fait mettre, il entra de nuict en sa chambre, & de certaines paroles qu'il luy dit à l'oreille le rendit ainsi que mort, puis le resuscita, pour monstrier qu'ayant la puissance de le tuer, voyre sans estre decouvert, il n'en vouloit ou n'osoit user comme il eust fait enuers un particulier, parce qu'il estoit Roy. Et ce qui est admirable, nous ne lisons pas que sa personne ayt esté touchée d'aucune des playes qui affligerent l'Egypte: L'Ange fit en vne nuict un grand meurtre, le Roy pourtant en fut excepté, quoy que cause de tout le mal. Que si depuis il a esté enuelpé avec l'armée dans les eaux de la mer rouge, il le faut imputer à ce qu'il y estoit meslé : & qu'il n'estoit raisonnable que Dieu fist un miracle à l'endroit d'un Prince indigne de sa grace, le souleuant du milieu de tous les autres. Voyla donc par les Hystoires de

l'ancien testament, la loy de Dieu de ne se reuolter contre les Tyrans, confirmee. Que s'il s'en trouue quelques vnes au contraire il ne les faut tirer en consequence: & puisque nous voyons la patience de Dieu enuers plusieurs meschans, il vaut mieux se tenir à la maxime que nous en destourner par vn exemple ou deux au plus qui reçoquent facilement leur exception, comme il sera dit en son lieu.

Que par les Loix & auctoritez du nouueau Testament il est aussi deffendu.

CHAPITRE III.



MAIS peut-estre que c'estoit la Loy de rigueur: examinons si nous aurōs meilleur marché de la Loy Euangelique, nommee la Loy de grace.

J'ay desia dit que de celle-cy les Legislateurs ont esté le Sauueur & ses Apostres.

Quant au Sauueur il a defendu l'auctorité du glaive, a commandé que l'on rendit le tribut à Cesar, & quoy qu'Herodes l'ait persecuté dès sa plus tendre enfance, il n'a leué ny conseillé que l'on leuast la main dessus luy, sa diuine prescience voyoit toutes les persecutions & toutes les tyrannies des Roys qui seront & ont esté: il a telmoigné tousiours l'extreme amitié qu'il porte à l'homme: qui nous doit faire iuger que si le remede de violence, d'attentat & de sedition luy eut pleu, il n'eut oublié de nous le permettre. Donc

Matth. 26.
E.

Matth. 22.
E.

ne l'ayant permis, que devons nous inferer, sinon qu'il ne l'a pas voulu?

Mais afin que l'on ne doutast point de sa volonté, l'ayant fait entendre à ses Apostres, & de vive voix, & par la mission du saint Esprit, il les a inspirez d'en faire des loix au nombre de quatre, dont les trois sont de S. Paul 1. Que toute ame soit subiette aux puissances superieures, car il n'y a point de puissance qui ne vienne de Dieu, partant qui resiste à la puissance, resiste à l'ordination de Dieu, & ceux qui y résistent acquièrent leur damnation.

Omnis anima potestati sublimiori-
bus subdita sit. Non est enim potestas nisi à

Deo. Itaque qui resistit potestati, Dei ordinationi resistit. Qui autem resistunt ipsi sibi damnationem adquirunt. Ad Rom. 13.

Quicumque sunt subie-
go serui domi-
nos suos omni honore dignos arbitrentur: ne nomen doctri-
no blas-

phemetur: Qui autem fideles habent dominos: non contemnunt: quia fratres sunt: sed quia magis seruiant quia fideles sunt & dilecti. 1. Ad Tim. c. 6.

2. Que les seruiteurs doyuent estimer leurs maistres dignes de tout honneur de crainte, qu'ils ne blasphement le nom du Seigneur & de sa doctrine. Et pour monstrier que cela s'entend des maistres infideles, il adioute: & que ceux qui ont des maistres fideles; ne mesprisent pourtant de les servir: à cause qu'ils sont leurs freres: mais

s'affectionnent d'avantage à leur service à cause qu'ils sont fideles.

Serui obedite dominis carnalibus cum timore: in simplicitate cordis vestri sicut Christo: non ad oculum sicut homini-

3 Les termes de la troisieme sont notables: seruiteurs, obeysez à vos maistres charnels avec crainte & treneur en simplicité de cœur comme à Iesus-Christ: & que vostre service ne soit pas pour plaire seulement aux hommes, mais ainsi que seruiteurs de Iesus Christ, accomplissans la volonté de Dieu, servez de cœur avec bonne intention assurez de recevoir recompense du bien

que vous ferez. C'est donc vn bien de seruir au maistre indistinctement sans considerer, s'il est fidele ou infidele, bon ou mauuais.

nibus pla-
centes : sed
vt serui
Christi fa-
cientes vo-

luntatem Dei ex animo cum bona voluntate seruientes sicut Domino, & non hominibus : scientes quoniam vnusquisque quod fecerit bonum hoc recipiet à Domino. Ad Ephes. 6. ad Coloss. 3. D.

Toutes ces loix n'en font à vray dire qu'une, mais repetee plusieurs fois pour estre d'auantage remarquee & grauee sur les esprits opiniatres des hommes desquels le mesme saint Paul escriuant à son Disciple Titus : admoneste les, dit-il, d'estre souples & obeissans aux Princes & aux puissances.

Admone
illos prin-
cipibus &
potestati-
bus subdi-
tos esse, di-
cto obedi-
re: non liti-
giosos esse
ad Titum.

cap. 3,

Et ne faut pas dire qu'elle soit seulement préchee aux fideles afin de leur enseigner la perfection Euangelique : car les vrayz fideles & craignans Dieu n'ont point besoin d'estre auertis de leur deuoir : la loy ce dit le mesme Apostre n'est pas establie pour le iuste, mais pour le meschant & pecheur. Et en vn autre endroit il declare qu'il est debiteur de l'Euangile aux fideles & infideles. De sorte qu'encore qu'il adresse seulement ses Epistres aux fideles, toutesfois son intention a esté qu'elles fussent communiquees aux vns & aux autres pour les instruire tous. Et pour confirmer d'auantage qu'il vouloit que le seruice & l'obeyssance fust rendue aux Princes & maistres religieux ou irreligieux bons ou mauuais, sert le temps & le peuple auquel il a préché & donné ceste loy : sçauoir la naissance de l'Eglise sous le plus cruel Tyran des ames & des corps, qui ayt peut estre tenu le sceptre Romain, Neron : & aux Romains & autres peuples ses

AdThim. i.

vassaux, qui affligez extremement par ce monstre, auoyent beaucoup de subiet de se reuolter contre luy tant les infideles que les fideles. Mais preuenant l'intention que peut-estre ils en auoyent, il apprend à ceux cy qu'encore qu'ils soyent persecutez & tourmentez pour la foy : & à ceux là encor qu'ils souffrent en leurs biens & en leurs corps, ils ne doyuent pourtant secouer le ioug de l'obeyssance, tant s'en faut d'attenter à la vie du Prince Tyran.

Subiecti i-
gitur esto-
te omni hu-
manæ crea-
turæ pro-
pter Deum,
quasi præ-
cellenti, fi-
ne ducibus
tanquàm ab
eo missis.&
j.

Deum ti-
mete & re-
gem hono-
rificate: ser-
ui subditi e-
stote in om-
ni timore
Dominis
non tantum
bonis &
modestis se-
etiam Dis-
chois.

1. Petri cap.
2.

Bref S. Pierre chef de l'Eglise, a aussi fait vne loy du mesme subiet, qui leue toute difficulté, car elle est tant pour les Tyrans que pour les bons Roys, soyez, dit il, humbles & soubmis a toute creature soit au Roy comme le plus eminent, soit à ses Lieutenans: craignez Dieu, & honorez le Roy, seruez à vos maistres en la crainte du Seigneur, non seulement bons & modestes, mais Discoles. Il a esté souuent disputé si ce mot (Discoles) doit estre ententendu pour contraire à la Religion, mais le siecle auquel ceste leçon a esté dictée plein de maistres infideles & cruels, fait croire que comme nous auons dit de saint Paul, aussi saint Pierre a requis l'obeyssance des seruiteurs, aux maistres, quoy que Tyrans enuers eux, & irreligieux enuers Dieu. Il sera tantost facile de prouuer que telle a esté l'opinion des Peres, du moins est il clair qu'il faut obeyr aux maistres, encore qu'ils ne soyent bons & modestes, ains au contraire despouillez de bonté & modestie, consequemment cruels & impitoyables, ehontez & commetans tous actes esloignez de modestie & bonté, com-

comme le violement des filles, l'adultere, les meurtres & rançonnemens qui sont vices contraires à la modestie & bonté, auxquels Neron & sous luy les maistres inferieurs à l'imitation & mauuais exemple de leur Prince s'estans prostituez, il n'est pas que des pensees pareilles à celles de Mariana, & ses semblables, ne tombassent aussi lors en l'entendement des hommes, d'autant que les afflictions qu'ils enduroient ne leur donnoient que trop de subiet d'y penser. Mais les Apostres pour estoufer ces pensees & enseigner tant à eux qu'à nous, qu'il ne failloit par rebellion ou attentat, s'exempter du tourment ont presché ceste doctrine, & adiouté que ceux qui souffriront patiemment meriteront la grace de Dieu en ce qu'ils suiuront les vestiges de Iesus-Christ qui nous a monstre l'exemple de patience, car estant maudit il ne maudissoit point, estât ^{Exod. cap. 2.} affligé & tourmenté il ne menassoit point.

Qu'il ne faut receuoir les interpretations contre la loy de l'Euangile.

CHAPITRE IIII.

L n'est pas possible en toutes ces loix de termes plus clairs & intelligibles. Que s'il faut apporter de l'interpretation, il sera quand & quand aussi permis d'en chercher aux articles plus certains de la foy qui ne subsistent que pource qu'en parolles expressees, Dieu & les Apostres l'ont

Matthæi
cap. 10. c.

ainsi ordonné. Neantmoins à cause que telle ordonnance semble crue au iugement humain, les Dogmatistes la veulent digerer par diuerses interpretations, contre l'absurdité desquelles nous n'auons meilleure responce que de dire : le Sauueur & les Apostres l'ont ainsi prêché. Que s'il y eut eu lieu d'en douter, ou d'y donner quelque interpretation propre au sens commun, ils n'eussent oublié de la mettre quand & quand, pource qu'ils ne sont auteurs de deception. Mais ne l'ayans donnée il est necessaire de croyre ce qu'ils ont prêché & annoncé purement & simplement comme ils l'ont prêché & annoncé. Autrement ce ne sera iamais fait, car se departant de la lettre on verra autant d'opinions que de testes, ainsi qu'il est arriué entre les Heretiques, & arriuéroit en fait d'estat, auquel il n'est moins repugnant au sens commun de souffrir les insolences & cruantez d'un Tyran : mais il les faut endurer & obeyr en ce faisant à la loy de Dieu, sans y chercher autre distinction, puisque comme Iesus Christ enseignoit, le Disciple n'est point plus que le Maistre, par consequent ne se doit estimer plus sage, pour dire plus ou autrement qu'il n'a dit, spécialement vn tel maistre que le Sauueur & les Apostres.

Nous lisons que le tragique Eurippide faisoit fort grand estat d'une Tragedie, sur laquelle il auoit employé toute l'industrie de son art, & d'applaudissemens & de louanges du peuple Athenes. Mais pource qu'il luy estoit arriué tout au commencement d'icelle de reuoquer en doute, comme qui diroit, vn article de leur foy, il
n'eut

n'eut pas si tost prononcé ce passage que les Atheniens avec vne grande huée & crierie le contraignirent de cesser, tant ils estoient curieux de ne rien alterer en la creance retenue de longue main : pareillement les Romains firent brusler les liures de Numa Pompilius trouuez plusieurs annees apres sa mort pource qu'en iceux y auoit beaucoup de choses qui tendoient à la destruction de leur creance & religion.

Nous sçauons encore la caution notable dont le législateur Charondas voulut munir ses loix contre les cauillations diuerses des interpretes à ce que nul ne fut receu pour y donner quelque sens à sa fantaisie s'il n'auoit la corde au col pour en estre incontinent estranglé si son opinion n'estoit approuuée de l'assistance. En quoy ce dit l'historien Diodore, il fit paroistre sa prudence plus admirable que l'on ne sçauroit dire ou croire.

Car ayant remarqué en plusieurs villes que les loix estoient aneanties par ceux qui les interpretoient & accommodoient à leurs proufis & desseins particuliers, ce qui caufoit d'estranges seditions parmi les peuples, il inuenta ce remede singulier : la crainte duquel conserua les loix en leur seuerité.

Or les législateurs de nostre sainte Loy ont ils esté moins sages, & aduisez ? Non certes : mais beaucoup dauantage sans comparaison, car contre ces interpretes ils ont proposé non vne peine temporelle mais eternelle Saint Paul se plaignant de ceux qui conuertissent l'Euangile en

Sunt alii
qui qui vos

conturbant
& volunt
conuertere
Euāgelium
Christi: sed
licet nos
aut Ange-
lus de celo
Euāgelizet
vobis præ-
terquam
quod Euan-
gelizamns
vobis, ana-
thema sit,
sicut prædi-
ximus: &
nunc iterū
dico vobis
si quis vo-
bis, euange-
lizauerit
præter id
quod acce-
pistis, ana-
thema sit,
& j. Notum
enim vobis
facio fra-
tres euan-
gelium
quod euan-
gelizatum
est à me
quia non
est secundum hominem: Neque enim ego ab homine accepi illud neque didici, sed
per reuelationem Iesus Christi. Ad Galat. cap. i.

lib. 6. cap.
can. 262.

Iota vnum
aut apex v-
nus nō præ-
teribit a le-
ge donec

plusieurs sens & troublent l'vnité des fidelles: mais (dit-il) encore que nous ou vn Ange du Ciel vous presche autre chose que ce qui vous a esté presché de nostre part qu'il soit anatheme: & ie vous le dis derechef, si quelqu'un vous annonce outre ce que vous auez entendu qu'il soit Anatheme. Je veux que vous sçachiez mes freres que l'Euangile a esté annoncé par moy, ie ne l'ay point appris d'un homme, mais de Iesus Christ par reuelation.

Qui donc osera apres ces paroles d'execration adiouster à ces loix des interpretations qui tousiours seront outre la loy ? O glorieux Apostre que l'esprit de Dieu qui vous a tousiours assisté depuis vostre sainte conuersion vous illuminoit bien de son infinie preuoyance quand vous disiez cela. Car luy qui descouure iusqu'aux siecles derniers, vous faisoit aussi cognoistre que s'il estoit loisible d'adiouster aux paroles de la loy & comme interpretatiues, il s'en feroit autant d'heresies que de testes, l'experience ne l'a que trop iustificé.

C'est donc le plus seur de se tenir aux termes de la loy. Aussi nous en auons dans les capitulaires de Charles le Grand & Louys le Debonnaire son fils vne ordonnance expresse: Ne permettez, disent-ils, que l'impudence & luxurieuse interpretation courre plus loin: puis qu'il n'est loisible de departir non pas d'un seul mot de la doctrine Euangelique & Apostolique, ou tenir autre-

ment des escritures diuines, que ce que les Apostres bienheureux & nos peres en ont receu & enseigné.

omnia fiât
Matthei
cap. 5. E.

*Confirmation par l'autorité des martyrs
& des peres.*

CHAP. V.

MAIS voyons en suite ce que nos peres en ont creu.

Platon au 9. de ses loix reprenant la dureté des hommes qui ne peuuent estre amolis non pas mesme par le feu, des loix, dit que les premiers heros n'estoient pas ainsi. Car receuans la loy par la main des enfans de Dieu ils y obeissoient sans autre question. Cela conuient extremement bien à nostre propos. D'autant que (comme disoit Alexandre le Grand,) Dieu est bien le pere commun de tous les hommes, mais particulièrement il aduoue & retient pour ses enfans ceux qui aiment & suivent la vertu.

Les Apostres ont esté sans doute les mignons de Dieu: aussi ont ils receu ses loix, lesquelles ayans dictées aux Disciples de la primitive Eglise, ils y ont de point en point obey, sans faire des questions si elles s'entendoient du bon ou mauvais Prince, du fidele ou de l'infidele: scachans encore que l'Apostre saint Paul où il commande cette obeissance deffend les questions, les

St. as au-
tem quæ-
stiones, &
genealog.

& contem-
piones, &
pugnas le-
gis deuta:
iunt enim
iautiles &
vanæ. ad
Tit. eodem
cap. 3. ad
Timoth. 1.
cap. 6.

Christia-
nus nullius
est hostis
necum Im-
peratoris,
quem scis
à deo suo
côstitui, ne
cesse est ut
& ipsum
diligat, &
reueretur
& honoret
& saluum
velit cum
toto Ro-
mano Im-

perio. Colimus ergo & Imperatorem sic quomodo & nobis licet, & ipsi expedit:
ut hominem à Deo secundum, & quidquid est, à Deo consecutum, solo Deo mino-
rem. Tertul. ad Scap.

ep. ad Phi-
lippum.

Iustin le
Martyr A-
polog. 2.

contrarietez & debas que l'on fait sur la loy pour enseigner qu'il y faut croire simplement, & en simplicité de cœur.

En foy dequoy Tertulian l'un des premiers au traité qu'il a fait de la persecution que les Chrestiens enduroient, use de ces beaux termes. Le Chrestien n'est ennemy de personne, à grand peine de l'Empereur lequel il sçait estre establi de Dieu, & qu'en ceste cōsideration il luy doit necessairement amour, reuerence & honneur. Doncques, dit-il, nous honorons l'Empereur ainsi qu'un homme le second apres Dieu, tenant de Dieu tout ce qu'il a & seulement inferieur à Dieu. C'est ce que disoit Athanaricus au recit de l'historien Iornandes que l'Empereur de Constantinople estoit un Dieu terrien, & que qui-conque eleueroit sa main contre luy seroit coupable de son sang.

Saint Polycarpe: priez, dit-il, pour les Roys, pour les puissances & les Princes, pour ceux qui vous haïssent & persecutent & pour les ennemis de la croix, afin que le fruit lequel vous auez fait en la religion Euangelique soit apparent a tout le monde.

Iustin le martyr en l'apologie seconde pour les Chrestiens use de semblables mots que Tertulian, parlant de l'obeissance que les fideles rendoient à l'Empereur: & pour monstrier qu'ils y estoient obligez, il allegue le commandement du Sauueur de rendre à Cezar ce qui appartient à Cezar.

Saint Ierosme racontant la vie du bon Moy-
ne Malchus, detenu en la seruitude d'un maistre
infidele, ie scauois ce dit Malchus, que l'Apostre
a enseigné qu'il faut obeir aux maistres ainsi qu'à
Dieu.

D. Hieron.
in v. ta Mal
chi.

Autre par les exemples.

CHAP. VI.

Mais ce n'est rien d'enseigner, ce n'est
rien de publier des loix si les legisla-
teurs n'y obeissent les premiers & a-
pres eux quiconque veut que la loy
soit entretenue.

Quelle a esté la vie des Apostres sinon vne per-
petuelle confirmation de ce qu'ils prechoient,
par leur exemple? Quand à leurs Disciples parmi
tant de persecutions qu'ils ont endurées, ont-ils
iamais dit qu'il se fallut reuolter contre les ty-
rans & les tuer? s'en sont-ils iamais mis en de-
voir? L'on sçait combien de coniurations y a eu
contre la personne de Neron par l'impatience
des infideles: mais il ne se lit point que iamais
Chrestien y ait trempé ny par conseil ny autre-
ment. C'est ce qui a fait dire à Tertullian que
parmy les Chrestiens il n'y auoit point d'Albi-
nians, de Nigrians, de Cassians, noms de coniu-
rateurs. Ce n'est pas qu'entre les fideles il n'y eut
desia des hommes assez nobles & de grande mai-
son pour en estre. Car si nous croyons à l'histoire
Ecclesiastique Faustin, Faustinian & Clement
disciples de S. Pierre attouchoient de parenté

lib ad Sea-
pulam & in
Apologet.

Nunquam
Albiniani,
nec Nigria-
ni, vel Cas-
siani inue-
niri potue-
runt Chri-
stiani.

Niceph. l. 2.
2. cap. 33.

Idem lib. 3
cap. 29.

Idem. cap.
33. lib. 29.

l'Empereur. Ce n'est pas aussi qu'ils manquaient de generosité : Car il y a eu de grands Capitaines qui par leur vaillance & leurs armes ont defendu l'Empire Romain ayans la lieutenance generale, comme l'histoire tesmoigne de saint Eustache autrement nommé Placidus, qui ayma mieux se rendre pauvre miserable, & en fin souffrir vn cruel martyre que pratiquer ses soldats à la ruine de l'Empereur Traian. Sous Valerian les Chrestiens accrus desia de grand nombre & puissance souffrirent patiemment vne cruelle persecution. Entre eux estoit Martin homme de guerre qui à cause des richesses & de la noblesse de sa maison s'en alloit estre appelé à vn haut degré militaire sans l'enuie qui le defera pour Chrestien. Ce qu'ayant librement confessé, on luy donna seulement trois heures pour resoudre s'il vouloit demeurer ferme en sa foy. Comme il se retiroit il rencontra son Euesque nommé Theotecne qui le retirant au lieu plus sacré du temple, luy fit regarder l'espee qu'il auoit au costé & d'autre part le liure de l'Euangile. Qui ne diroit que cela, Mariana croiroit facilement que par ce langage muet il le vouloit disposer à mettre la main à l'espee, emouuoir vne sedition par l'autorité qu'il auoit en la ville, & se ruer sur les tyrans pour defendre l'Euangile. Mais le S. & valeureux gend'arme entendant par la doctrine des Apostres que l'Euesque luy demandoit tacitement lequel il aymeroit choisir, ou les honneurs de la gendarmerie ou bien la profession de l'Euangile, aussi tost il quitta l'espee & prit le liure allant de cœur allegre combattre pour la religion, non par le fer, mais

par la constance de sa mort.

On scait quel a esté Diocletian à l'endroit des Chrestiens, sous luy Philorome le premier de la ville d'Alexandrie pouuoit faire de la resîstance, au moyen de ce qu'il estoit tousiours accompagné de plusieurs gens de guerre pour sa garde. Et se rendant maîstre d'Alexandrie principale ville de l'egypte, pouuoit il pas occuper ceste prouince si importante à l'empire, que l'entree d'icelle fut deffendue aux Seigneurs Romains, d'autant qu'avec peu de gendarmerie, ils en pouuoient deffendre les ports & auenues, mesme contre des legions tres puillantes, & ainsi affamer l'Italie. Neantmoins il ne fit aucun effort iugeant qu'il ne le deuoit en conscience, ains souffrit son sang estre respendu pour arroser le champ de la foy à ce qu'il multipliast d'auantage.

Idem lib. 7.
cap. 9.

Tacite lib.
2. Anna.

Procopé fait par le mesme empereur Capitaine de la gendarmerie du Leuant, quel credit doit on penser qu'il auoit de faire des menees pour la deffence des Chrestiens si rigoureusement affligez? Car l'on scait la creance que les soldats ont à leur Capitaine pouuoit-il pas gagner vne Prouince, vn pays ou vne ville pour leur retraicte, il ne l'a pourtant fait, par ce que nostre Seigneur & les Apostres ne le vouloyent pas, ains comme il deuoit a tendu le col au martyr,

Idem eod.
lib. 7. cap.
15.

Sous l'empereur Iulian combien de soldats Chrestiens? Toutesfois S. Augustin escriuant contre les Donatistes: Iulian (dit-il) a esté vn empereur infidele, apostat, meschant & idolatre: si est-ce que les Chrestiens luy ont obey. Quand il disoit, allez, armez vous, & guerroyez contre tel-

Iulianus ex
titit infide-
lis impera-
tor : non
ne exti-

ut apoſtata
iniquus &
idolatra
Milites
Chriſtiani
ſeruierunt
imperator
infideli: vbi
veniebant
ad cauſam
Chriſti, nō
agnoscebāt
niſi illum
qui in cōlo
erat. Quan-
do autem
dicebat,
producere
acien, ite

le & telle nation, ils obeifſſoient incontinent,
mais s'il vouloit qu'ils ſacrificaffent aux idoles ils
preferoient Dieu à ſon commandement: la quelle
preference l'Histoire nous apprend n'auoir pas
conſiſté à ſ'armer contre luy, conſpiter contre ſa
vie, & luy preſenter la pointe de l'eſpee mais à
baiffer la teſte pour receuoir celle du bourreau,
& endurer le martyre pluſtoſt que deſplaire à
Dieu: les chreſtiens ce dit ſainct Gregoire de Na-
zianze n'auoient qu'un ſeul remede contre les
perſecutions de Iulian, ſçauoir les larmes leſquel-
les eſtoient reſpandues abondamment par un
grand nombre de perſonnes.

contraillam agētem, ſtatimob. temperabant: & diſtinguebant Dominum æternum
à Domino temporali. Can. 11. q. 3. can. Iulianus can. imperatores. Orat. in
Iulianum.

*Que les Chreſtiens n'ont point obeï aux Princes tyrans par
crainte & deſiance de leurs forces.*

CHAPITRE VII.



Le ne faut pas auſſi dire que cette o-
beifſſance des premiers Chreſtiens en-
uers leurs Princes iuſqu'à la mort pro-
cedat de la deſiance de leurs forces
pour eſtre en trop petit nombre, ou
bien faute d'intelligence entre eux. Car l'eſcritu-
re nous apprend que ce n'eſtoit qu'un cœur de
tous les fideles. Et quant à la force, S. Cyprian té-
moigne le contraire. Les chreſtiens, dit il. en-
cores qu'ils fuſſent en aſſez bon nombre

Chriſtiani
licet copio-
ſi tamē non
rebelles in
principes a-
quibus cru-

pour se reuolter contre les Empereurs qui les tourmentoyent, enduroyent neantmoins patiemment, pource qu'ils estoient asseurez que Dieu puniroit en fin ces Tyrans. C'estoit donc à Dieu qu'ils en referoyent la vengeance. Aussi Tertulian en son Apologetique: Nous sommes, dit-il, en si grand nombre que si nous nous retirions tous quelque part, vous auriez honte de vous voir si peu: & si vous pouuez asseurer que par le moyen de tant de citoyens Chrestiens qui demeurent parmy vous, vous auez moins d'ennemis: parce que comme il a desia dit, le Chrestien n'est ennemy de personne. De fait l'histoire Ecclesiastique nous apprend que regnant l'Empereur Seuer, sous lequel Tertulian a escrit, la Religion estoit grandement accreüe en toutes les bonnes villes, comme en Alexandrie, Antioche, au pays de Palestine, Athenes, Corinthe & autres, mesme à Rome: & qu'il n'y auoit presque famille qui ne s'estimast heureuse d'estre receüe au nombre des fideles, iusques là que seulement pour vn iour vingt mil furent martyrisez en la ville de Nicomedie, & entre iceux estoient des gens d'armes. Mais apres la mort de l'Apostat, son armee parut-elle pas presque toute Chrestienne, lors que Iouinian refusant d'estre l'Empereur des Infideles, les Soldats declarerent haut & clair qu'ils estoient Chrestiens? Mais qui peut nier que les vrayes Catholiques fussent assez forts sous les Empereurs Arriens & heretiques pour se defendre des maux qu'ils leur faisoient? Toutesfois ils ont enduré en humilité de cœur. Que si la reuolte & la main-mise eut esté selon Dieu,

ciabantur
quod pa-
rientes fa-
ceret de vl-
tione secu-
curitas. D.

Cyprianus
epi. ad De-
metrianum.

Si enim
tanta vis
hominum
in aliquem
orbis remo-
ti sinum a-
brupissemus
à vobis suf-
fudisset vti-
que damna-
tionem ve-
stram tot
qualium-
cunque a-
missio ciui-
um: expauis-
feris ad so-
litudinem
vestram, &c
Tertull.

Apolog.
Idem Nice.
lib. 5. c. 2.

Idem lib. 7.
cap. 60.

auroyent-ils oublié de s'en ayder en la necessité? Est-il croyable que Dieu ne les eust inspirez & fortifiez à ce faire? & que la grandeur de leurs courages eut manqué pour tels actes en ceux qui exposez aux tourmens, les supportoyent d'une patience admirable: & qui brusloyent d'une charité si viue enuers leurs freres, que pour les deliurer, ils n'eussent redouté de hazarder mille vies? A quelle guerre, disoit encores Tertullian, n'eussions nous esté propres & courageux? voyre bien que moindres de nombre, nous qui souffrons si allegrement estre massacrez, si par nostre discipline il ne nous estoit plus expedient d'estre tuez que de tuer.

Apologe-
tico: Cui
bello non
idonei, non
prompti
fuissemus,
etiam im-
pares co-
pilis qui
tam liben-
ter trucidamur si non
apud istam
disciplinam
magis occi-
di liceret
quam occi-
dere?

Et comme les persecutions ont esté diuerfes, & en diuers temps, il y en a eu lors que l'Eglise hors d'enfance, accreüe de tous ses membres, pleine de force & de virilité, & que la foy resplandue & confirmée, ne sembloit plus auoir besoin du sang & du martyre des hommes, ains du bras pour estre maintenue, & repousser vne nouvelle heresie, comme vn ennemi nouveau qui se iettoit en la vigne de l'Eglise.

Qui ne croyra que ce fust chose fascheuse aux Chrestiens, puissans en nombre, en credit, & moyens, de voir l'Arrianisme & autres heresies, s'accroistre, & encores les Princes & Empereurs en prendre la protection avec des rigueurs & cruautéz estranges pour y forcer leurs consciences? ils ont toutesfois enduré. Mais quand la force n'auroit esté en leur main, Dieu est-il pas trop puissant pour eux, luy qui est le Prince des batailles, & se plaist de vaincre plustost avec peu

de gens qu'avec beaucoup, comme il fait voir en Gedeon?

La mesme pluie qui à la priere des Chrestiens combattans pour vn Empereur Payen seruoit aux Imperiaux de douce rosee pour les rafraichir & defalterer, & aux ennemis de gresse ardente qui les brusloit & consommoit, pouuoit-elle pas les assister combatans seuls pour leurs Temples? En vn mot le Sauueur peut-il pas prier son Pere, il luy enuoyera plus de douze legions d'Ange, armee trop puissante, puis qu'un seul a peu destruire le nombreux exercite de Sennacherib.

Tertull. Apolog.
l'Empereur Marc Aurele, en vne epistr. qu'il escriuit au Senat, laquelle se trouue entre les ceures de Iustin le martyr.

*Que ce n'a point esté faite d'eloquence, & de creance,
& qu'ils ont fuy & apprehendé la sedition.*

CHAPITRE VIII.

MAIS peut estre qu'ils manquoient d'hommes resolu, sçauans & eloquens, pour eschauffer ainsi que Mariana, vn courage à faire vn coup de sa main. Au contraire comme l'experiance apprend aux Iardiniers, que la playe du tonnerre qui tombe impetueusement, fait croistre & multiplier les iardinages: Aussi la persecution a esté, si i'ose dire la mere de la science & de l'eloquence: sous les Empereurs Payens, les Origenes, Tertulliens, Lactances: sous l'Apostat, & les Empereurs Heretiques, les Gregoires, Athanases, Basiles, Chry-

sostrèmes, Ambroises, & tant d'autres, dont les escrits donnent autant d'admiration aux esprits que d'edification aux consciences. Ont ils employé ces dons de grace qu'ils auoyent, ainsi que Mariana contre les Princes Tyrans? Tant s'en faut que parmy les persecutions qu'ils ont endurées, ils n'ont rien d'auantage craint que les peuples dont ils estoient vniquement ayez fissent du bruit & du tumulte.

Can. 23. Q.
3. §. 2.

Ainsi lisons nous que l'Apostre saint André voyant que le peuple accouroit en foule pour le deliurer des mains d'un Iuge inique, & le respirer de la mort, luy au contraire preschant la patience, les coniueroit de n'empescher son martyre.

Idem Nic.
lib. 11. c. 10.

C'est pourquoy saint Athanase se cache. Eusebe de Samozate aduertit celuy qui le venoit

Idem Euf.

prendre pour le mener en exil de supprimer la cause de sa venue, de crainte que le peuple irrité de perdre son Pasteur ne le tuaist : & sortant à la pointe du iour il tascha de celer son exil : Toutesfois le peuple en estant aussi tost aduertý se iette hors de la ville, court apres & avec pleurs & gemissemens, s'efforce de le retenir. Que fait-il alors? ils n'augmente pas la sedition, ny n'iniurie l'Empereur, ny ne dit qu'il soit permis de le tuer comme vn Tyran, mais les prie de permettre qu'il s'en aille, alleguant la loy de l'Apostre, soyez suiets aux maistres & aux puissances. Le

Idem lib. 1.
capit. 25. &
Theodori-
cus in eius
vita.

bon Moyne Aphrates quita sa cellule pour ayder à l'Eglise, que l'Empereur Constance affligeoit, non pour armer la main d'un temeraire contre le Prince : Aussi l'Empereur l'interrogeant où il alloit, ie m'en vais, dit-il, prier Dieu pour ton

Empire. Quoy pour vn meschant qui fait tant de mal? ouy: car Dieu a prié pour ses ennemis. Est-il possible d'une plus grande faueur & amitié que celle du peuple de Constantinople enuers saint Iean Chrysostome? Aussi craignant qu'elle se tournast en fureur lors que la mauuaise Imperatrice Eudoxia, vsant de tyrannie l'enuoyoit en exil, il commanda que le cheual sur lequel il deuoit partir fust mené à la porte d'Occident, & luy sortit par celle d'Orient.

Bref saint Ambroise tesmoigne que lors qu'il estoit pressé de bailler des temples aux Arriens, en la ville de Milan, ses armes & ses Predications estoient non de souffler le feu de rebellion, non de mesdire du Prince, mais les larmes & vne grande apprehension que le peuple se mutinast: adioustant que les Prestres ne sont Tyrans, mais ont souuent enduré la tyrannie. Qui n'a leu dans Victor Euesque d'Vtique, la cruelle persecution de Hunerich Roy des Vandales contre les Chrestiens de l'Afrique? ils ne se sont pourtant armez, mais se consoloyent de ces belles paroles: Ne craignez point, ô peuples de Dieu, les menaces & les terreurs des tribulations presentes, mais plustost mourons pour Iesus Christ, comme il est mort pour nous, nous rachetant du prix de son sang salutaire. Alors viuoit l'Euesque Eugenius qui goustant les fruits amers de ceste tyrannie, enuoye vne epistre consolatoire, par laquelle il les exhorte seulement de se cōseruer en l'vnité de la foy, ne point craindre ceux qui peuvent tuer le corps & non l'ame: mais celuy qui a la puissance de perdre le corps & l'ame: puis leur

Idem li. 13.
cap. 20.

Orat. contra Auxentius & ep. ad sororem Marcellinam.

Victor. de persecut. Vandal. Adonis chronicon ætas 6. an. 475. Greg. Tur. li. 2. 3.

Greg. Tur. lib. 2. c. 3.

disant à Dieu, il leur enioinct de ieusner & faire des aumosnes, parce que le ieusne & l'aumosne ont tousiours peu conuertir le cœur de Dieu à misericorde.

Idem Nic.

l. 12. c. 27.

C'est donc ainsi que les Saincts personnages ont creu qu'il se falloit comporter enuers les Princes Tyrans, voyre ont estimé qu'il n'estoit iuste de poursuiure la vengeance des iniures receuës pour cela : tellement que le Concile Provincial imposa silence aux enfans de Marcel, Euesque d'Amaze qui poursuiuoient en iustice la punition de la mort de leur pere tué par les Apamites Idolatres. La raison du Concile fut qu'il falloit croire la mort receüe, pour la querelle de Dieu si glorieuse, que ce n'estoit bien fait d'en auoir aucun regret.

Les raisons par lesquelles les Chrestiens se sont resolus à la patience.

Contre l'opinion de Mariana, & que la patience est aussi requise pour la confirmation des vertus.

CHAP. IX.



R il est facile de recueillir par ce qui a esté dit, les raisons pour lesquelles ces grands hommes n'ont iamais préché la reuolte & l'attentat contre les Tyrans, il a esté remarqué que les persecutiōs ont esté diuerses, & en diuers temps pour respondre à Mariana, qui declare ne se vouloir arrester aux exemples de la primitiue

Eglise, d'autant, dit-il, que la foy deuoit estre estre establie par le martyre : dont il veut inferer que la patience des premiers Chrestiens, estoit seulement fondee sur cette raison, laquelle manquant, il persuade la force & la conspiration. Mais où a il trouué, où a il leu ceste raison.

Au contraire les loix cy dessus remarquees, comme elles sont diuines ne sont par aussi pour vn temps, ains pour vne eternité, leurs causes ne sont pas temporelles ains perpetuelles, pour imiter ce dit l'Apostre saint Pierre, Iesus Christ, qui s'est volontairement liuré au iuge inique qui le deuoit condamner iniustement. Quand Tertullian a parlé pour les Chrestiens, il n'a point protesté que la persecution qu'ils enduroyent, fust pour la confirmation de la foy : mais pour ce qu'ils auoyent vn commandement de prier mesme pour leurs ennemis, mais expressement pour les Roys, pour les Princes & puissances, d'autant que de leur conseruation depend le salut & la tranquillité de l'estat.

cod. cap. 2.

Idem sumu impetatoribus

qui & vicinis nostris.

Malè enim velle, male

facere male dicere, ma-

le cogitare de quoquâ

ex æquo vetamur: si

inimicos iubemus

diligere, quem habebimus odisse? Tertull. Apolog. Sed etiam nominatim atque manifeste orate, inquit Apostolus, pro regibus, & pro potestatibus vt omnia tranquilla sint. ibid.

Ils ont creu qu'il n'appartient qu'au potier d'vser de ses vaisseaux à discretion, les rompre & briser quand bon luy semble, qu'il ne faut rendre mal pour mal : mais la grande & principale raison a esté la menasse du Sauueur, que qui prendra le glaue, perira du glaue. C'est pourquoy saint Paul, ne vous defendez point ô mes tres-chers, mais faites place à la colere : car il est escrit, à moy la vengeance

Non vos defendentes charissimi sed date locum iræ : scriptum est e-

nim, mihi
vindicta &
ego retri-
buam dicit
Dominus.

Ad Rom.c.
12.ep.1.1.7.

ce, & ie vous retriburay, ce dit le Seigneur. Le grand saint Gregoire : faites entendre à mes tres souuerains maistres, que si moy leur seruiteur eusses voulu poursuiure la ruyne des Lombards, leur nation n'auroit aujourd'huy ny Roy, ny Ducs ny Comtes, & seroit en extreme confusion: mais pource que ie crains Dieu, i'apprehende me mesler en la mort de quelque homme que ce soit.

Comment.
in D. Luca.
li.10.c. 22.

Saint Ambroise : ie suis émeu à croire de ce que les Disciples ont présenté deux espées qu'ils ont voulu entendre le vieil & nouveau testament qui nous seruent d'armes contre les embusches du diable. Le deuot saint Bernard au Pape Eugenius : fais l'œuvre d'Euangeliste & tu auras accompli le deuoir d'un Pasteur : tu m'admonnestes, dis-tu, de paistre des dragons & des scorpions, nō des brebis : pour cela di-ie enuahis les plus courageusement, mais de la parole, non du fer. Pourquoy voudras-tu encore faire l'essay du glaue lequel vne fois pour toutes, on t'a commandé de remettre au fourreau?

Can. inter
hac can.3.
q.2.

Le Pape Nicolas : la sainte Eglise de Dieu na point d'autre couteau que le spirituel duquel elle ne tue point; mais viuifie? bref encorē que nostre Seigneur ay commandé à ses Disciples de vendre leur tunique pour achepter vn glaue : toutesfois ils n'en ont iamais vsé. Ce qui témoigne comme dit le mesme S. Ambroise qu'il entendoit parler du glaue de la passion, duquel ils se sont à bon escient armez à l'imitation de leur maistre & du nostre, ioint que le commandement de remettre le glaue est posterieur. Or

d. loco.

c'est

c'est vne maxime certaine que quand deux loix se trouuent contraires, la derniere abroge tousiours la premiere: & que s'il en faut venir à l'interpretation elle doit tousiours estre faite en la plus douce part, & qui est hors de tous hazards de crime, de vice, & de peché: mesme quand la volonté du legistateur s'y trouue conforme. Personne ne nira que le Sauueur, par son exemple n'ait tesmoigné qu'il desiroit à bon escient la remise du glaive: & que ceste remise ne soit bien plus hors de tout hazard de vice que l'usage d'iceluy. Voila pourquoy S. Ambroise a ainsi interpreté ceste loy, & ainsi tous les peres.

liu. Decad.
1. lib. 9. l.
26. 27. de
legib.

6. l. 18. 19.
eod. de le-
gibus.

Que si nostre Sauueur eut entendu parler du glaive materiel, est-il croyable que ces hommes qui le seruoient d'une si grande ardeur de foy, l'eussent ignoré: & le sçachans, qu'ils eussent esté moins zelez que Phinées, & que le vertueux Mathathias qui occirent à la verité, mais des hommes particuliers idolatres, non des Princes du peuple? Car sçachans la volonté de Dieu & ne l'accomplissans: sans doute qu'ils auroient commis peché mortel digne de grande punition, d'autant que le Sauueur, a dit, que celuy qui sçait la volonté du maistre & ne l'a fait pas, est digne de plusieurs coups: & celuy qui ne l'a fait, l'ignorant, sera batu, mais peu. De sorte que de part & d'autre, y a du crime à ne le point faire. Donc S. Paul, donc saint Pierre en la primitive Eglise: Donc saint Gregoire, saint Basile, saint Athanase & autres que nous iugeons à iuste cause saints, ont failly iusqu'au dernier soupir de leur vie, de n'auoir attaqué les tyrans: impieté de

Luc. 12

croire cela: car, ils ne seroient pas saints: impieté aussi de croire qu'il faille tuer les tyrans, puisque les hommes saints ne l'ont pas creu.

1. Regum
cap. 8. &
pour sca-
voir la
merveil-
leuse au-
thorité des
Rois il
faut voir le
54. chap.
du 3. liure
d'Esdras.

Partant il faut conclurre que la loy qui defend de toucher aux Princes n'a esté seulement pour vn temps, car elle induit vne obligation à laquelle les peuples se sont astraîns enuers les Princes quels qu'ils soient, & à laquelle ils sont tacitement & par le vouloir de Dieu obligez. Or c'est encore vne maxime des Iuriscultes que le temps n'est vn moyen de rompre les obligations, & qu'il ne peut prescrire les droits de souveraineté, il faut aussi conclurre que ceste mesme loy n'a point eu pour son obiet la seule confirmation de la foy, mais la patience & l'imitation de la foy, mais la patience & l'imitation de Iesus Christ, vertus qui n'ont pas esté reseruees seulement pour les premiers Chrestiens, mais pour nous, & ceux qui viendront iusqu'à la consommation des siecles. Vertus encore qui ne paroissent iamais tant que parmi les aduersitez lesquelles nous peuuent arriuer en plusieurs sortes de la part des Princes tyrans, que si ce n'est pour la foy, au moins ce pourra estre ou pour la pieté, ou pour la verité, ou pour la iustice, à cause desquelles quiconque endure les persecutions fait sans doute vn œuvre fort agreable à Dieu tesmoignant à chacun combien les vertus sont belles & agreables puis que l'on souffre tant pour elles. Ce que celuy qui s'armeroit contre le Prince ne pourroit si bien tesmoigner, car il laisseroit en doute si ce seroit point pour le seul respect de sa personne & de ses biens.

*Confirmation par l'autorité du quatriesme
Concile de Toledé.*

CHAPITRE X.



O V E si à ces loix, à ces authoritez, exemples, & responses des sages, Mariana ne se veut rēdre, au moins croira il à l'Eglise, ou s'il ne la croit il doit estre desormais tenu pour Ethnique & publicain, mais il ne la point creue, il est dōc Ethnique & publicain, qu'il ne l'ait pas crue ie m'ē raporte à ce que cōtre la resolutiō du Sauueur chef inuisible de l'Eglise contre celle de saint Pierre chef visible d'icelle & contre tout ce qui a esté dit par saint Paul & les peres membres de ceste mesme Eglise, il a osé publier vne doctrine si scandaleuse ayment mieux se rendre sectateur des Buchanans, Bouchers, Brutes & autres monstres du temps, vrayement brutes cruelles, que des Apostres & des saints peres.

Mais peut estre qu'il croit que ces membres ne peuuent auoir eu l'autorité, ny le chef mesme separé de ses membres de faire vne loy, heretique, & impie, s'il a cette creance, mais il l'a puis qu'il ne se veut arrester à ce qu'ils ont, quoy que separez, conformement ordonné. En quoy ils sont plus à admirer d'autant que la conformité de leur opinion fait cognoistre que le mesme S. Esprit a presidé sur eux tous comme sur les septante interpretes lesquels bien que diuisez

Philo In.
rus lib. 2.
de vita Mo-
sis Clemens
Alexand.
lib. 1. Strom
D. Irenæus
lib. 3. aduer-
sus heret.
Adonis chr
etas 6. an.
458.

lib. 3. hist.
cap. 30.
Sumpserāt
enim Gō-
thi hanc de
restabilen-
tiam opintonem
ut si quis
eis de regi-
bus non
placuisse,
eum gladio
ad peterēt.

en diuerſes cellules, l'on dit s'estre rencontréz en vne ſeule verſion des ſaincts liures : & comme ſar les Eueſques de diuerſes Prouinces qui reſcri- uirent à l'Empereur Leon , leurs opinions de la vraye Incarnation de Ieſus-Chriſt , auſſi confor- mes & conſonantes que ſ'ils auoient tous eſcry ſoubs vn ſeul dictant & nommant. Mais mettons Mariana en ſon tort : donnons luy l'approbation de ces loix, par le chef & les membres aſſemblez en vn corps de deux Conciles , celui de Toledé, & celui de Conſtance, qui ont condamné les meurtriers des Rois, pour quelque occaſion que ce fut : vray eſt que ne voulant rien croire il re- uoque en doute l'autorité de celui ci : & quand à l'autre il n'en a rien dit ou l'ignorant , ou fai- ſant ſemblant de l'ignorer ou que tenu en ſon pays il a honte de le combattre. Met- tons luy donc en teſte le decret des peres aſſem- blez au quatrieſme Concile tenu à Toledé : mais premierement il ſera bon de remarquer en peu de mots ce qui eſt dit par Gregoire de Tours que les Gots leſquels ont commandé aux Eſpagnes, ne faiſoient conſcience de tuer leurs Roys, par- ce qu'ils auoyent vne couſtume deteſtable de mettre à mort celui qui ne leur eſtoit agreable. Enuiron le temps que ce Concile fut aſſemblé Rachimire Roy d'Eſpagne decedant auoit laiſſé deux freres Suintilla, ou ſelon aucuns Cindaſuin- de ou Siſenande , au premier comme l'aiſné la Couronne fut deſerée : mais ſ'y gouuernant ou- trageuſement il encourut la haine de ſes ſujets, qui donna occaſion à Siſenande ambitieux d'im- plorer le ſecours eſtranger, à l'aide duquel il con-

traignit son frere de luy quitter le Royaume. Possible que cela depleut aux bonnes consciences: ou bien qu'ayans experimenté combien ces reuoltes apportent de rauages & de malheurs les peres estimerent qu'il falloit mettre vne terreur en l'esprit des rebelles à ce que d'oresnauant ils fussent plus retenus, la vie des Roys plus asseurée & que le Royaume ne fut plus sujet à l'incursion des armées estrangeres. Mais les termes du decret me font croire qu'ils n'eurent autre consideration que de conseruer la maiesté des Roys quels qu'ils fussent, suiuant l'ordonnance du Sauueur & des Apostres: voyci donc le sommaire de ce decret qui est fort long.

Qu'il faut garder la foy deue au Prince, que personne ne doit estre si furieux de couper sa teste de sa propre main. Que le Seigneur a dit: ne veuillez toucher à mes Oingts. Et Dauid, qui estendra sa main sur l'Oingt du Seigneur & sera innocent? Donc disent les peres qu'il n'y ait point en nous de subtilité impie: que nul soit si osé d'vsurper le Royaume pour quelque presumption que ce soit, ny de tuer le Roy ou le priuer du Royaume par presumption tyrannique: si quelqu'un l'entreprend qu'il soit anatheme en la presence de Dieu le pere & des Anges, & qu'il soit avec tous les complices de son impieté retranché de l'Eglise laquelle il a polluee par son periure.

sua propria defecer: & cum Dominus dicat, Nolite tangere Christos meos: & Dauid, quis, inquit, extendet manum suam in Christum Domini & non incenseric? illis nec facere metus est periurium nec regibus inferre exitium & infra. Non sit in nobis vt in quibusdam gentibus, infidelitatis subtilitas impia: nullus apud nos sub presumptione regnum accipiat: & infra: quicumque ergo ex nobis vel totius Hispani populi qualibet coniuratione vel studio sacramentum fidei suae, quod pro patriæ gentisque Gothorum statu vel conseruatione regiae salutis

Hæc sunt
verba potissima
Concilio Tolet.

4. Quod fœdus non violandum.

que in hostibus iurata sponsio stabilis permanebit quando nec ipsis propriis regibus iurata fidem conseruat quis enim adeo furiosus est qui caput suum manu

sollicitus est, temerauerit, aut regem necē attreſtauerit aut potestate regni exuerit, aut præſumptione tyrannica regni fastigium uſurpauerit, Anathema ſit in conſpectu Dei patris & Angelorum, atque ab Eccleſia Catholica quam perſurio profanauerit efficiatur extraneus cum omnibus impietatis ſuæ ſociis.

Ce decret fut trouué ſi ſainct & fauorable que par trois fois les peres le proclamerent: puis le peuple & tout le clergé l'approuuerent ainſi.

Quiconque preſumera violer voſtre ſaincte ordonnance qu'il ſoit Anathema Maranatha: paroles horribles expliquees au meſme Concile, que ſa perdition ſoit reſolue à l'auenement du Seigneur, & que luy & ſes alſociez ayent leur part avec Iudas Iſcariot.

Que perſonne donc ſoubs vne preſomption de tyrannie de celui qui commande n'entreprene de le tuer ou de le priuer de ſon Royaume, & que du moins Mariana flechiſſe l'orgueil de ſa doctrine ſoubs vn decret ſi ſainct & louable de ſon pays, s'il n'eſt plus payen que le Gentilhomme Perſan qui diſoit à Themistocles que les loix & couſtumes des hommes ſont differentes: mais qu'il eſt honneſte à tous de garder celles de ſon pays.

Depuis au cinquieme Concile de Toledé il fut arreſté que ce decret ſeroit prononcé à haute voix en tous les ſynodes, tant il fut iugé neceſſaire & bon.

Que l'intention de ce Concile a esté de defendre l'attentat contre les Princes tyrans.

CH A P. XI.

MAIS deuons nous esperer que celuy qui mesprise la volonté de Dieu, des Apostres, & la resolution des peres obeisse à ce Concile? Le decret, dira-il, ne porte en mots expres qu'il ne faut tuer les tyrans: Toutesfois nous auons vne sentence notable de S. Augustin que le temps accorde les escritures: Aussi dit-on qu'il en est l'interprete, & que c'est luy qui tire la verité du puis de Democrite. C'est pourquoy i'ay representé l'histoire du temps, afin que par elle on iugeast & interpretaist l'intention du Concile, d'autant que comme disoit l'empereur Tybere: les loix sont faictes sur le sujet des occurrences qui se presentent: non sur les choses à venir, car elles sont incertaines.

Leges in facta cōstitui quia futura in incerto sint. Tacitus lib. 3. Annal.

Mais pour faire voir clairement l'intention du Concile, seruent ces belles paroles.

Nous vous prions avec l'humilité que nous deuons, vous ô nostre Prince qui commandez à present, & ceux qui commanderont cy apres, que vous soyez doux & moderez enuers vos suiets vous gouuerniez en iustice & pieté les peuples que Dieu vous donne: & des Roys futurs nous prononçons ceste sentence: que si quelqu'un d'entr'eux, mesprisant la reuerence & l'authorité des loix

Te quoque presentem regem futurisque sequentium æraturum principes humilitate qua debemus, exposcimus vt moderati & mites

rga subie-
tos exilē-
es cum iu-
titia & pie-
tate popu-
los à deo
nobis cre-
ditos rega-
tis &c. fanē

par vne domination trop superbe exerce cruel-
lement sa puissance sur les peuples, qu'il soit cō-
damné par le Seigneur Iesus Christ du iugement
d'Anatheme, qu'il soit separé de Dieu pour auoir
osé commettre des meschancetés, & destruire
son Royaume.

de futuris regibus hanc sententiam promulgamus, vt si quis ex eis contra re-
uerentiam legum superba dominatione in flagitiis & facinore crudelissimam
potestatem in populis exerceat anathematis sententia à Christo Domino
condemnetur & habeat à deo separationem atque iudicium propter quod præ-
sumpserit praua agere & in perniciem regnum conuertere. eod. Concil. Tol. 4.
can. 75.

Ces paroles sont elles pas du Prince tyran ?
Neantmoins le Concile qui a defendu les atten-
tats montre que la punition d'iceluy doit estre
seulement reservee à Dieu. Que si les Peres eus-
sent pensé qu'il fust loisible de meurtir les ty-
rans, ils n'autoient oublié de le dire ?
mais ils ne l'ont dit, au contraire ont generale-
ment déclaré la personne des Roys inuiolable:
Donc il s'ensuit que leur intention a esté de le
defendre & ne le vouloir,

*Confirmation par l'autorité du Concile de
Constance.*

CH AP. XII.



Le Concile doit rendre plus receua-
ble celuy de Constance: c'est pour-
quoy encore que Mariana qui ne
veut croire que sa folle teste, le re-
iette: ie ne lairrai de transcrire icy
l'article qui concerne la question & defense de

tuer les Princes Tyraas. En l'aage auquel il fut tenu comme en celuy du Concile de Toledé, couroit vne mal'heureuse opinion en ces termes, car ainsi est elle proposée au Concile.

Le Tyran peut & doit estre tué par son vassal & subiet, licitement & avec merite, en le surprenant ou de guet à pend, ou sous apparence d'amitié, nonobstant quelque serment qu'il luy eut presté, ou quelque alliance qui fut entre eux sans attendre l'aduis ou condamnation d'aucun Iuge.

suum vel subditum etiam per clanculares insidias non obstante quocumque præstito iuramento seu confederatione factis cum eo, non expectata sententia vel mandato iudicis cuiuscumque.

Sess. 15.

Hæc, est
propositio.Quilibet
Tyrannus,
potest &
debet licite
& merito-
rie occidi
per quem-
cumque
vassalum

Voyci la censure de ceste opinion.

Contre cet erreur le saint Concile s'élevant, & la voulant du tout renuerser, declare & determine qu'une telle doctrine est erronnee en la foy, & aux mœurs: la reprouue & condamne comme heretique, scandaleuze, & ouurant le chemin aux fraudes, deceptions, trahisons, mensonges & blasphemes: Et en outre declare que ceux qui tiennent ceste doctrine, sont heretiques, & comme tels punissables, suivant les saints Decrets.

erroneam esse, in fide & in moribus, ipsam que tenquam hæreticam, scandalosam, & ad fraudes, deceptiones, mendacia, prodiones, periuria, vias dantem, reprobat & condemnat declarat insuper & decernit quod pertinaciter doctrinam hanc pernitiosam asserentes sunt hæretici, & tanquam tales iuxta canonicas sanctiones puniendi.

Voyla donc vne heresie: Aussi tient-on qu'elle estoit entre les erreurs des Anabatistes condamnées en ce Concile: & que depuis elle a esté fort publiee par les heretiques. C'est donc merueille que Mariana Catholique en apparence, soit moins religieux, ie ne diray que saint Policar-

Censura.

Aduersus
hunc erro-
rem sata-
gens hæc
sancta Sy-
nodus e-
xurgere &
ipsum fun-
ditus tol-
lere decla-
rat & defi-
nit huius-
modi do-
ctrinam er-Euse. li. 4.
Ecc. hist.
cap. 14.

Nicep. lib.
11. cap. 27.

pe qui refusa d'entrer aux estuues desquelles vn heresiarque estoit sorty, croyant qu'elles en estoient infectees: mais que les enfans de Samosate, qui bruslerent la pelote de laquelle ils se iouoyent, pource que seulement elle auoit touché la mule sur laquelle Lucius autre heresiarque estoit monté: que Mariana di-ie moins relegieux se rende plustost sectateur de l'opinion des heretiques que de la loy Euangelique, des responses des sages & de la determination d'un Concile, duquel l'autorité ne peut estre suspecte, nostre Seigneur ayant protesté qu'il seroit au milieu de trois assemblez en son nom: Quoy vn Alexandre Seuerus aura bien declaré qu'il estime plus conuenable que son opinion cede à celle de plusieurs sages, que non pas la leur à la sienne? & Mariana voudra preferer son iugement à celuy d'une si sainte assemblee? Alexandre toutesfois estoit Payen: mais plus sage & vertueux en son Paganisme, que Mariana n'est fol & mauuais au Christianisme.

Or quiconque est si peu que ce soit versé en l'histoire du temps, auquel ce saint Concile fut tenu, ne doutera aucunement que le zele de Dieu n'ayt esté la cause d'iceluy.

L'on sçait comme les guerres des Princes Chrestiens, & les schysmes des Anti-Papes, auoyent lors defiguré la face de la Chrestienté, de sorte que l'on pouuoit dire avec le Prophete Ieremie, que la grace & la beauté estoit fletie sur les yeux & les iouës de la fille de Sion: & le mal si inueteré & opiniastre qu'il sembloit incurable, si le grád & parfait Medecin n'y mettoit la main

& le remede. Aussi l'y mit-il à bon escient: car voyla soudain les Princes Temporels & Ecclesiastiques resueillez de la profonde lethargie qui assoupissoit leurs mouuemens: & comme iadis le grand Constantin fit assembler le Concile de Nice, pour le repos de l'Eglise: Aussi l'Empereur Sigismond avec vne peine & sollicitude incroyable, disposant les volontez des Roys & Princes, tant Ecclesiastiques que seculiers, fit resoudre celuy de Constance. Peut-on dire que ceste inspiration vint d'ailleurs que de Dieu? & que ceste assemblée des Chrestiens pour vn si bon œuvre, ne fut veritablement Eglise? Aussi les effets qui s'en sont ensuiuis tesmoignent que Dieu en estoit le chef inuisible. Car ce qui n'auroit peu estre terminé par vn long espace d'annees, le fut là. Trois Anti-Papes y furent deposez, & Martin esleu canoniquement, duquel l'election est d'autant plus legitime qu'elle fut faite en plain Concile, sans brigue ny ambition: & le Concile d'autant plus à receuoir qu'il fut approuué d'vn Pape si legitimement esleu, par le consentement qu'il donna à son eslection, d'vne assemblée si deuote, & qu'en iceluy ont esté condamnées des heresies damna-
bles, dont la condamnatiō demeueroit suspendue, & en doute si elles sont bonnes ou mauuaises, & permis: chacun d'en croire ce qu'il voudroit, si le Concile n'estoit approuué. Mais il fut deslors estimé si iuste & saint, que les decretz ont esté autorisez par toute la Chrestienté: specialement celuy des Tyrans, par les plus doctes Theologiens du monde, qualifiez du tiltre de Sorbonne.

Mais pourquoy ce decret ne seroit-il aussi bien

receu que les autres ? car en cela le Concile n'a rien fait de nouveau : & condamnant l'opinion de Mariana, il a suivi le dire de l'Apostre, que celui qui résiste à la puissance, acquiert sa damnation. Mariana luy mesme confesse que ceste opinion est des heretiques Hussites. Donc le Concile l'a iustement condamnée pour heretique.

Autre confirmation par les exemples & dire des Payens.

CHAPITRE XIII.

MAIS il me plaist encores de monstrier à Mariana, qu'il est pire en son opinion que les sages Payens.

L'on sçait qu'il y a trois sortes d'Estats approuvez, la Monarchie, l'Aristocratie, & la Democratie : & que les deux derniers peuuent aussi bien degenerer en tyrannie que le premier : de sorte que s'il estoit loisible de se renolter pour la tyrannie, il le seroit aussi bien en l'Estat Democratique qui se comporteroit tyranniquement qu'en l'Estat Royal. Néanmoins Socrates, celui que la Grece, apres l'oracle de Delphes, a reconnu le vray seul Sage exhorté par ses amis, de n'endurer les outrages que le peuple d'Athenes luy faisoit, rend les responses veritablement pieuses, & si i'ose dire Chretiennes, qui sont au Dialogue, intitulé Crito, que son Disciple Platon a laissé par escrit. Il n'est, dit-il, aucunement permis se vanger d'une


Plato in
Critone.

iniure receue : & n'estant loisible d'outrager son Pere ny son Maistre , ny contendre avec eux de pair à pair, encore moins l'est-il contre son pays. De sorte que si le pays vous veut tuer, affliger & bannir, vous ne devez pas moins, voyre d'avantage vous disposer à recevoir humblement & sans resistance, tout le mal qui vous viendra de sa part que s'il venoit de ceux qui vous ont charnellement engendré : car le droict le veut & le commande ainsi. Ce sont les paroles de ce vertueux Payen, lesquelles s'il auoit vescu depuis la loy de Iesus Christ, on ne pourroit dire qu'il eust puisées d'autres sources que de celle tres-pure de l'Euangile, & de la doctrine des Apostres. Mais il estoit instruit en l'escole de la sage Nature, laquelle quiconque suiura (ce disoit vn ancien) ne faudra iamais. Et auparauant luy Aristides iniu- Plutarque.
stement banni d'Athenes par ce peuple, vsant insollement de sa puissance, éleuant au sortir de la ville les mains au ciel, fit vne priere du tout contraire à celle d'Achilles en Homere, suppliant Dieu que iamais il n'arrinast de telles afflictions aux Atheniens qu'ils eussent affaire de luy. Ainsi Themistocles refugié pour se guarentir de l'iniu- Idem.
stice du mesme peuple qui le poursuiuoit à mort, quoy qu'il eust à sa deuotion les armes d'un tres-puissant Roy, ayma toutesfois mieux se priver volontairement de la vie, que courir sus à son pays. En l'Estat des Romains, la puissance & la Seigneurie estoit pareillement deuers le peuple, duquel on sçait que ceux qui auoyent beaucoup mérité ont enduré de grandes iniures, sans que pourtant les plus sages ayent cherché l'occasion

de s'en vanger, ou l'ayent prise s'offrant à eux. Camillus qui a tant releué, comme qui diroit, du berceau la gloire des Romains, souffrit patiemment de se voir exilé: & quoy qu'il se peut associer des Gaulois pour nuire à son pays, il se reserua & s'arma contre eux pour la deffense d'eux. Ainsi les Scipions payez & recompensez de beaucoup d'miures pour les Prouinces de l'Afrique & de l'Asie, dont ils auoyent acru la puissance Romaine, n'estimerent toutesfois qu'il leur fust loisible de s'en ressentir, combien que leur seule reputation leur peust donner les forces de plusieurs Roys & peuples. Pourquoy Socrates, & pourquoy tant de vertueux personnages en vsoyent-ils ainsi: pource que la loy naturelle escriuoit sur leurs ames le respect & l'obeyssance qu'il faut porter au superieur: Et quoy que Coriolanus, Alcibiades & autres qui sont venus en armes contre leurs pays, semblaissent en auoir quelque subiet, toutesfois personne ne les en louez. Que si ces gens si deuotieux à leur estat, eussent vescu sous vn estat de Monarchie, est-il pas croyable qu'ils auroyent gardé le mesme respect, & que comme iamais ils n'ont esté d'aduís de se vanger de la noblesse ou du peuple, opprimant la liberté du pays, parce qu'ils en estoient les superieurs: Aussi ne se seroyent-ils armez contre leur Roy, d'autant que c'est le pere du pays: & conséquemment plus que le pays, que comme il n'est permis à l'enfant de resister à son pere, de voye de fait, de mesme ne l'est il au suiet à son Prince.

Confirmation par l'excellence de l'Estat Royal, & la
consecration des dignitez superieures.

CHAP. XIII.

VE s'il a fallu endurer l'insolence d'un
peuple en l'Estat Democratique, parce
qu'il auoit la souveraineté: Il faut à plus
forte raison en l'Estat de Monarchie endurer de
celuy qui en est le souverain. D'autant que la
Royauté est au iugement des plus sages, estimée
la meilleure sorte de gouverner, comme repre-
sentant mieux que tout autre l'administration
du monde regi & gouverné par vn seul Dieu: car
ainsi qu'Homere a fort bien dit,

Pluralité de Maistres n'est pas bonne.

Aussi voyons nous qu'en chaque genre des
choses crees y ayant plusieurs especes, Dieu a
establi en icelles des degrez de Royauté, & à
chacune donné des marques de sa supereminence.
Au premier des Cieux vne robe esclatante d'es-
toilles: au Soleil Prince des Planetes vne brillan-
te couronne de rayons: Il a couronné le Basilic &
le Dauphin, l'un Roy des serpens, l'autre des
poissons: l'Aigle Prince des oyseaux, & au Roy
des Abeilles departy vne proportion & maicsté
de corps plus agreable & releuee que celle de
leurs subiets. Quant au Lyon, ses yeux flambo-
yans comme pierres precieuses, l'or qui reluit en
la couleur de son poil, & sa demarche graue &
alseeuree, enseignent bien qu'il est le Roy & le
Prince de tous les animaux. Ainsi la Palme pour
tesmoignage qu'elle est la Princessse des arbres,

porte en soy le symbole de la vertu qui se releue contre les aduersitez. Et le lys Roy des fleurs, ie vous prie quelle beauté? Le Roy Salomon seant au throne de sa gloire, avec la pompe & les ornemens de sa grandeur, n'est point plus agreable à voir ny mieux reuestu. Aussi est ceste fleur grauee en l'Escusson du premier des Royaumes. Quant à l'Or au Diamant, ce vif éclat qui donne dans les yeux, les fait recognoistre Monarques, l'un des metaux, l'autre des pierres precieuses. Mais l'homme Roy du bas Vniuers, combien de marques a il de sa souueraineté? Or estant ainsi la Royauté, comme naturellement emprainte aux creatures, delà l'on iuge qu'elle a quelque grace & prerogative de Dieu par dessus les autres Estats.

C'est pourquoy nous voyons que l'obeyssance enuers les Roys est principalement recommandee par nostre Sauueur & les Apostres: qu'il est defendu d'en mesdire: que les nations Payennes ont grandement respecté la maiesté des Rois, iusqu'à luy faire des adorations, comme les Perles: que les ennemis des Lacedemoniens craignoient mesme en bataille de mettre les mains sur les Roys de Sparte, ains s'en detournoyent le plus qu'ils pouuoient: que les Ephores qui firent mourir le Roy Agis, furent estimez auoir commis le plus cruel & detestable forfait que l'on eut veu depuis que les Doriens auoyent habité le Peloponeze: neantmoins ce n'estoit qu'un homme, mais Roy, & non encore Roy plaine-ment souuerain: Que seulement la prononciation de ce mot, Roy, a peu rompre vne coniuration: & que

Plutarque
en Themistocle.

Idem in
Agide.

Zonaras in
Cōst. Duca.

& que pour donner à ceste Royauté plus de veneration elle a esté rendue diuine & sacree par la Religion de certaines ceremonies, spécialement en France, par la diuine Onction du saint huyle, apporté miraculeusement : De sorte qu'estans ainsi les Roys consacrez, l'on a nommez sacrileges ceux qui attentent à leur personne comme ceux qui violent la maiesté diuine, & quand on a fait les loix de leze Maiesté, ce n'a point esté avec distinction du bon ou mauuais Prince.

Aussi à Rome ayans les Tribuns & Magistrats, en qui consistoit la maiesté du peuple consacrez, Liu. Deca.
1. lib. 3.

il fut fait vne loy seueres contre ceux qui offenceroient leur dignité, & encore que depuis les Tribuns abusassent insolemment de leur Magistrat, si est-ce que Scipion l'Africain, n'ayant fait autre chose que retirer de leurs mains son frere, qu'ils vouloyent mettre prisonnier, fut estimé auoir par trop de pieté, rompu le droit Ciuil. C'est

Idem. De
ca. 4. lib. 8.
sub. f.

pourquoy Nasica Sénateur Romain, conjurant le Consul de vouloir exterminer Tyberius Gracchus, qu'il appelloit Tyran: le Consul respondit, qu'il n'vseroit point de force ny de main-mise contre : mais que s'il ordonnoit quelque chose

cōtre lui les loix, il ne la receuroit point. Qui fut sans doute vne sage responce, de laquelle Nasica ne s'estant cōtenté, mais émeu le trouble, auquel


Plutarque
in Tyberio
Graccho.

il fit tuer le Tribun, il en fut depuis si hay, que cōtraint sortir de la ville, & aller hors de son pays vagabond, sans honneur, & troublé d'entendement, il mourut incontinent apres, ne pouuant supporter que chacun l'appellat maudit, & excommunié: pourquoy? pource qu'il auoit souillé

ses mains du sang d'un Magistrat sacré.

Autre confirmation, par les auteurs
Payens.

CHAPITRE XV.



OMB IEN plus le seront estimez
ceux qui penseront ou conseilleront
seulement de respandre celuy d'un
Roy, Image viuante de Dieu, & son
Lieutenant icy bas? Car comme dit

Homerc. Homere.

*L'autorité du Prince qui domine
Vient droitement de la grace diuine:
Partant il faut craindre de l'irriter.*

Et encore que par fois Agamemnon soit taxé
de tyrannie, neantmoins Therfites ayant osé la
luy reprocher en plaine assemblée, Vlisses s'en
formalisa bien fort.

*Ose-tu bien, luy di-il, O le pire
De tous les Grecs, d'Agamemnon medire?
S'il t'aient plus ainsi de murmurer
Contre les Roys, tu te peux assurer
Qu'à coups de fouet ie te feray bien taire.*

Puis vsant de son autorité (qui estoit de sur-
intendant en la Iustice) il luy donna plusieurs
coups du Sceptre, que peu auparauant le Roy
luy auoit mis en la main. Ce qui fut grandement
approuué de l'assistance, comme estant vn acte
de bon subier.

*O, disoyent ils, combien de fois la Grece
A d'Vlisses esprouué la sagesse?*

*Mais il n'a fait vn acte plus duisant
Que de punir ce brouillon medisant.*

Mais pourquoy le me me Poete auroit il fait descendre Minerue pour retenir le bras d'Achilles, qui desia se dispoisoit à rirer son espee pour tuer Agamemnon à cause de sa tyrannie ? sinon, afin d'apprendre que Dieu ne le veut pas ? Aussi Achilles remettant son espee au fourreau, le tesmoigne ainsi :

*C'est bien raison, car la haute puissance
Des Dieux sur tout ayme l'obeyssance.*

En la Tragedie de Sophocle, nommee Antigone, Creon Roy de Thebes, est repris de tyrannie par Tiresias : Toutesfois le Chœur que l'on scait aux Tragedies, estre pour parler de la Moralité, & de ce qu'il faut, ou ne faut pas faire, blasme Antigone de ce que contre l'ordonnance du Prince, elle s'est mise en deuoir d'enseuelir son frere Polynice, & resout ainsi.

Sophocles
in Antigone.

*C'est pieté sans doute de bien faire,
Et de porter reuerence à son frere:
Mais on ne doit enfreindre aucunement,
Ce que le Prince ordonne absolument.*

Et pourquoy encore ce Poete auroit il en son Promethee, iceluy représenté lié sur vn rocher, endurent beaucoup de mal ; seulement à cause que se disant auoir pitié des hommes opprimez par Iupiter, il leur auoit enseigné l'usage de plusieurs choses pour se defendre de ceste oppressiō ? si ce n'est afin de monstrier qu'il n'appartient au suiet pour quelque occasion que ce soit, ny sous vn pretexte de pitié, de mettre en la main du peuple, le moyen de se souleuer cōtre la tyrānie:

In Prometheus.

Diodorus
Siculus.

combien moins de tuer le Tyran? Aussi lisons nous vn fait notable des Prestres & Legislateurs d'Egypte, qui ont esté en si grande opinion de sagesse, que les premiers hommes de la Grece sont allez conferer avec eux: ils auoyent accoustumé, ce dit Diodore, de faire à haute voix des prieres pour le Roy exerçant la iustice: & encore qu'ils excommuniasent les meschans, toutesfois reietans toutes les fautes du Prince sur leurs Officiers & Conseillers plus proches, ils le dechargeoyent du crime. Dont il est facile de colliger, que quoy qu'il fut mauuais, ils espargnoyent sa personne comme sainte & sacree.

Tacite.
Verba mea
arguuntur,
adeo factorum
innocens sum.
lib. 4. Annal.

Mais lisons nous pas en Tacite la condamnation de Cremutius Cordus & de ses liures, lesquels le Senat par son arrest, ordonna estre brulez, pource que seulement il louoit en iceux Cassius & Brutus, les meurtriers de Iules Cesar? mes escrits, disoit-il, & mes paroles sont reprises, tant ie suis innocent du fait: mais ces sages Senateurs creurent que ceste louange pouuoit animer quelque courage inconsideré à faire vn acte semblable, pour meriter aussi d'estre loué. C'est pourquoy ils voulurent que chacun sceut que tant s'en faut qu'il y eut apparence de louer ces meurtriers, qu'il estoit dangereux d'en faire mention seulement. Qu'auroyent-ils au prix ordonné contre vn Mariana, qui ne se contente de louer, mais exhorte & conseille: Neantmoins c'estoit sous Tibere.

Idem, in
Iulio Agricola.

Le mesme Tacite en la vie de Iulius Agricola, parlant de ce vertueux personnage qui a vescu sous le tyran Domitius, rend la raison comment

il a peu eschaper sa cruauté: il ne s'est pas, dit-il, procuré par vne folle ostentation de liberté, ny la mort ny vne vaine renommee. Dont ceux qui ont accoustumé d'admirer les choses illicites, peuuent sçauoir que sous les meschans Princes se trouuent des grands personages: & que l'obeyssance & modestie: accompagnées d'industrie & de vigueur d'esprit, se peuuent aussi bien rendre louables, que ceux qui prenans vn chemin precipité, se sont celebrez par vne mort ambitieuse, mais n'ont pourtant de ce rien serui. Donc suiuant le dire de ce graue autheur, les menees, attentats & conspirations contre les Princes, sont illicites.

Bref pour clorre ceste doctrine des Payens, il suffira de rapporter le dire notable de Cerealis, dans le mesme autheur, qui retient nos anciens Gaulois en l'obeyssance des Tyrans par ces notables paroles: Tout ainsi que nous supportons la trop grande sterilité, le trop grand rauage d'eaux, & toutes les autres inclemences de la nature: de mesme faut-il que vous supportiez le luxe & l'auarice des Princes: comme voulant dire, il ne vous est pas permis de murmurer contre Dieu, encore qu'il vous afflige en vos corps, destruisse l'esperance de vos semailles, & reduise à neant le fruit de vos veilles & traux, ny aussi contre le Prince son Image, quoy que vous en foyez indignement traitez. Ce qu'il disoit comme s'il eust leu dans le Prophete Osee, que Dieu donne & oste les Roys en sa fureur. Et Dieu les donnant & les ostant, sera-il loisible au peuple, encore moins à vn particulier, de s'opposer à sa

Idem.
Quomodo
sterilitatē
aut nimios
imbres &
cetera na-
turæ mala
ita luxum,
vel auari-
tiam domi-
nantium
tolerare vi-
tia erunt
donec ho-
mines: sed
neque hæc
continua,
& meliorū
interuentū
pensantur.
li. 4. histor.

Osee cap.
13. Dabo
tibi regem
in furore
meo aute-

am in in-
lignatione
nea.

volonté, & de faire iustice du Prince Tyran? sans doute que non.

*Qu'il y a des degrez de iurisdiction : & que ceux qui
sont au deffous n'ont aucun droit de iustice
sur les superieurs.*

CHAP. XVI.

MA R il est certain qu'il y a des degrez de iurisdiction, lesquels il ne faut outre-passer, chaque famille est vne petite Monarchie : le Pere ou le Maistre de famille en est le Seigneur : il a sous luy sa femme, ses enfans & seruiteurs, si l'enfant outrage le seruiteur, ou le seruiteur son compagnon, faut il pas que la plainte en soit faite au Maistre, ou au Pere, sans que l'outragé en puisse luy mesme faire la vengeance. En la grande Monarchie sont les Roys, leurs Gouverneurs & Magistrats, & Dieu par dessus tous, si le Pere ou Maistre vse tyranniquement de l'autorité qu'il a sur son enfant ou seruiteur, sera il trouué bon que le seruiteur tue son maistre, ou le chaste de sa maison, & le fils son pere. Non, au contraire plus il en endurera, plus il en sera loué : comme les esclaves qui aux proscriptions de Rome, sauuerent la vie à leurs maistres, desquels ils n'auoyent iamais receu que rigueur : & comme le fils de Lucius Manlius, surnommé l'Imperieux, qui empescha le cours d'une fascheuse accusation, intentee par le Tribun Pomponius contre son pere, auquel outre le fait public, on obiectoit la seuerité trop grande, dont il opprimoit la liberté de ce sien fils. Mais que n'a

Val. Maxi-
mus li. 6.
8. n. 7.

Idem lib. 5.
cap. 4. n. 3.
Lib. Decad.
1. lib. 7.

on dit des mutins qui eux mesmes ont voulu se defendre. Herminichildus fils de Lemulgide Roy des Visigots s'estoit aliené de son pere Arrien, pource que luy faisoit profession de la vraye Religion: & d'autant que son pere venoit en armes contre luy, pour le reduire à l'obeyssance, il cherchoit les moyens de le faire tuer: miserable, ce dit vn bon Euesque, qui ne scauoit que la iustice diuine le talonnoit pour vengeance d'vne si meschante pensee, quoy que contré vn heretique. Mais que profita le Pape Paschal, d'armer Henry le fils contre l'Empereur Henry son pere: sinon luy monstrier le chemin d'impieté, de laquelle luy mesme esprouua par apres les effets, quelque pretexte qu'il y eust, ce fils n'a laissé d'estre réputé méchant & impie par vn de nos Rois. Donc le fils & le seruiteur ne se doyuent armer contre la tyrannie de son pere ou de son maistre, car il en seroit puni, mais implorer le secours du Magistrat: encore la loy veut que ce soit avec beaucoup de soubmission & d'excuse, iusques mesmes à demander pardon de ce qu'il est contraint d'en venir là. Si le Magistrat ou le Lieutenant du Prince est voleur, concussionnaire ou Tyran, le suiet qui prendra les armes contre luy, fera-il excusé. Non, parce que le droit d'en faire iustice n'est entre ses mains, mais de celle du Prince qui l'a establi. Que si le Magistrat ne tient conte de chastier la cruauté du Pere ou du Maistre, si le Prince celle du Magistrat, sera-ce encore vne occasion à l'enfant ou au suiet d'en faire la punitiō. Non, car la loy defend de se faire droit à soy mesme. Quoy donc? viura-il tousiours en vne

Greg.
li. 6. ca. 43.
hist.

Paulus E-
mil. in Phi-
lib. 1. sub. f.
& Ludoui-
co Crasso.
Init.

misérable tyrannie : s'il peut endurer il méritera beaucoup : s'il ne le peut, nous ne luy pouuons dōner conseil que celuy de la souueraine sagesse, qui est de fuir la persécution de lieu en autre.

Que les Rois souuerains ne dependent que de Dieu, auquel seul il appartient d'en faire iustice.

CHAP. XVII.



Epist. 7.
Dauid Rex
ait: Tibi soli
peccauit:
Regali enim
subnixus fastigio
quasi legum
dominus,
legibus
reus non
erat, soli
Deo obnoxius
tenebatur qui
Dominus
est potestatum.

D. Ambr.
ep. 7.

Si quis de
nobis ô rex
iustitiæ trans-
mitte trans-
scendere
voluerit, à
te corrigi
potest: si
vero tu ex-

R le souuerain degré de iurisdiction est celuy de Dieu sur les Roys, desquels il est le seul iuge. Par moy, ce dit la sagesse, les Roys regnent. Ce que S. Ambroise a fort bien reconnu, expliquant ce que disoit Dauid : à toy seul j'ay offensé mon Dieu. Car, dit-il, estant eleué au throsne Royal & comme seigneur des loix, il n'en pouuoit dependre ny receuoir correction de ses iuges, mais estoit seulement responsable deuant Dieu, qui est le Monarque souuerain des puissances. C'est ce que disoit encore le vertueux Euesque Gregoire de Tours parlant au Roy Chilperic : Sire, si quelqu'un de nous (il parloit pour les Euesques assemblez au iugement du procez criminel qui se faisoit à l'Euesque Prætextatus) outre passe les termes de iustice, vous le pouuez corriger : Mais si vous faillez qui vous reprendra? qui vous condamnera, sinon Dieu la mesme iustice. Nous auons veu que telle a esté la resolution des Peres, au quatriesme Concile de Toledé, qui ne promettent pas de iusticier

les meschans Roys, mais en demandant la iustice à Dieu.

Pareillement l'euesque Isidore, que les Princes du sieclé cognoissent qu'ils doiuent rendre raison à Dieu de la defense de l'Eglise laquelle il leur a commise, car soit que la paix de l'Eglise augmente par les Princes fideles, ou qu'ils la rompent, celui (sçauoir Dieu) leur en demandera conte, lequel a mis en leur puissance & protection l'Eglise.

Les Payens mesme ont recognu cela. Le Satrape de Perse disoit à Themistocles qu'ils recognoissoient leur Roy pour l'image du Dieu de la nature. Vn poëte Grec a bonne grace. Tu t'es esleu (parlant à Iupiter le faux Dieu de l'antiquité) non les fauconniers, non les gendarmes, non les poetes, les laissant pour d'autres, mais les Princes des villes sous lesquels sont les laboureurs, les soldats & les pilotes. Nous attribuons à Vulcain les artisans : à Mars, les gens-d'armes, les chasseurs, à Diane & les musiciens à Phœbus : mais les Rois sont à Iupiter : d'autant qu'il n'y a rien plus digne de Iupiter, que les Rois : C'est pourquoy tu leur as, ô Iupiter, donné le commandement & l'autorité, les environnant de splendeur & magnificence, aux vns plus, aux autres moins.

De-là vient que les Rois ne releuans d'autres que de Dieu (ce qui s'entend des Rois souverains) aussi n'ont-ils autre iuge que Dieu : iusques là qu'il a esté resolu par les plus sages que les Princes souverains n'ont le droit de glaive ordinaire les vns sur les autres, car ils dependent tous

cesseris,
quis te
corripiet?
loquimur
enim tibi:
sed si volue
ris, audis: si
autem no
lueris, quis
te condem
nabit? nisi
is qui se
pronuncia
uit esse Iu
sticiā. lib. 5
cap. 18.

Concil.
Tol. 4.

Can. prin
cipes, can.
23. Q. 5.
Plutarque.

Callimachus
in hymno
Iouis.

Cic. in orat
pro rege
Deiotaro.

Plutarque.

immédiatement de Dieu, suivant la vulgaire maxime, que le pareil n'a point d'autorité sur son pareil. De sorte que quand vn Roy a voulu iuger & faire le proces à vn autre Roy, on l'a trouué estrange. Cicéron plaidant pour le Roy Deiotarus deuant Iules Cesar: Il parle, disoit-il, pour la vie & pour les biens d'un Roy: Ce qui encore qu'il ne soit iniuste à ton esgard, est toutesfois si nouveau & inusité, qu'un Roy soit veu entre les criminels courant le hazard de sa teste, que iusqu'à present on n'a ouy parler de chose semblable. Antonius fit decapiter publiquement Antigonus Roy des Iuifs, quoy que, ce dit Plutarque, iamaïs Roy n'eust esté puni de telle sorte.

Sçait-on pas ce qui fut dit de Charles Roy de Naples, faisant mourir par iustice le ieune Conradin: & de ceste pauvre Roïne dont l'histoire est encore recente? Pourquoi? par ce que le iugement des Roys ne doit despendre que de Dieu qui les fait regner, autant les bons que les mauvais. N'attribuons pas disoit saint Augustin, la puissance de donner le Royaume & l'empire à autre qu'à Dieu, qui ne donne qu'aux gens de bien le Royaume des cieux: mais il distribue les Royaumes terrestres aux meschans & aux bons comme bon luy semble, à qui rien d'iniuste ne semble bon. Celuy, sçauoir Dieu, qui a esleué Marius, a pareillement esleué Cesar: qui Auguste, a aussi Neron: qui les Vespasiens pere & fils tres doux Empereurs, a aussi Domitian: & pour ne point courir par tous les Empereurs, le mesme Dieu qui a mis le sceptre en la dextre de Constantin, l'a encore mis en celle de Iulian l'Apo-

stat. Car Dieu seul gouuerne en toutes ces affaires par des causes quoy que cachees non toutes-fois iniustes. C'est ce que dit l'un des amis de Iob que Dieu fait regner l'hypocrite pour les pechez du peuple;

Qui regna-
re facit hy-
pocritam
propter
peccata po-
puli. Iob.

34.

Or estant Dieu qualifié si souuent en l'escriture, ialoux de son honneur & autorité, pourra-il endurer que les hommes l'anticipent, & facent eux mesmes la iustice d'un Roy qui ne peut ny doit estre iugé que de luy? & sera-il tolerable que nous allions contre sa volonté, chassans ou tuans vn Prince lequel il nous a voulu donner peut estre en sa fureur: que nous luy arrachions la foudre de la main de crainte qu'il n'en punisse nos offences. Bref que comme vn Lucifer, nous disions: ie seray semblable au tres haut.

Plutarque quoy que payen, a esté bien plus sage & retenu, disant qu'il n'appartient à l'homme mortel & luy est dangereux se plaindre de Dieu quand il tarde trop à punir les meschans: Ains le plus seur est de croire que la prouidence diuine dont l'œil voit le passé, le present, & l'auenir, sçait le temps & l'occasion de remedier au vice & apprester la punition deue à chaque crime, ainsi qu'une drogue selon la qualité de la maladie.

En l'opuscule, pour-
quoy la ius-
tice diuine
differe la
punition
des malefi-
ces.

Que s'il ne luy appartient de s'en plaindre, encore moins de prendre le fer, & comme vn forcené se ruer sur celuy qu'il estime tyran: ains louer Dieu de tout, & avec Pindare l'appeller & recognoistre Seigneur & maistre du mode, tres bon & tresparfait ouurier, le pere & surjeon de la iustice à laquelle il conuient seulemēt de resoudre quād & en quelle façon il faut chastier les tyrans de la terre.

Xenoph.
lib. 3. rerū
græca.

Donc louïable sans doute la loy des Perſes, par laquelle pour monſtrer que les hommes n'ont aucun droit de main-miſe ſur le Prince, il leur eſtoit expreſſément defendu d'approcher du Roy, que les bras bien-auant reſerrez & repliez dans la manche, en ſorte que les mains ne fuſſent aucunement veües : Loy ſi rigoureuſe que Cyrus, fit mourir deux Princes, pource qu'ils auoient oſé venir en ſa preſence, les bras & les mains alongées & deſcouuertes. Pleuſt à Dieu, que ceſte loy eut eſté practiquée, du regne de noſtre grand Henry. Du moins ſeroit-il fort neceſſaire, que perſonne n'approchaſt de la Maieſté, ſ'il n'eſtoit bien cognu.

Philippe
de Commi-
nes en l'hi-
ſtoire de
Louis XI.
Ep. 5.

Bref nous adiouſterons le dire d'un ſage politique & eſcriuain, de l'un de nos Roys de France. Si, dit-il, les grands faillent, qui s'informerá de leur vie ? l'information faite, qui l'apportera au iuge ? qui ſera le iuge qui en prédra la cognoiſſance, & qui en fera la punition ?

*Qu'il faut contre la tyrannie & les aduerſitez appor-
ter la patience: & que les aduerſitez
ſont neceſſaires.*

CH AP. XVIII.



ON c n'appartenant qu'à Dieu de punir les Princes, les affligez doiuent attendre ſur ceux qui les affligent, le iugement de ſa iuſtice, quand ils voient que l'amendement & conuerſion eſt du tout deſeſperée en eux: & cepen-

dant que comme les admoneste S. Augustin ils se gardent de perdre par vne trop grande cupidité de se vanger la patience qui leur doit estre plus riche, pretieuse, & laquelle ils doiuent auoir plus de soing de conseruer que les biens, les tresors, la vie, & tout ce que l'ennemy leur peut raur. Car c'est le talent qui nous peut acquerir au Royaume de Dieu les biens, les tresors & felicitez, qui se peuuent & ne se peuuent imaginer : si grands que langue n'en scauroit dire, œil voir, ny oreille entendre de tels, & si asseurez que la possession n'en a iamais peu ny pourra estre ostee à ceux qui la tiennent. Aussi comme la patiēce ne peut estre esprouuee que par les aduersitez, nous ne voyons rien plus recommandé en l'escriture que de les endurer: d'autant qu'elles nous sont comme vn feu purgeant, & que par icelles comme par vne fournaise Dieu fait essay de ses vrais amis non tant pour luy (car il les cognoit tous) que pour sa gloire, la leur, & à ce qu'ils seruent de bon exemple ou de confusion aux meschans. Ce fut ainsi qu'il mania Moyses, Abraham, Iacob, Ioseph, Isaac, & tous ceux qui luy ont esté agreables, ainsi que remonstroit sagement la vertueuse Iudith aux anciens de Bethulie. Que si Iacob

Ep. 5.
Iudit cap. 8.

n'eust appris del'inspiration diuine ceste pieuse leçon, auroit-il porté tant de reuerence à Esau son frere aîné homme violent & cruel qui le persecutoit ? veu que mesme auant sa nissance il estoit reprouué de Dieu ? son impieté, sa tyrannie & reprobation seruoient elles pas d'un beau pre-texte à Iacob pour chercher le moyen, en le faisant tuer, de se deliurer de la persecution d'un

homme qui hay de dieu sembloit luy deuoir estre vne agreable victime, toutesfois il l'appelle son seigneur, se prosterne deuant luy, l'adore, & comme si le Sauueur luy eust appris sa doctrine, il ayme mieux garantir sa vie par changement de terre que par entreprise sur celle de son frere. Ainsi les iustes ont enduré les persecutions d'autant qu'elles leur estoient necessaires, comme les vens à l'air pour le rafraischir, les agitations aux eaux pour les garder de croupir & s'empuantir, & les remuemens au blé pour les garder de la teigne & d'un mauuais germe. Que feront les pecheurs sinon d'imiter leur patience d'autant plus qu'ils en ont plus de besoin, afin que l'aduersité leur soit comme le mouuement & la course violente à ceux qui sont frapez du mauuais air d'une maladie contagieuse pour leur faire vomir & reietter ceste humeur peccante?

Or entre les aduersitez il est vray que celle d'auoir vn mauuais Roy est des plus grandes: toutes fois il faut baisser le col sous elle ayant ceste creance que Dieu s'en veut preualoir comme des serpens pour composer vn merueilleux antidote, duquel il chassera le venim de nos vices, & imiter la fidelité de nos anciens François desquels il est dit que sous le Roy Philippes I. ils le respecterent en sorte que pourtant ils ne se departirent point de la sainteté de leurs ancestres, quoy que ses mœurs ne fussent gueres approuuees. Bref imiter tous les saints personnages desquels a esté parlé cy dessus,

Francia sub
rege minus
probato ita
incolumen
maiestatem
ei seruauit
vt ipsa a
sanctitate
maiorum
non dege-
neraret.
Paulus Æ-
mil. in Phi-
lippo. I.

*Qu'il n'est loisible de resister au Prince tyranny d'au-
thorité publique n'y d'authorité priuee, d'au-
tant qu'il est par dessus les Estats.*

CHAPITRE XIX.

L est donc necessaire & profitable de se former à ceste resolution veritablement Chrestienne, qu'il n'est loisible pour quelque pretexte que ce soit d'attenter à la vie du Prince tyrann, ains endurer patiemment les coups qu'il nous vouldra donner: comme d'un bourreau choisi de Dieu pour executer sa iustice diuine.

Il n'est dy-ie loisible ny aux particuliers de leur mouuement, ny par assemblée & resolution publique: d'autant que la loy qui en fait la defence est generale & sans exception: que le Sauueur, les Apostres, ny les Peres ne l'ont point dit: Que les Conciles ne l'ont point resolu: que iamais il n'est tombé en l'esprit des vrais Chrestiens quelque persecution qu'ils ayent eue, de s'assembler à ceste fin, & quoy qu'ils ayent fait plusieurs assemblees secretes, on ne trouue point que cela y ait seulement esté proposé, encore moins resolu, mais au rebours leurs escrits nous ont appris qu'ils estoient tous d'opinion contraire, de sorte que qui les auroit tous assemblez pour cela ils n'eussent eu garde de resoudre autrement qu'ils auoient écrit, que l'assemblée ne peut estre composée de plusieurs qui ont interest, ou pecheurs,

Par ceste
raison Me-
nenius A-
grippa ra-
mena les
mutins à
leur deuoir
Tite Liue.

d'estre chastiez, ou iustes d'estre esprouuez : de sorte que le general aussi bien que le particulier doit endurer que les membres ne sont receuables à s'esleuer contre la teste, ainsi que disent les peres du Concile de Toledé, encore que de son indisposition tombent sur eux beaucoup de meschantes defluxions qui les tourmentent fort: que Dieu estant le seul iuge des Roys, on ne scauroit monstrier qu'il ait subdelegué sa puillance aux estats & assemblees publiques. Car il se l'est toute retenue comme vne des belles marques de sa haute souueraineté qu'il ne communique que fort rarement, & encore avec des signes fort particuliers & certains de sa volonté,

Bref que les estats ne sont point par dessus le Prince souuerain : Ains ils dependent entierement de luy, de sorte qu'ils ne peuuent estre assemblez que par son commandement & autorité. Les Roys des nations leur commandent, ce dit nostre Sauueur, mais non pas vous ainsi. Aussi les doctes ont fort bien remarqué que pour monstrier la superiorité du Prince sur le peuple, l'écriture sainte dit tousiours, que Dieu a estably le Roy sur Israel. Que s'il dependoit du peuple elle auroit dit, sous Israel. Quand nos anciens François esleuoient leur Prince bien haut sur vn bouclier, estoit-ce point pour denoter la mesme chose qu'il commanderait ainsi sur eux? Que si le Prince dependoit des estats, pourquoy les Iuifs demandoient ils à Roboam vne diminution des tailles? que ne s'assembloient ils eux mesmes pour en disposer à leur fantasie? pourquoy ne se sont ils assemblez pour deposer les mauuais Princes?

car

Scitis quia
principes
gétium do-
minantur
eorum : &
qui maio-
res sunt, po-
testatem
exercent
inter eos:
Non ita e-
rit inter
vos. Mat.
thæi 20.
1. Reg. 9.
Vnges eum
ducé super
populum
meum Isra-
el, cap. 20.
Vnxit su-
per heredi-
tatem suam
in princi-

car nous trouuons bien qu'il y a eu quelques
 coniurations, mais de legitimes assemblees il ne
 s'en lit point, d'autant qu'il n'appartient de les
 faire qu'à celuy qui commande. Ce que les Poe-
 tes nons ont voulu faire entendre lors que trai-
 tans de l'assemblee des Dieux ils ont tousiours
 dit qu'elle estoit conuoquee par Iupiter, lequel
 ils appellēt Seigneur du ciel & de la terre. Quant
 à nostre France l'on ne peut reuocquer en doute
 que les estats n'y ayent esté assemblez, mesme
 les sinodes des euesques par le commandement
 du Roy, voire dès la premiere race. Nous en
 auons les tesmoignages en l'histoire de Gregoire
 de Tours & autres autheurs : mais vn tres-illu-
 stre du Pape Estienne successeur du Pape Victor
 qui escriuant à Geruasius Archeuesque de
 Rheims du Concile qui se deuoit tenir en la vil-
 le de Rheims: mais, dit-il, vous ne m'avez point
 fait responce si le Roy y consent. Aussi est-il cer-
 tain que nos Roys ont vne plaine souueraineté
 sur le peuple, duquel ils ne tiennent en aucune
 sorte: ains seulement de Dieu. C'est pourquoy
 le saint personnage^a, Auius Euesque de Vienne
 disoit courageusement à Gondebaut : comment
 vous qui estant Roy ne deuez craindre person-
 ne, apprehendez vous la sedition du peuple?

Philippes de Commines parlant de la bonté
 des François qui sont si obeissans à leur Roy,
 traite de la necessité & vtilité des estats, les-
 quels il approuue comme sans doute fort neces-
 saire pour remedier aux affaires du Royaume:
 mais il reprend grauement ceux qui pensent par
 ces estats raualer l'autorité du Roy: en ce Roy-

cipem c. 12
 Constitui
 super vos
 regem, & si-
 milia 3. re-
 gum 4. & 19
 3. Reg. c. 12

Virgil. lib.
 10. Æneid.
 Homerus
 & alii.

Greg. Tu-
 ron. lib. 8.
 cap. 20. lib.
 10. cap. 19.
 De Cōcilio
 autem Re-
 mis haben-
 do quid a-
 liud dicen-
 dum nisi
 quod beate
 memoriæ
 Dominus
 Victor hinc
 est raptus?
 & quod tu,
 sicut inter
 vos conue-
 nit, non re-
 mandasti
 an in hoc
 esset regis
 consensus:
 a l'Epitre
 se trouue
 entre les e-
 pitres re-
 cueillies
 des Papes
 Estienne,
 Nicolas, &
 Alexandre,
 enuoiees à
 Geruasius
 Archeuef-
 que de
 Rheims.

Tu vero cū
 sis rex & a
 nullo ad-
 prehendi
 formides
 seditionem
 expauescis
 populi lib.
 2. cap. 34.

chap. 109.

chap. 110.

aume, dit-il, les Princes & les suiets se mirent en armes contre le ieune Roy (c'estoit Charles huitiesme) ils lui voulurent oster son autorité, & le voulurent brider qu'il ne peut vser d'autorité de Roy. Et comment? le pouuoient ils faire? certes non, si en a il eu assez de glorieux pour dire que ouy. Toutesfois ils firent l'opposite: car ils vinrent trouuer le Roy tant les Princes & les Seigneurs que ceux des bonnes villes (ce fut aux estats de Tours que le Roy fit assembler par son autorité) le Roy y commandoit qui n'auoit que treize ans à la relation de son conseil: & à ceste assemblée furent faites aucunes requestes & remonstrances en la presence du Roy & de son conseil en grande humilité pour le bien du Royaume, remettant tousiours tout au bon plaisir du Roy & de sondit conseil: & octroyerent ce qu'on leur vouloit demander, & que l'on monstra estre nécessaire pour le bien du Royaume sans rien dire à l'encontre: mesme promirent qu'ils bailleroient d'auantage au plaisir du Roy. C'est ainsi qu'en parle ce veritable historien, pour tesmoigner que l'assemblée des estats & les deliberations & resolutions d'iceux ne dependent que du bon plaisir du Roy: Aussi lisons nous aux harangues qui furent faites en ceste assemblée, qu'elle estoit seulement conuquée par le mandement de sa Maiesté.

Mais tant s'en faut qu'il puisse estre vrai que les peuples soient par dessus le Prince, que mesme il n'est pas expedient, car toutes choses vont mieux quand l'autorité se trouue entre les mains d'un seul: tellement qu'encore que les Ro-

maines qui vivoient en estat populaire, eussent le nom de Roy en horreur : toutes fois en la difficulté de leurs affaires, ou quand ils ne pouuoient ranger ceste beste à plusieurs testes à la raison, ils nommoient vn dictateur dont la dignité souveraine estoit par dessus les loix. Les Consuls, disoit T. Quintius en Tite Liue, n'ont pas assez de forces: il est besoin de nommer vn dictateur, lequel ce dit Plutarque commandoit non suivant les arrests & ordonnances du Senat ou du peuple, mais ainsi que bon luy sembloit: de sorte que de son autorité les assemblees, les deliberations, & toutes les affaires dependoient.

C'est donc abus de croire que le peuple puisse faire aucune resolution legitime contre le Prince, au proufit duquel il s'est par la loy royale depouillé de tout pouuoir pour le transferer en lui. Dont s'ensuit que comme vne femme usant de ses droits, depuis que vne fois elle s'est mise en la puissance du mary ne peut qu'en tant qu'il luy plait: Autant en est-il du peuple,

Tum T.
Quintius
Cōsules im
merito in
crepariaut,
qui consti
tū legibus
de proue ca
tione addi
soluendum
imperium
latis nequa
quam tantū
virū habe
rent quan
tum animi
opus esse
non solum
forti viro
sed etiam
libero exo
lutoque le
gum vincu
lis. Liu.
Decad 1.
lib. 40.
Plutarque
en la vie de
Marcellus.

*Response à l'obiection que les Roys sont obli
gez de quelques loix enuers la re
publique.*

CH A P. XX.



ONTRE cela ne sert de dire que les Roys sont establis sous quelques loix tacites ou expresse : Ce qui a lieu , principalement aux Royaumes electis. Car encore qu'ainsi soit, il ne s'ensuiura pourtant , que si le Roy esleu, contreuient à ces loix , il puisse estre depose : non plus que le Prestre ne perd le caractere de prestrise , encore qu'il manque aux vœux de chasteté & autres, moyennant lesquels il y a esté receu. L'on sçait encore que les mariages ont leurs loix internes, outre celles que l'on met aux contracts : que le mary est obligé d'aimer sa femme, la femme son mary : ils s'eslisent l'un l'autre : car le consentement y doit interuenir : Neantmoins si l'un des deux viole les loix, il est certain, que pourtant le mariage ne sera rompu, parce qu'il n'appartient à l'homme, de separer ceux que Dieu a conioincts, non pas mesme pour cause d'adultere , ainsi que resoluent fort bien S. Hierosme & S. Augustin, suivant la parole de Dieu. Quoy ? si la femme est yuongne & de mauuaises mœurs, il l'a faut pourtant garder, vueillez ou non : car estans libres, vous vous estes volontairement assubiectis. Au cas pareil, la maxime estant vraye , que l'union du Prince & de la Republique, depend de Dieu seul, encore qu'il se ferue du peuple , comme d'un Procureur ou de quelque entremetteur, pour ioindre un mariage, lequel neantmoins on dit estre desja fait au Ciel, depuis que l'eslection est resolüe, la Republique

D. Hieron.
ad cap. 19.
Matthæi.
D. Aug. lib
de Adulter-
inis coniu-
giis.

n'a plus le pouuoir de s'en des-dire. Ce que sçachant fort bien, le Pape Gregoire II. il s'opposa & empescha formellement, que les peuples d'Italie, ne nommassent vn Empereur, au lieu de Leon Iconomaque, lequel ils vouloient deposer, à cause d'un Edict qu'il auoit fait contre les images: Aussi lisons nous que Dieu dit à son peuple, quand vous aurez esleu vn Roy, il ne fera point grand amas de cheuaux, ny de richesses, n'aura plusieurs femmes, ne s'esleuera superbement sur ses freres, & lira tous les iours de sa vie, le liure de la loy: il est encore dit, afin qu'il regne long temps, luy & les enfans: mais le texte ne porte pas, autrement vous le pourrez deposer du Royaume. Ce qu'il faut referer à la prouidence de Dieu, qui n'a voulu donner ceste puissance au peuple, afin qu'il sçeust & creust que la deposition des Roys n'est en sa main, ains seulement en celle de Dieu, qui abaisse quand il veut les puissans, & esleue les infirmes du peuple. Et combien de Roys ont failly contre ceste ordonnance? entre autres Salomon, qui toutesfois n'ont esté priuez de la Couronne.

Platina in
Greg. 2.

Deut. cap.
17.

C'est ce qui a fait dire à vn bon Euesque, que Saül deuant qu'il eust peché, merita d'estre oingt: mais apres l'onction ses pechez n'ont pas esté pe-tits: lesquels Dieu voyant, & toutesfois voulant monstrier par exemple, qu'il ne deuoit point estre touché à cause de l'onction, nous lisons qu'il s'est contenté de dire: ie me repens d'auoir oingt Saül pour Roy. Il pouuoit oster l'huile qu'il auoit baillee: mais afin de monstrier qu'il failloit craindre de toucher & violer l'onction mesme

Saul ante-
quam pec-
caret vngi
meruit,
post vnctio-
nem leuiter
offedit, hoc
Deus cum
videret,
propter o-
leum, non
tengendum
volens e-
plum pro-

ponere, pœ-
nitentiam
suam pro-
fessus est
Sic enim le-
gitur dixit
se dominū,
pœnitet me
vnxisse Saul
in Regem.
Et vti que
potuit deus
oleum
quod dede-
rat auferre:
sed cum vo-
luit docere
non debere
contingi o-
leum etiam
in peccato-
re, ipse qui
dederat pœ-
nitentiam
gessit. Igi-
tur Deus, si
vt te doce-
ret, quod
dedit aufer-
re non po-
tuit, per id
quod no-
luit: tu quis
es qui aue-
ras quod
nō dedisti:
& qui para-
re debebas

en la personne du pecheur, celuy qui l'auoit don-
né s'est contenté de s'en repentir. Donc si pour
t'enseigner, Dieu n'a peu oster pource qu'il nel'a
voulu, ce qu'il auoit donné, toy qui es-tu, pour
oster ce que tu n'as donné, & pour mettre les
mains au rasoir, toy qui dois auoir seulement les
oreilles préparées pour escouter & obeyr ? Et
vous qui pouuez estre les enfans de Dieu, pour-
quoy auez vous mieux aymé, deuenir les enfans
des hommes, conuertissant vos dents en fleches
& armes, & vos langues en espées, pour raurir les
dignitez à ceux auxquels elles appartiennent ? Sa-
muel oingt en sorte Dauid, qu'il n'oste point à
Saul, ce qui luy auoit esté conferé. Dieu defend
son huile : d'autant qu'encore que le peché soit
de l'homme, l'onction est de la diuinité. Ne tou-
chez point, dit-il, mes oingts. Cela de crainte
que voulant frapper le peché de l'homme, on ne
frappe aussi l'huile, qui est de Dieu. Dieu s'est re-
serué à son Iugement, ce qui luy appartient : &
vous sans discretion enuahissant l'autrui, cor-
rompez le repos & la felicité de tout le monde.
Et en autre endroit, le mesme Euesque, parlant
des Schismatiques, qu'il appelle freres, dit que
la fraternité n'est point abolie par le peché, com-
bien moins la Royauté.

aures ad audiendum, parasti nouaculam ad delinquendum ? Et cum possitis esse
filii Dei, filii hominum esse voluistis : & ad infigendum morsum honoribus alie-
nis dentes vestros in sagittas & arma vertistis : linguas acuisitis in gladios & infr-
sic per Samuel vngitur Dauid, vt Sauli quod iamdudum datum fuerat, minimè
tolleretur. & ita f. Oleum suum defendit Deus: quia si peccatum est hominis vnctio
est tamen diuinitatis. Ne tetigeritis, inquit, vnctos meos: ideo ne dum peccatum
hominis percutitur, & oleum quod Dei est, feriat. Iudicio suo Deus seruauit rem
suam & tamen vos passim irrullis in alienam, corrumpentes omnium felicitatem.
Opr. Mileuit. lib. 2. de Schism. Donatist.

Hoc nomen fraternitatis nec in terueniente peccato deponitur. Idem
lib. 1.


Or ce que dessus estant vray aux Royaumes electifs, combien plus aux hereditaires, lesquels le peuple n'a aucun droit de conferer, ains Dieu seul, les donne par succession, principalement celuy de France, duquel on trouue les Papes S. Gregoire, & Estienne troisieme du nom, auoir declaré qu'il surpassoit, d'autant les Roys des autres nations, que la dignité royale excelle par dessus les hommes. Royaume hereditaire, non d'aujourd'huy, mais dès sa premiere constitution: de sorte que le Roy Gunthram, mettant en la main de Childebart, vne lance (qui a tousiours esté vn instrument de guerre particulier à la vaillance & adresse des François) luy disoit: C'est le signe & le tesmoignage que ie vous liure mon Royaume. Maintenant allez, & soubs-mettez au droit de vostre seigneurie, toutes mes Cittez comme vostres: car nos pechez sont causes que de nostre lignage il n'est resté personne sinõ vous qui estes le fils de mon frere. Partant soyez l'heritier & successeur de mon Royaume. Donc estat hereditaire, sera-il iuste que le peuple en dispose, puis qu'il n'y a si petit membre d'iceluy auquel on ne soit veu faire iniure le priuant d'une succession paternelle? Mais la prouidence & bonté diuine aura defendu le meslange de la possession des enfans d'Israel d'un tribu en l'autre, afin que les heritages demeuraissent aux familles, & Mariana voudra permettre au peuple d'oster à vn Roy son heritage pour le donner peut-estre à vn estranger? Au peuple dis ie lequel n'a pour ce regard aucun pouuoir comme estant inferieur au Prince, ains Dieu seul.

Greg. Tur.
lib. 7. c. 33.

Num. c. 36.

*Que les histoires & exemples ne doivent auoir
tant de force que la loy : & qu'il n'ap-
partient qu'au Prince d'inter-
preter sa loy.*

CHAPITRE XXI.

EST sans doute vn grand abus de
tirer en consequence , pour penser
destruire la sainte doctrine de la
patience que les peuples & en ge-
neral , & en particulier , doivent
auoir sous les Princes tyrans , quelques hi-
stoires des entreprises faictes contre-eux, qui se
trouuent aux liures tant saintes que prophanes.
D'autant que qui se voudroit arrester aux exem-
ples , ne seroit iamais resolu. C'est pourquoy
les sages Iurisconsultes , ont tousiours fort bien
decide , qu'il ne faut iuger par exemples : mais
par loix , & le Poëte Horace en vn seul vers,

Nil agit exemplum litem quod lite resoluit.

C'est à la loy qu'il est expedient de bailler nos
resolutions : par elle que nous deuons regler nos
actions : & par son œil que la vie humaine doit
estre conduite, de sorte que pour sçauoir s'il est
bon ou mauuais de faire quelque chose , il faut

simplement recourir à la loy non à l'exemple, d'autant que s'il ny auoit point de loy, il n'y auoit point de peché: qu'encore que la Circoncision ayt esté pratiquée par Abraham, neantmoins son exemple ny auroit obligé les Iuifs, sans la loy expresse qui en a esté faite: & se resoudre selon que la nuë & simple lecture nous instruira, sans apporter des interpretations de nostre teste: certains de la maxime receue en tous Estats, qui n'appartient qu'au Prince d'interpreter son Ordonnance & sa Loy. Car s'il est permis à luy seul pour marque de sa souveraineté de faire des loix: aussi n'appartient il qu'à sa Maïesté d'y donner telle intelligence que bon luy semble. De Num. 27. fait comme Dieu eut commandé le denombrement des enfans d'Israel, & que la terre leur fut diuisée, les filles de Galaad mort sans heritiers males, se plaignans & demandans la portion de leur pere, Moÿse n'en osa resoudre, ains en conféra avec Dieu, pour sçauoir son aduis, comme à luy seul appartenant d'interpreter ce qu'il auoit auparauant ordonné de ce partage.

Nous lisons que Lycurgue ayant donné des loix aux Lacedemoniens, les fit iurer qu'ils les obserueroient inuiolablement sans y rien changer, alterer, ou remuer, iusqu'à ce qu'il fut de retour d'un voyage qu'il vouloit faire en la ville de Delphes, pour en communiquer encore à l'oracle d'Apollon: & que quand il seroit de retour, ils feroient ce que Dieu luy auroit conseillé: mais ayant sceu de l'Oracle que ses loix estoient bonnes, il resolut de ne retourner en son pays, sans mourir afin que ses Citoyens ne se creussent

Plutarque
en sa vie.

dispensez de leur serment, & par consequent receuables à disposer des loix. Car il iugeoit que comme luy seul les auoit faites, aussi n'appartient-il à autre de les interpreter: & que n'y voulant donner aucune interpretation de crainte que ce ne fut vn moyen de les alterer, il aymoit mieux mourir la dessus, afin de n'en estre importuné.

Nous ne tenons les loix de l'obeyssance enuers les Princes que du Sauueur & des Apostres: ils sont morts sans y apporter aucune modification ou restriction, serons nous si temeraires de nous croire plus sages qu'eux, pour y faire des exceptions, à cause de quelques pretendus exemples, lesquels ils scauoient mieux que nous, & toutefois ne s'en sont seruis pour donner des limitations à leurs loix?

ad Timoth.
1. cap. 6.

Quicūque
sunt sub iu-
godominos
īnos omni
honore di-
gnos arbi-
trentur &c.
hæc doce&
exhortare si
quis aliter
docet & nō
acquiescit
sanis sermo-
nibus Do-
mini nostri
Iesu Chri-
sti, & ei,
quæ secun-
dum pieta-
tem est do-
ctrinæ super
bus est nihil
ciens, sed
anguens

Au contraire les ont iugees si saintes que d'en-joindre à leurs Disciples qu'ils les enseignassent, prêchassent & exhortassent chacun d'y obeyr: si quelqu'un, ce dit saint Paul, apres auoir recom-mandé le respect deu aux Princes, enseigne autrement, & ne veut acquiescer aux paroles salutaires de nostre Seigneur Iesus-Christ, il est superbe, ignorant, & languissant, irresolu entre les questions & les combats de langue, dont ne procedent que blasphemés, contentions & enuies: mais vous ô homme de Dieu fuyez tout cela, & suivez seulement la iustice, la pieté, la foy, la charité, la patience & debonnaireté. En quoy ce grand homme nous a fait entendre qu'il abhorroit extremement les questions & disputes. D'autant qu'il est meilleur & plus certain de croire, aussi fut-il resolu au Concile^a d'Arimine que d'oref-

nauant on ne disputeroit plus de la foy.

circa quæstiones & pugnas verborum ex quibus oriuntur inuidiæ, contentiones, blasphemix:&c. Tu autem ô homo dei hæc fuge: stare vero iustitiam, pietatem, fidem, charitatem, patientiam magnitudinem. Vertus notables au fait dont parle l'Apostre, car elles sont contraires à la rebellion.

a Niceph. lib. 9. cap. 39.

Pareillement puisque ceste loy de l'obeyssance est si claire & intelligible, l'on ne doit receuoir aucune proposition au contraire, de sorte que la Cour de Parlement comme elle est accompagnée d'une singulière prudence, autant de fois que l'on a voulu faire les questions & disputes du Tyran, les a soudainement estouffées: parce qu'elles ne font que tracer le chemin à la desobeyssance, & que saint Paul le defend.

Il ne faut donc que les exemples soyent vn sujet de remettre en dispute la loy, pour sçauoir comment, & en quelle sorte il y faut obeyr, ains est necessaire & iuste de la pratiquer ainsi qu'elle est escrite: De mesme que les Hebreux ont estroitement obserué les ordonnances de Moÿse, encore qu'ils eussent des exemples au contraire.

Car ils sçauoyent que plusieurs de leurs anciens Peres n'auoyent esté Circoncis, que Moÿse, & le Patriarche Ioseph prirent femme hors de leur tribu & nation; toutesfois Dieu n'a pas excusé ceux qui ont mesprisé la Circoncision, & prins femme hors de leur lignee, d'autant que la loy leur deuoit estre plus maistresse que l'exemple. Aussi la loy qui commande l'obeyssance enuers les Princes, bons ou mauuais, doit auoir plus de puissance & d'autorité de retenir la violence des mouuemens, que l'exemple de les relacher. Et que l'vnité, qui est le Symbole de Dieu representant la verité tousiours vne & de mesme, doit plustost estre suiue que la diuersité:

Tertul. in
Apolog.

de sorte qu'ayans vne loy qui nous commande de
seruir & obeyr au Prince, voyre Tyran, ceste loy
plusieurs fois repettee, pour se faire d'auantage
apprendre, & monstrier de quelle importance el-
le est, & nulle autre au contraire : il est plus rai-
sonnable de s'y arrester que non pas aux exem-
ples qui peuvent estre diuersement alleguez en
l'une & en l'autre part, ioint avec la loy les res-
ponces des sages, lesquelles l'Empereur Iustinian
a voulu tenir force de loy : & que les exemples
comme prouenans du fait humain, peuvent estre
interpretez par les hommes, selon la varieté de
leurs iugemens & affections, tellement que l'on
n'en peut tirer vne resolution certaine, ainsi que
de la loy qui passe sans distinction. Car comme
disent les Iuriscultes, nous ne deuons distin-
guer ce que la loy ne distingue. Aussi ne lisons
nous pas que les Chrestiens persecutez ayent al-
legué des exemples pour induire que s'ils vou-
loyent ils se pourroyent reuolter : Ains au con-
traire afin de persuader que faullement ils esto-
yent accusez d'estre rebelles & ennemis des Prin-
ces tyrans, ils ont allegué la loy de l'obeyssance à
laquelle ils n'auoyent garde de manquer, d'autant
qu'elle doit estre dame & maistresse des subiets :
non les subiets maistres d'icelle, ainsi que disoit
Pausanias Lacedemonien, rendant ceste raison à
ceux qui s'estonnoyent de ce que les ordonnan-
ces de Sparte auoyent tousiours esté si bien entre-
tenues.

De verité si l'on trouuoit à ce suiet quelques
contraires, alors il seroit besoing ou de suiure la
nouuelle, d'autant que les derniers derogent le

plus souvent aux premiers, ou de recourir à l'usage, pour sçauoir comment elles ont esté practiquees, ou d'interpreter en sorte l'une & l'autre, qu'elles peussent subsister ensemble. Ce qui encore ne se deuroit faire par vne telle teste que celle de Mariana, ains par le Prince & les Magistrats.

Id omnes
ius sciunt
quod po-
stremo po-
pulus seue-
rit, ait. P.
Sempro-
nius apud
Liu. Decad
1. lib. 9.

Mais estant nostre loy de l'obeyssance seule & sans autre qui luy soit repugnante directement ny indirectement : & les sages ayans tousiours monstré par leurs escrits & actes qu'elle deuoit estre practiquees à la rigueur, c'est folie d'y vouloir opposer quelques exemples, puisque comme dit le Iuriconsulte Paulus, il ne faut aucunement changer les ordonnances desquelles l'interpretation a tousiours esté certaine : ioint que pour fortifier nostre loy nous auons des meilleurs exemples que n'en sçauroit auoir Mariana ny tous ses semblables.

Minimè
sunt mutan-
da quæ in-
terpretati-
onem cer-
tam semper
habuerunt
l. 23. de le-
gib.

*Responſe aux exemples prophanes de la rebellion &
attentat, & que la reuolte fait beaucoup plus
de mal que la tyrannie.*

CHAP. XXII.

MAIS pour ne laisser rien à resoudre, considerons ie vous prie la forme & la qualité de ces exemples : ils sont partie tirez des liures prophanes, partie de l'histoire sainte. Quant aux premiers ils ne meritent pas que l'on s'y ar-

reste. Ce sont exemples de pecheurs: or pour nettoyer la face de nos actions, nous ne deuons pas estre moins soigneux de prendre vne glace bien luisante que les Dames pour embellir & farder la delicatesse de leur teint. Puis il y en a autant de la part de la patience, que de l'impatience: & comme il faut iuger de la sincerite des affaires, par les euenemens, il seroit facile de monstrier que les remedes procurez par l'impatience ont apporté beaucoup plus de mal, que le mal mesme: & au contraire que la patience a esté vne souueraine medecine pour le guerir: car combien de Tyrans, combien de mauuais Princes ont succédé au Tyrان que l'on a tué, ou chassé pire que le premier? Les Syracusiens, ce dit Plutarque, estimoyent les calamitez qu'ils auoyent supportees sous les Tyrans, tout or au prix de celles que les Capitaines de Sparte & d'Athenes, qui se disoyent venus pour affranchir la Sicile, leur auoyent fait souffrir: & croyoyent plus heureux ceux qui auoyent patiemment enduré la seruitude, que ceux qui auoyent le bruit d'estre remis en liberté, & neantmoins estoient plus esclaves que les autres. Sçait-on pas la priere tant louee & remarquee de la bonne vieille de Syracuse? elle auoit esprouué plusieurs Tyrans, & tousiours supplié Dieu qu'il les ostant du monde, en fin sur ses vieux iours elle employoit les oraisons pour la santé & longue vie de Denys, non pource qu'il fust plus supportable que les precedents, au contraire elle ne luy cela pas qu'il estoit pire: mais pource que l'experience luy auoit fait cognoistre que l'on ne gaignoit rien au change.

En la vie
de Timo-
lem.

Les Romains se trouuerent-ils mieux au commencement, d'auoir chassé les Roys? l'histoire fait voir l'auarice, la cruauté & en vn mot la tyrannie des plus grands contre le menu peuple: dont proceda la retraite qu'il fit au mont Auentin. Combien de maux ont-ils enduré apres la mort de Iules Cesar? combien apres celle de Tybere, apres Neron, & apres Vitellius? Les Iuifs se plaignoyent du regne de Salomon, il leur fut respondu par Roboam son fils: Mon pere vous a fouïetez avec des verges: & ie vous fouïeterai avec des Scorpions. C'est ce qui arriue à la plus part des rebelles.

3. Reg. i 2.

Sed etiam nominatim atque manifeste orate, inquit, pro regibus & pro principibus, & potestatibus ut omnia tranquilla sint. Vobiscum enim concutitur imperium: concussis etiam ceteris membris eius: utique & nos (licet extranei à turbis assidemur) in aliquo loco casus, inuenimur.

Tertul. Ap. D. Thomas

Aussi entre autre raisons que les premiers Chrestiens rendoyent de leur patience durant les persecutions, celle cy en estoit vne. Nous honorons les Empereurs, & prions pour leur santé, d'autant qu'ils ne peuuent estre attaquez ny esbranlez qu'il ne s'en ensuiue vne grande dislocation de membres. Bref quiconque examinera les exemples des rebellions, trouuera qu'elles ont causé plus de desordre, respendu plus de sang, & plus perdu d'ames & de corps en vn iour, que n'a fait le plus cruel Tyran en toute sa vie. C'est pourquoy l'issue de ces remuemens & tumultes, trainant à sa queue beaucoup de hazard, le Docteur Euangelique saint Thomas en la question, sçauoir si la sedition esmeue à cause de la tyrannie est peché mortel, resout fort bien qu'elle est peché mortel, quand le trouble suscitè en l'administration du Tyran fait naistre plus de mal, de dommage & de confusion, qu'il ny en auoit sous le Tyran.

Mais qui pourra deuiner l'euénement du trouble? Cependant celuy qui l'ement aura-il l'estat de son ame suspendu entre le peché ou non peché? mal-heureux qui ce faisant tentera Dieu, hazardera le salut de la vie spirituelle, méprisera l'escriture qui dit, que celuy qui cherche le danger, & qu'il ne faut point faire de mal sous l'esperance du bien. Il n'est donc que suivre la voye asseuree, & laisser viure le Tyran tant qu'il plaira à Dieu, puis que l'Apostre dit que celuy qui résiste à la puissance, acquiert sa damnation, d'autant qu'il résiste à l'ordination de Dieu.

Voilà donc l'instruction que l'on peut tirer des exemples prophanes.

*Responce aux exemples de l'histoire
Sainte.*

CHAP. XXIII.



VANT à ceux de l'histoire sainte, c'est pourneant d'alleguer ce que Iudith, Aod & autres semblables ont fait : car ils n'ont leué le bras que contre des estrangers.

Au regard des Roys legitimes qui ont esté tyrans, il y en a beaucoup plus de ceux lesquels ont regné paisiblement iusques qu'à la fin de leurs iours que des autres: & encores de ceux cy la volonté de Dieu y est si expresse, qu'il n'est raisonnable de les tirer à consequence, à cause des circonstances qui s'y rencontrent, comme au fait
de

de Iehu qui s'eleua contre la race d'Achab : car il a eu le droit & la puissance du glaue en la main par l'onction que luy donna le prophete Elisee le constituant Roy de l'expresse volonté de Dieu : puis dès long temps Dieu auoit menassé la maison d'Achab, pour les meschancetez du pere : finablement Dieu luy commande d'exterminer toute sa posterité, d'autant qu'elle cheminoit aux mesmes traces du vice & de l'idolatrie que luy. De sorte qu'en tout cela on voit vn decret de Dieu, resolu non d'vn iour, mais de plusieurs anneés.

Reg. 4. cap. 1.
9.

Qui voudroit donc tirer tels exemples en consequence, il seroit aussi necessaire d'attendre toutes les mesmes circonstances : puis que d'ailleurs nous voyons qu'il y a eu beaucoup d'autres meschans Princes, contre lesquels il n'y a point eu de sousleuemens : ou s'il y en a eu, l'Escripture les a condamnez.

L'histoire rapporte que Ioas Roy de Iuda, forlignant apres la mort du grand prestre Ioïada, du seruice de Dieu à l'idolatrie, deux de ses seruiteurs le tuerent, en vengeance du sang de Zacharie. Mais que pourtant ils ayent bien fait, l'Escripture tesmoigne le contraire, puis qu'elle dit, que Amazias fit punir les meurtriers, non leurs enfans, suiuant la loy, qui ordonne que chacun meure en son peché. Ils auoient donc peché: Aussi est-il à croire, que si Dieu eust approuué ce meurtre, il les auroit sauuez comme Iehu, Aod, & Iudit.

Paralip. 2.
cap. 24. sub
f. & cap. 25.

Qu'auint-il à Zambri, d'auoir tué le Roy Baasa : sinon d'estre contraint incontinent apres

cap. 16. 3.
reg.

4. Reg. 15.

de se brusler luy-mesme avec la maison royale? à Sellum & à Phacees, qui tuerent Zacharie & Azarias? c'estoient de mauuais Princes : toutes-fois les meurtriers furent aussi tuez.

3. Regum
15. 16.

Quelle raison peut-on rendre de ceste diuersité, sinon que ceux qui se sont ingerez de prendre le glaive contre les Princes, sur lesquels Dieu se l'est reserué, en ont esté punis? & au contraire que Dieu a preserué ceux qui auoient en ce faisant executé sa volonté, laquelle tousiours est déclarée pour leur iustification? ie t'auois, ce dit Dieu, parlant à Baasa, (lequel ayant fait mourir Nadab fils de Ieroboam aussi meschant que le pere, regnoit en sa place) esleué de la poudre & constitué chef sur Israel.

Or apparoiſſant que la volonté de Dieu, s'est déclarée en fort peu de tels actes, que l'euement des autres auxquels elle a manqué a esté funeste: & que Dieu ne l'a ainsi tesmoigné contre tous les tyrans, il nous reste de resoudre que la specialité de quelques exemples ne doit faire croire que Dieu vueille que l'on se gouerne ainsi contre les autres: Au contraire que n'ayant ainsi puni tous les tyrans, mais qui plus est, ayant chastié aucuns des meurtriers d'iceux, il a fait entendre qu'il ne le vouloit: que ce qu'il auoit voulu en quelques vns deuoit estre seulement pour donner terreur aux Princes, affin qu'apprehendans les secrets iugemens de Dieu ils se disposent de bonne heure à vlture en sa crainte: & qu'au reste il ne falloit approuuer les meurtriers des Roys, d'autant qu'ils entreprennent sur la iurisdiction de ceste haute & souueraine maiesté,

à laquelle il en faut laisser disposer, par ce que la puissance de la terre est en sa main, & que quand il luy plaira il sçaura bien esleuer en temps & saison vn gouuerneur necessaire & profitable.

Mais d'autant que les secrets de Dieu sont incomprehensibles, ce seroit vne temerité trop grande, voire vne impieté, d'accommoder sa volonté à tous les parricides des Princes tyrans: & d'autant encore qu'elle est merueilleusement difficile à sçauoir, & qu'il seroit à craindre que le Diable se transformant en Ange de lumiere nous en fist à croire facilement si nous donnions trop de creance aux exemples: le plus seur sera de ne les tirer en argument, ains cheminans en simplicité de cœur, auoir perpetuellement la loy deuât les yeux: car avec elle on ne sçauroit faillir.

Telle sera donc la prerogative du Prince, que quoy qu'il face, il n'est permis au suiet de mettre la main sur luy, ny se reuolter contre luy, puis qu'il ne releue que de Dieu en tout droit de iustice & de sief: parole dure, loy dure, ce semble, mais c'est vne loy non d'un legistateur de petite estoffe, mais de deux de ces grands iuges qui en la conformation du monde doiuent iuger les douze tributs d'Israël, ausquels ceux qui ne croiront plustost qu'à Mariana, Boucher & autres brutes, esprouueront sans doute les malheurs que les Iuifs ressentirent pour auoir adiousté plus de foy aux faux Prophetes preschant la desobeyssance & la reuolte contre l'infidelle & tyran Nabuchodonosor, qu'à Ieremie qui preschoit au contraire,

In manu
dei pote-
tas terræ
& vilem
rectorem
suscitabit
in tempu
super illan
Ecclesiasti
ci. cap. 10

Ieremie
cap. 28.

Des remedes Chrestiens contre les Princes tyrans : le premier la priere , le second , les remonstrances, & comment elles doiuent estre faictes.

CHAPITRE XXIII.

MA I S ny aura-il point de remede contre la tyrannie? Ouy, l'on en peut faire la pratique de trois: mais de dauantage, ie n'en sçache point, qui ne soient perilleux au corps del'estat & de la conscience. De sorte que comme-on dit des malades, quand la guerison ne leur vient par les remedes propres, il les faut remettre à la bonté de Dieu: autant en faut-il dire de la Republique, indisposée en son chef, dont les mauuaises humeurs apportent des douleurs à ses membres.

1 Le premier de supplier la diuine bonté, à ce qu'il luy plaise rendre le Prince meilleur, comme l'on dit que par les prieres de S. Amad nostre Dagobert I. deuint vn Trajā, de mauuais qu'il estoit.

2 Le second, de tascher à le reduire aux bonnes mœurs par des sages remonstrances. C'est enquoy vn homme sage & d'autorité, se doit efforcer de profiter à son pays, & s'il a de la charité, ne craindre non plus à hazarder sa vie en vn si bel œuure, que Phocion à reprendre les Atheniens, & dire resolument comme Themistocles, frappez pour uenir que vous escoutiez. Ainsi les Prophetes de Dieu, se sont armez contre les Rois d'Israel: ainsi l'auant-coureur de Iesus Christ, reprenoit Herodes, non publiquement, non en ses predications, pour esmouuoir le peuple à reuolte, ce qu'il pouoit facilement faire, au moyen de la grande créa-

ce & amour que la saincteté luy auoit acquise, mais d'homme à homme, parlant à luy-mesme. Ainsi la ieunesse insolente & vitieuse du mesme Dagobert I. deuint vn miroir de vertu, par le doux langage de ce S. Euesque : Ainsi les Papes Platine en leurs vies. Agapet I. & Iean VI. ramenerent l'vn l'Empereur Iustinian, l'autre Gisulphe Duc de Beneuent à leur deuoir. Et ainsi le grand S. Chrysostome combattoit les mauuaises mœurs des princes de son temps, quoy que d'vne langue trop vehemente, & aspre. Car les oreilles des Roys sont à Hist. trip. lib. 10. cap. 15. la verité delicates: & comme il y a des corps auxquels pour leur delicatelle il faut beaucoup moins de rhubarbe qu'à ceux qui sont forts & robustes: Aussi faut-il qu'en la remonstrance qui se fait aux Princes y ait beaucoup moins d'aigreur qu'en celle qui se feroit à d'autres: car leur condition est differente & le respect qui leur est deu requiert vne moderation & attrempance de langage, autrement ce ne seroit (comme disoient les Pythagoriciens) qu'attiser le feu avec l'espee. Il est raisonnable de parler à eux avec humilité, choisir le temps & l'occasion, & ne crier contre eux lors que moins ils sont capables de remonstrances: n'imiter pas Clitus qui reprenât de brauade le grand Alexandre, lors que desia le vin luy auoit assez eschauffé la teste, ne fit qu'auancer sa mort, & ne rendit pas le Roy meilleur: ny vn Claudius qui ne faisoit par l'aspreté de ses paroles qu'effaroucher le peuple de Rome: ains vn Publicola, vn Menenius Agrippa qui par douces raisons le rendoient plus docile: vn Ge- Ieā Herbut de Fulain deō Euesque de Cracouie, & le Prophete Natan

n l'histoi-
e de Polo-
gne, du Roi
Mecislaus.

qui par vne verité couuërtë de gentille alegorie conduisoient leurs Roys à se condamner eux-mêmes. Bref il sera bon que la remonstrance faite aux Princes soit comme le thyrsë des anciennes Bacchantes, vn petit aiguillon couuert de belles fleurs : vne drogue medecinale accompagnée de douce odeur pour se faire prendre plus facilement, afin que prise elle purge, & que comme l'on donne les medecines plustost le matin que les esprits sont plus reposez : ainsi faut il traiter les Princes & prendre à propos l'heure qu'ils sembleront moins agitez de la passion que l'on veut corriger en eux.

Le troisieme remede qui est la fuite.

CHAPITRE XXV.



Si les remonstrances ne peuuent rien sur le Prince endurcy de cœur, & abandonné de Dieu: si sa tyrannie violente nostre patience, il ne reste que le troisieme remede lequel pour der-

Cum perse-
quatur vos
in ciuitate
ista, fugite
in aliam.

Matthæi
cap. 10.
cod. cap. 10.

nier & souuerain nostre Seigneur a donné à ses Apostres & disciples. Quand, il leur dit-il, vous serez persecutez, fuyez de lieu en autre. Il leur a bien commandé d'aller par les nations, prescher sa parole, consequemment reprendre les vices, persuader l'amandement de vie, & faire tout ce qu'ils pourront pour attirer les pecheurs à conuersion.

Mais si mutins & opiniastres au lieu d'en fai-

re leur profit, ils exercent la persecution contre eux, il ne les incite pas a se deffendre avec asseurance qu'il sera leur protecteur au combat, mais pour tout remede fuyez la persecution de lieu en autre? Remede si diuin que comme la volonte de Dieu, auant mesme qu'elle fust publiee, estoit certaine & cognue aux saincts personnages, ils en ont tousiours vsé. Ainsi Iacob fuyoit la persecution de son frere, ainsi Dauid celle de Saul, ainsi Helie la persecution de Iezabel, & ainsi les cent Prophetes cachez par Abdias grand intendant de la maison d'Achab contre la fureur de ce tyran.

Quoy? d'un tel nombre reduit a ceste misere ne viuant que de pain & d'eau, ne s'est il peu trouuer quelque masse courage qui aimast mieux entreprendre de tuer Achab ou mourir vne fois en la peine, que languir si miserablement? Et pourquoy sont-ils Prophetes de Dieu? pourquoy Abdias si zelé à son seruice, homme de credit & de facile entree vers ce Prince, s'ils n'osent attaquer son ennemy? zelez veritablement sont ils & courageux au possible, non a faire vn seul coup de leur main (car pouuans plus ils pouuoient aussi le moins: mais amis de Dieu ils scauoient que sa volonte n'estoit telle,) ains a supporter toutes les austeritez & rigueurs de la vie, & ne se rendre aucunement. Enquoy sans doute il faut vne merueilleuse generosite. Nostre Sauueur mesme n'a-il pas fui la persecution d'Herodes des sa naissance, & apres la mort de S. Iean Baptiste? Ainsi les Apostres a son exemple, & par son commandement. Bref tous les hommes crai-

Regum 5.
cap. 18.

gnans Dieu ont prattiqué ce conseil, non celuy de Mariana, pour nous instruire tous si nous ne pouuons supporter la tyrannie de nostre Prince, non de nous armer contre luy, mais de chercher autre retraicte en la terre qui est ouuerte à chacun pour s'y promener à son aise, comme disoit Appollonius au Satrape d'Egypte.

Si la fuite nous est empeschée, Iesus Christ a il pas esté obeyssant iusques à la mort, & la mort de la croix: & à son imitation tous ses bien-aymez aussi? Et puis qu'il n'ont point enseigné ny par leurs exemples, ni par leurs escrits autres preceptes, serons nous receuables à en rechercher & pratiquer d'autres?

Aduertissement aux Princes qu'encore qu'ils soient inuolables, ils ne doiuent pourtant estre tyrans: mais craindre la iustice de Dieu, & auoir compassion de leurs peuples.

CHAP. XXVI.



R encore que telle soit la prerogative du Prince: il ne doit pourtant croire que sa puissance soit auctorisée à vser impunement comme il voudra des biens de l'honneur & de la vie de ses subiets: Ains que comme il est iuge & maistre des hommes Dieu l'est pareillement de luy: Faiçtes ô maistres, ce dit l'Apostre saint Paul, & rendez à vos seruiteurs ce qui est iuste & equitable: sçachans que vous auez aussi vn

maistre & Seigneur au Ciel. Ce qui doit faire penser au Prince que de mesme qui vangeroit avec rigueur ses Lieutenans & Magistrats, qui abusans de l'autorité laquelle ils tiendroyent de luy, auroyent commis des concussions, des meurtres, & autres iniquitez sur son peuple : Aussi Dieu qui n'est aucunement iniuste, sçaura bien le punir de ses tyrannies, voyre d'un bras d'autant plus violent, qu'il tombera sur vne teste plus releuee. Car il est escrit qu'il punira les puissans puissamment : C'est pourquoy le pauvre Empereur Maurice aima mieux tomber entre les mains des hommes que celles de Dieu.

Ad Coloss.
cap. 4.

Sap. cap. 6.

Donc la raison est notablement rendue par nostre Philippes de Commines, que la puissance de Dieu se monstre plus grande contre les Princes & les grands, que contre les petits, d'autant que les petits & les pauvres trouuent assez qui les punissent, & encores sont assez souuent punis sans auoir rien fait : mais des Princes qui s'informeront de leur vice ? l'information faite, qui l'a portera au Iuge ? qui sera le Iuge qui en prendra la cognoissance, & qui en fera la punition ? Puis en vn autre endroit : l'information, dit-il, sera la plainte, & les clameurs du peuple foulé & oppressé : le vray Iuge sera nostre Seigneur, qui parauanture ne voudra attendre à les punir en l'autre monde, mais les punira en cestuy-cy. Telles sont les parolles de ce sage Hystorien, comme voulant dire que la punition en sera plus horrible, pource qu'un Iuge si puissant aura esté forcé d'y mettre la main. Aussi en raconte-il aux chapitres suivans des exemples merueilleux. C'estoit

Philippe de
Commines
chap. 3.

Anastafius
Episcopus
Nicens.q.
17. q. in
Scripturam.

donc à bonne cause, que le pauvre Empereur Maurice, apprehendant la pesanteur de ceste main, ayma mieux tomber entre celle du cruel Phocas.

1. Paralip.
cap. 11.

Ad Ephes.
cap. 5.

Partant si le Prince est bien conseillé, il ne donnera suiet à son peuple d'enuoyer par deuant ce Iuge Souuerain, dont n'y a point d'appel, des pleurs & des larmes pour tesmoings de ses rigueurs & oppressions, ains croyra que son peuple est l'os de ses os, & la chair de sa chair, que partant il en doit auoir pitié, comme de sa propre chair, laquelle, ce dit l'Apostre, personne ne hayt: qu'il est vn Pasteur pour tondre ses ouailles non les escorcher: qu'il est Roy non seulement pour estre traicté en Roy, comme l'Indien Porus disoit à Alexandre, mais encores pour traicter royellement ses subiets, qui sont tous petits Roys de l'Vniuers: Qu'il n'y a point d'autre difference entre luy & son vassal, que celle que Dieu y a voulu mettre.

Car en apparence il est homme ainsi que luy, paisible, mortel, & subiet à toutes les infirmités qui peuuent arriuer au plus infirme du peuple: de sorte que quand il marche par ses villes, & void tant de pauvres calamiteux & necessiteux, il doit rentrer en luy-mesme & considerer qu'il auoit esté en Dieu de le rendre tel, que ne l'ayant fait il est infiniment son obligé: Et que comme s'il estoit reduit en pareil estat, il desire-roit que l'on eust compassion de luy: aussi faut-il qu'il en ayt de son peuple, & vse enuers luy de douceur, suivant le dire Chrestien, vsurpé si souuent par Alexandre Seueré, quoy que Payen,

qu'il ne faut faire à autrui ce que l'on ne voudroit estre fait à soy-mesme : que le moindre homme est aussi bien l'image & la semblance de Dieu que luy, de sorte que l'outrageant il outrage Dieu.

Bref comme on dit en commun proverbe, que le bon mary fait la bonne femme, qu'aussi le bon Prince, le bon peuple : tellement qu'il ne se trouuera, si ce n'est fort peu, que les peuples se soyent comporteés seditieusement enuers les bons Princes, qui ayant vescu en l'amour & en la grace de tous leurs subiets, meurent glorieusement, avec les pleurs & regrets d'un chacun, leur memoire est adoree & reuee de la posterité, & proposee pour exemple à tous les Roys de la terre.

Or puis qu'il n'y a rien dont l'ame de l'homme ne soit plus affamee, que de l'honneur & de la gloire, & dont elle s'irrite plus que du blasme & vitupere, que plus l'ame est bien apprise, plus elle desire la vraye gloire qui procedant de la sincerité des actions vertueuses, ne meurt iamais, le Monarque se doit rendre digne de celle-cy, & fuir tout ce qui peut rendre son nom odieux, & iniurié des siecles à venir.

*Les moyens par lesquels vn Prince se peut rendre
bon & vertueux, & de la misere
des Tyrans.*

CHAP. XXVII.

OVR à quoy paruenir encor qu'il soit au dessus des loix, si faut-il que la loy qui est comme dit Pindare, la Royne de tous mortels & immortels soit maistresse de luy: non pas vne loy escrite, mais la raison tousiours empreinte en son cœur, qui luy dise non seulement tous les matins ce que le Chambellan du Roy de Perse disoit à son Maistre, qu'il se leuast afin de pouruoir aux affaires, auxquelles le grand Dieu l'auoit appelé, mais d'auantage à toute heure du iour, qu'il doit craindre Dieu pour auoir la sagesse de bien gouverner son Royaume: & comme à Pericles qu'il est gouverneur des Atheniens, c'est à dire des hommes, non des bestes. Où d'autant que la viue voix point & penetre d'auantage, il priera comme le sage Vespasian: donne ô bon Dieu, que ie sois l'Empereur des Sages, & que les Sages ayent commandement & autorité dessus moy: qu'il desire avec lui que non seulement son palais, mais son cœur soit ouuert aux sages. Et avec le debonnaire Titus, les delices du genre humain, d'estre non pas suivi d'un chien, comme Telemachus en Homere, mais d'un Philosophe Cynique, c'est à dire d'un veritable censeur & correcteur des mœurs qui le reprenne à bon escient, & sans flatterie, autant de fois qu'il commettra quelque acte deshonneste.

Mais qu'il escoute non seulement les bons aduertissemens qui luy seront baillez, ains prenne

Initium
sap. timor
Domini.

Philostr. in
vita Appol-
lonii lib. 5.
cap. 10. 11.

Idem. Ibid.
lib. 6. cap.
14.

peine à les executer : car comme dit le Sauueur, ceux là sont les amis de Dieu qui entendent & accomplissent sa parole, que finalement il se souuienne de maintenir son Royanme par iustice & pieté: vertus desquelles ceux qui ont esté plainement assistez, ne furent iamais mal-heureux, ainsi que disoit à Solyman Prince des Turcs, Ariaden Barberousse, en paroles non d'un Pirate, mais d'un tres-homme de bien: & chasse de sa compagnie & d'autour de luy tous les méchans, & ceux qui commenceront si peu que ce soit à luy tenir propos de quelque chose des-honneste, comme les plus grands ennemis qu'il puisse auoir, les plus traistres, & les plus propres à luy faire perdre l'honneur, la couronne & la vie : ayant à ceste fin un sage & vaillant Hercules, qui relegue bien loing de sa table ces puantes harpies.

Paul Ioue.
lib. 33.

Qu'il prenne la peine de lire ou se faire lire les hystoires des bons Roys & des mauuais aussi, afin que par comparaison des vns & des autres, il conforme ses mœurs à ce qu'il verra suiui de louanges, & d'une fin heureuse. Mais sur tout que les saints Liures luy soyent plus familiers, sans comparaison que l'Homere à Alexandre: imitant en cela nos bons Roys, Charles le Grand, Louys le Saint, & Charles le Sage, lequel ayma tant la sainte Bible, qu'il l'a fit traduire en François, afin que chacun y peust apprendre en langage commun à bien viure & bien mourir.

Bref comme l'admoneste Philippes de Commines, il ayt ferme foy des peines d'Enfer, lesquelles quiconque apprehendera, ne raura iamais l'autrui, ne fera tort à personne & n'offen-

sera Dieu : car si le Roy Iean (c'est la comparaison de cet Auteur) n'a point douté de bailler trois millions de francs, & toute l'Aquitaine, voyre vne tierce partie du Royaume, seulement pour deliurer sa personne des prisons d'Angleterre (car quand il n'eust rien baillé, on ne l'eust pas fait mourir,) que ne doit faire, que ne doit rendre & restituer vn Prince, pour se racheter des peines d'Enfer, dont la plus petite & moindre est plus grande, que la millesime de celles qu'il peut souffrir au monde?

Le Prince viuant en ceste sorte, deuiendra & sera vrayement la belle Image de la diuinité, & s'esloignant du naturel des Tyrans, d'un espace plus grand que du profond des abysses au ciel, Dieu luy ostant la couronne mortelle, enuironnera sa teste du diademe d'immortalité, l'appellant en sa gloire où il continuera, mais avec pleine asseurance, le repos de conscience, & la tranquillité d'esprit qui l'assistoit viuant en homme de bien au monde: & encore que sur la terre, luy faisoit desia goustier les delices du ciel. Car il est certain que le Paradis de l'ame respirant en ce val de misere est l'integrité de la conscience, qui ne se trouuant en celle des Tyrans, il seroit impossible de croyre combien de gehennes, combien de roües, combien de tourmens ils y endurent, & combien d'Aigles leur rongent le cœur, mangré le pourpre, & mangré les gardes qui les veillent. C'est pourquoy le cruel Tybere r'escriuant au Senat, vne lettre qui tesmoigne le trouble de son ame, & les supplices interieurs qui le bourreloyent, confesse que tous les iours il peris-

soit. Tellement qu'il n'est point necessaire de conspirer contre-eux, parce qu'ils ont vn ennemy secret qui leur fait plus de mal que tous les hommes ne scauroyent faire ensemble.

Et certainement il faut croire que comme le peché est soy-mesme sa peine, aussi Dieu voulant punir rigoureusement les Tyrans, les laisse bien souuent trainer sur la terre vne longue vie, afin d'estre plus long temps bourrelez & agitez : & que cependant ils soyent le crible, & le fleau des hommes, comme vn Attila, pour separer la paille d'avec le froment: si bien que les mal-aduisez qui d'une main temeraire auancent leurs iours, contreuiennent sans y penser à la volonté de Dieu, qui se reserue la disposition de telles gens, combien plus quand le Prince est tel que l'on a peu ou point d'occasion de se plaindre de luy.

*Refutation des propositions de
Mariana.*

CHAPITRE XXVIII.

US QV ES icy, quoy que ie ne sois homme de guerre, i'ay toutesfois imité les Capitaines, qui desirans assieger & prendre vne ville, preparent auant que faire leurs approches, les munitions & les Soldats qui leur sont necessaires, puis il viennent asseurement recognoistre la place, battent & abattent ses deffences pour la destruire plus facilement.

Soustenant la Maïesté des Princes contre les rebelles, mon chef & mon capitaine a esté le Sauueur : les Lieutenans & maîtres de champ, les Apostres : les valeureux champions & gens-d'armes, les Disciples, les Martyrs, les saints Peres & tous les gens de bien : les munitions & pieces de batterie, la loy, les responses des sages, & les canons des Conciles & de l'Eglise. Il ne reste donc plus que de voir Mariana comme vne place, renuerfer ses defences, & le rendre nu & ridicule à tout le monde. De verité la foiblesse de ses defences, ne meritoit que l'on mit tant de gens, & tant de preparatifs en campagne : mais mon seul dessein n'a pas esté de m'amuser à ceste bicoque, ains comme les sages Roys ont accoustumé de bastir quelque forte place pour retenir les mutins en leur deuoir, ainsi contre ces brutes furieuses, qui ne se peuuent gouverner ny au mors, ny à la bride, ny au caueillon de la raison, i'ay voulu faire vn fort, pour la conseruation de la Maïesté des Roys, en quoy ie ne pense point auoir mal trauaillé.

La place sera la resolution qu'il est permis de tuer le Tyran : Les defences lesquelles il faut, conuient renuerfer, peuuent estre reduites au nombre de sept.

La premiere, que la Republique n'a point tant donné d'autorité au Prince, qu'elle ne s'en soit reseruee d'auantage, pour le despouiller de sa grandeur s'il en abuse.

Au contraire il a esté monstré que ce n'est point la Republique qui donne au Prince l'autorité, ains Dieu seul, & qu'encore qu'elle apporte quel-
que

que ministere de volonté & consentement au decret tacite de Dieu qui choisit les Princes quelquefois par les suffrages du peuple, neantmoins depuis qu'une fois l'eslection en est faicte, & la foy iuree, ils ne peuvent plus s'attribuer le pouuoir de deposer les Princes, ains qu'il appartient entierement à Dieu: Combien d'avantage aux Royaumes successifs qui ne dependent aucunement du peuple ny en assemblée d'estats, ny en la disposition & direction des affaires, ains de Dieu seul qui s'attribue la translation des Royaumes? Ne sçauons nous pas encores la genereuse response de l'Empereur Valentinian qui arresta tout court l'impetuosité des soldats? il estoit voirement en vous, leur dit-il, de me bail-
 ler ou non l'administration de l'Empire, mais pus que ie l'ay receue, c'est à moy, non pas à vous de gouverner les affaires communes. Les soldats plus sages que Mariana le creurent ainsi.

Ecclesiast.
cap. 10.

Et pour monstrier combien il importe que le Prince soit libre au gouvernement & ne depende du peuple, ie ne veux que l'histoire qu'il en rapporte. Alphonse, dit-il, Roy de Castille, assiegeoit vne forte place des Maures, l'argent luy manquant, il en desiroit leuer sur ses subiects, ausquels il remonstroit qu'il ne failloit abandonner la grande esperance qui se presentoit, d'exterminer entierement ceste race infidelle: Vn Comte mutin assemblant quelques factieux, s'y opposa & l'empescha.

Ie vous prie qu'elle impudence à Mariana, de louer ceste reuolte directement opposée à la

Majesté du Prince, mais bien plus à la propagation de la foy ? si le Roy eust usé de sa plaine autorité, cet inconuenient fut-il arriué ?

La seconde est des exemples & histoires des meurtriers, des tyrans, auxquelles a esté satisfait. Les exemples ne doiuent valoir contre l'autorité de la loy. Les parricides des Rois tyrans, ne sont louez par les gens de bien, puis que les Apostres l'ont defendu: que si l'acte eust esté beau, ils n'eussent oublié de canoniser par maniere de dire celuy que quelques vns ont dit auoir tué Iulian l'Apostat: mais au contraire croyans qu'il n'estoit licite, ils ne l'ont attribué à aucun Chretien viuant sur la terre, ains à Dieu seul auquel il appartient de punir les tyrans: en foy dequoy ils ont tant remarqué les dernieres paroles de celuy-cy iettant son sang deuers le Ciel: tu as vaincu ô Galilean, tu as vaincu, pource qu'il auoit esté blessé d'une lance venant du ciel.

Le troisieme, que le tyran est vne beste farouche, & que ce seroit impieté de laisser à sa fureur son pere & sa mere sans les defendre de sa cruauté.

Donc impies les Apostres, les martyrs, les saincts peres qui ont souffert deuant leurs yeux les afflictions que les Princes Payens & Ariens ont donnees à leur mere l'Eglise? Quel auuglement de Mariana? Qu'il ne faille auoir compassion de ses parens & encore plus de son pays, personne s'il n'est plus tygie & brutal que Mariana ne le nie. Mais que pourtant il faille enuahir le Roy tyran qui les tourmente iniquement, la loy, ny les responses, ny les exemples des sa-

ges ne le disent aucunement. Origene a veu prendre son pere & le conduire au martyre, a il pris l'espee pour le defendre & occir le tyran? combien d'enfans ont veu le semblable, combien de peres & de meres auxquels la naturelle affection est encore plus vehemente? Que s'ils ne l'ont fait, ce seroit pecher grandement contre l'honneur qui leur est deu de l'imputer à couardise & crainte de la mort, veu que nous auons tant de tesmoignages de leur generosité, & du grand desir qu'ils ont eu de mourir pour iouyr de la gloire de Dieu: ie desire disoit S. Paul, estre delié de ce corps & me voir avec vous ô mō Dieu: & apres luy tous les gens de bien, ont brulé du mesme desir. Mais pourquoy me seroit l'autorité de Mariana plus forte que celle du .S. Moyne Aphrates, assistee de tant d'autres, & de la loy?

Niceph. l. b
11. cap. 25.

Où allez vous, luy demandoit l'Empereur. Valens persecuteur de l'Eglise Catholique? ie m'en vais respondit il prier pour vostre Empire. Mais, repliqua l'Empereur, ne pourriez vous pas aussi prier dans vostre Monastere? Le saint homme fit vne repartie presque semblable à la troisieme raison de Mariana, mais non pour en tirer vne semblable conclusion que luy. Car il estoit sage, & craignant Dieu.

Ie suis, disoit-il, obligé de quitter ma cellule pour veiller au troupeau de Iesus-Christ que ie vois dechiré par des bestes tress-cruelles, (il entendoit parler des Arriens qui suscitoient l'Empereur à la persecution) car dites moy, Sire, posé que ie fusse vne chaste pucelle que la recommandation de ma chasteté fit demeurer en la

chambre, si la maison de mon pere estoit embrasée, trouueriez-vous mauuais que ie sortille pour y porter de l'eau, ie crois que non : Aussi mes freres & moy, voyans que comme vn foudre, vous desirez consommer la vraye pieré, nous courons de toutes parts pour esteindre la flamme. Telles sont les paroles d'Aphrates. Mariana s'il n'est du tout charnel, les peut-il prendre en autre sens? sinon qu'il auoit quitté son Monastere, pour deffendre par sages saintes & vives exhortations, la verité de la foy, & donner courage à ceux que la crainte des persecutions pouuoit faire varier d'y demeurer fermes & plustost mourir. Quant à l'attentat, quant à la sedition, ny

Profecto
stabimus,
atque pug-
nabimus
vsque ad
mortem si
ita oportu-
erit pro
matre no-
stra: armis
quibus li-
cet, non
scutis & gla-
diis, sed pre-
cibus fletibus-
que ad
Deum. Ep.
221. ad Lu-
dovicu re-
gem Fran-
corum.

Agat itaq.
gloriosus
rex vt liber-
contranos,
quia nos
pro illo e-
iusque exer-
citu Deum

voix, ny parole, ny acte qui en approche si peu que soit : au contraire il va prier pour l'Empereur. Le deuot saint Bernard se plaignant de nostre Louys le gros (dont la vieillesse deuint fort mauuaise) Nous combattons, disoit-il, iusqu'à la mort pour nostre mere, des armes qui nous sont permises, non de boucliers & de glaiues, mais de prieres & de larmes. Puis il proteste auoir iournellement prié pour luy. Le Pape Nicolas II du nom, se plaignant à l'Archeuesque de Reims, en vne Epistre qu'il luy escrit, du Roy de France, dit qu'il ne lailra de prier Dieu pour luy. C'est ainsi que les Apostres & tous leurs disciples, se sont armez de temps en temps, parce que les armes materielles leur estoient deffendues, comme il a esté dit. Mais ie vous prie de quel pere deuoit estre plus chere la vie & la conseruation que du Sauueur, aux Apostres : Quand le Sauueur leur disoit qu'ils vendissent leur

tunique pour achepter vn glaue, auoient-ils pas subiect de croire que c'estoit pour la deffense d'un pere si excellent, veu qu'il leur auoit desja discouru de la passion? Neantmoins saint Pierre l'ayant ainsi creu & les Disciples, ayans à ceste fin apporté deux espées, il est commandé à l'un de n'en vser: & aux autres il est dict, que c'estoit assez: Et toutesfois s'il vouloit qu'ils vsassent du secours humain, ce n'estoit pas assez: car mesme cent espées n'auroient suffi. Que s'il ne le vouloit encore, ces deux estoient pour neant, il n'a pourtant descouvert cet enigme: suiuant ce que nous voyons qu'il auoit accoustumé de faire lors que ses Apostres & Disciples n'entendans ce qu'il auoit dit, il passoit par dessus, remettant à l'euuenement de ce qui deuoit estre fait & practiqué, de leur en donner l'intelligence & interpretation.

Telles sont les paroles de deux Euesques, qui confirment d'auantage l'interpretation de saint Ambroise, qui a esté cy-dessus remarquée, & montre que le Sauueur a voulu armer ses Disciples & Apostres, en toutes occurrences qui se presenteroient, (car il ne deuoit pas estre seulement persecuté par les Iuifs iusqu'à l'arbre de la Croix, mais depuis en la personne de son Eglise & de ses saints, par les Princes tyrans, les heretiques & meschans) non du glaue actif pour offenser, mais du glaue passif, c'est à dire de celuy par lequel il falloit mourir pour le nom de Dieu, en preschant avec modestie la verité, & reprenant les vices: Ils s'en sont aussi armez pour deffendre leur mere l'Eglise & les iniures qui ont

semper per
caturi su-
mus.

Ep. 2.

En vn re-
cueil d'epi-
tres qui se
trouue des
Papes E-
tienne, Ni-
colas, & A-
lexandre.

Iudæorum
in ipsum in-
uasionem
volens Do-
minus ligari
ficare Apo-
stolis, eam
ostēdit per
ænigma gla-
dij. Cum au-
tem dixis-
sent Disci-
puli, Domi-
ne ecce duo
gladij & nō

intellige-
rent quod
dictum for-
rat, ipse di-
cit, sufficit.

Atqui non
sufficiebat:

nam si eos

vti volebat

humano au-
xilio, ne si

centum qui-
dem finis-
sent gladij

suffecissent
sin minus

duo quoq.

erāt super-
flui: sed te-
men non a-

peruit ænig-
ma. scy e-
nim cerni-

cere, vt
cum non in
tellexerint
quod di-
ctum fuerat
hoc præter
currat & di-
mittat: e-
uentui re-
rum quæ
postea sunt
permittens
intelligen-
tiam eorum
quæ dicta
sunt vt
quandodi-
xit, solu-
te

templum hoc. Anastasius Episc. Nic. Quæst. in script. q. 71. Titus Bostrorum
Episc. ad cap. 22. D. Lucæ, reperiuntur tomo 1. Biblioth. patrum. Lucæ 9.
Matthæi 10. c. Marci 6.
Certè ver-
ba huiusmo-
di quiddam
insinuant:
habent e-
nim nisi vir-
gam tan-
tum quasi
Dominus
dicat: Nihil
omnino vo-
lo vos in
via deferre
nisi forsan
virgam qua
nitamini.
Quare quod
apud Mar-
cum de vir-
ga scribitur
inter per-
missiones
habeatur.
In summa,
discrepan-
tia, quæ hic
se offert, si
aliqua om-
nino est,

esté faites de temps en temps à leur pere celeste
& le nostre : se ressouuenans encore de ce qui
leur auoit esté dit, que quiconque voudroit sau-
uer son ame l'a perdrait. Or n'est-ce pas la vou-
loir sauuer que prendre les armes de resistance?
& qu'il leur estoit deffendu de porter ny verge
ny baston. Ce qui s'entendoit pour resister. Car
autrement il leur est ailleurs permis d'en porter
pour s'appuyer & soulager par les chemins, non
pour faire la guerre & offencer.

De sorte que pour accorder la contrarieté il
faut resoudre qu'en saint Matthieu la verge est
remplum hoc. Anastasius Episc. Nic. Quæst. in script. q. 71. Titus Bostrorum
Episc. ad cap. 22. D. Lucæ, reperiuntur tomo 1. Biblioth. patrum. Lucæ 9.
Matthæi 10. c. Marci 6.
deffendu pour la voye de fait, & permise en saint
Marc pour le soulagement du voyage. Donc
puisque le glaue & la verge mesme sont absolu-
ment interdits aux disciples de Iesus Christ, si
Mariana desire en estre, que la pieté mal conside-
ree ne luy face mespriser la deffence du maistre
& du Prince, qui dit que celuy qui ayme plus
son pere & sa mere que luy, n'est pas digne de
luy. Ne seroit-ce pas aymer d'auantage son pe-
re que le Sauueur, si contre sa volonté l'on pre-
noit l'espee pour attenter aux Princes & puis-
sances, veu qu'il a tant de fois repeté, que les a-
mis accomplissent sa volonté? Mais s'il veut ob-
seruer de point en point la doctrine du maistre
comme il doit, & s'il a du courage : Quand vn
Roy Tyran renuertera les loix de l'honneur, de
la vertu & de la religion, qu'il sorte dehors,
monte en chaire, represente viuement la beauté
des vertus & persuade si bien qu'il resoluë les a-

mes à ne s'en departir iamais, quoy qu'elles soyent hayes de leur Prince: mais de leur conseiller de prendre les armes, faire les seditieux & violenter sa vie, qu'il s'en garde bien puisqu'il voit que nostre Sauueur, les Apostres & saincts Peres ont presché, fait & tenu tout le contraire.

tantum secundum eternam litteram superficiem est. Victor Antiochenus ad cap. 6.

La quatriesme, que tous les Philosophes & Theologiens sont d'accord qu'il est loisible de tuer vn Prince qui par force & par armes occupe la republique: ou vn Roy legitime s'il viole les loix publiques & la religion: met sa vertu en l'orgueil & au vice: & raut les biens des particuliers.

Marci. Eeo. tomo. 1. Bibliotheca patrum.

Mais qui sont ces philosophes, ces Theologiens? Leur opinion sera-elle plus forte que celle du Sauueur, des Apostres & de tous les Saints peres: que celle encore des peres assemblez aux Conciles de Toledé & de Constance: que celle des Docteurs de la Sorbonne les plus sçauans Theologiens de l'Europe: Bref que celle des plus sages & doctes de la compagnie de Mariana.

Le cinquiesme, qu'il le faut admonester & s'il ne se corrige, se reuolter contre luy, preparer à ceste fin les armes & toutes choses necessaires, puis le declarer ennemy, & qu'alors il soit permis de le tuer.

Le premier point pour l'admonition est bon & Chrestien, moyennant qu'elle soit faicte ainsi que nous auons dit: mais les autres, qui t'a conseillé ô meschant homme vne doctrine si detestable! Or nous auons monsté cy dessus que le peuple ne se peut assébler sans le vouloir du Prince. Mais qui sera le chef de ceste mutine assemblee:

chacun le voudra estre comme en la mutinerie & rebellion des Iuifs, contre les Romains : puis le frere contre le frere, le voylin contre le voylin, espée contre espée, finalement vn estat diuisé qui court à sa desolation. Que s'il se trouue vn seul chef, sera-t'on asseuré de l auoir meilleur que celuy qu'il faut challer : Les histoires Romaines, de Sicile & autres nous ontourny d'exemples, pour iustifier plustost la negative que l'affirmatiue. De sorte que l'on a veu maintes fois, & peut-on voir, ce qui fut dit par Ioathan, aux habitans de Sychem (qui auoient conspiré avec Abimelech, & permis qu'il tuaist septante des enfans de leur deffunct Capitaine Gedeon, pour transferer le gouuernement en sa personne.) Que au lieu de la vigne & de l'oliue, le buysson espineux, regne duquel sort vn feu deuorant, si bien quand nous n'aurions point la deffence de la loy, si est-ce que l'incertitude nous doit resoudre à supporter l'estat present en attendât qu'il plaise à Dieu y remedier : & sur tout craindre d'armer le peuple sous pretexte de resister au tyran. Les sages ont tousiours bien dit que celuy qui met les armes entre les mains d'une folle populace, ne les retire pas quand il veut.

Plus que Sylla c'est ignorer les lettres

D'auoir induit le peuples à s'armer :

On trouuera les voulant desarmer

Que de subiects ils sont deuenus maistres.

Et maistres tres.cruels, tellement que ceux qui baillent de tels conseils que Mariana sont bien malicieux & ignorans les exemples des cruantez horribles commises par les peuples, dont la souuenance doit faire herisser les che-

veux en la teste.

La sixiesme, que si le Tyran a preueni la force, & empesche que la Republique ne se puisse assembler, le particulier qui le tuera, fera bien.

Nous auons monstré cy dessus, qu'il n'est permis, ny d'autorité publique, ny d'autorité priuee tuer le Tyran. Que ceste opinion est heretique & pernicieuse: seulement le Lecteur remarquera la contrarieté des discours de cest homme qui a premierement soustenu qu'il n'est permis à vn particulier de tuer le Tyran : puis il luy permet. Ainsi la doctrine mensongere & diabolique se destruit elle mesme.

La septiesme, qu'il est bon de tenir ceste resolution, afin que le Prince la sçachant, soit plus retenu d'exercer tyrannie.

Mais ie vous prie, quelle ineptie de penser que la publication de sa doctrine tienne les Princes en leur deuoir par la crainte & apprehension d'un assassinat? Mariana donc sera plus eloquent, aura plus de force que Dieu, qui par tant de menasses, de tourmens si espouventables, & par tant d'effets de sa iustice ne retient (parce qu'il veut que les hommes operent librement, les ayant à ceste fin pourueuz de raison) non seulement les meschans Princes, mais la plus part des inferieurs qui courent au vice? Que peut-il donc arriuer de ceste proposition? que le Tyran qui ià de soy-mesme est assez effarouché, sçachant qu'il est loisible de le tuer, se gardera d'autant plus, environnera son corps de cruels satelites, ausquels pour se les concilier d'auantage, il donnera toute permission de mal-faire : De sorte qu'au lieu d'un

Tyrans, y en aura plusieurs qui combattront à l'enuy de faire pis : & puis voyla-il pas l'erreur dernier plus grand que le premier ?

La huitiesme & derniere, que le Prince est subiet aux Loix, principalement celles qui sont establies par la Republique, laquelle, ce dit-il, a plus grand pouuoir de commander & deffendre que le Prince, si ce que nous auons desia dit est vray.

Mariana a fort bien fait d'adiouster ceste particule, si, mais il eust mieux fait de recognoistre que ce qu'il a dit n'est pas vray. Nous auons monsté que la Republique est en tout & par tout inferieure au Prince. Et quand à la Loy, il est absurde de vouloir dire generalement que le Prince y soit subiet : d'autant qu'il y a des loix Politiques, desquelles il ne dépend, & desquelles il se peut dispenser. Par exemple, Moysé a-il pas contre la loy des Iuifs, pris vne femme estrangere ? toutesfois Marie & Aaron son frere s'en estans formalisez, Dieu leur monstra qu'ils auoyent tort, iusqu'à frapper Marie de lepre. Il estoit defendu au Roy d'auoir plusieurs femmes : David neantmoins & Salomon en ont eu beaucoup, sans que Dieu les ayt punis pour cela. Sçait-on pas que les enfans des Roys de Lacedemone estoient priuilegiez & exempts de l'austere nourriture & discipline, à laquelle tous les autres estoient suiets par la loy ? mais n'auons nous pas remarqué cy dessus, que le souuerain Magistrat à Rome, qui estoit le Dictateur, estoit par dessus la loy. Pericles fit-il pas reuoquer en sa faueur, la loy qu'il auoit autrefois publiee contre les en-

Num. cap.
12.

Plutarque
en la vie
d'Agésilas

Plutarque
en sa vie.

sans mestifs, qui n'estoyent nez de pere & mere Atheniens. Pompeius passa-il pas par dessus la defence qu'il auoit faite de ne louer dorefnauant les criminels en iustice. Aussi le Iurifconsulte Vlpian, a decidé que non seulement le Prince estoit delié de l'obseruance des loix, mais encore son espouse par la communication de ses priuileges que son mary luy fait.

Plutarque
en sa vie.

l. 31. de legibus.

Il y a d'autres Loix que l'on peut appeller diuines, pource qu'elles procedent de l'instinct & inspiration, par laquelle Dieu les a fait receuoir entre toutes les nations. Il faut confesser qu'à celles-cy sans doute le Prince est subiet, parce qu'il est subiet à Dieu. Mais generalement l'on peut dire que c'est vne parole digne de celuy qui commande, par laquelle il se recognoit estre obligé aux loix: que son autorité despend de l'autorité des loix, & que c'est quelque chose de plus grand que l'Empire, de se soumettre aux loix: car ainsi les Empereurs Theodose & Valentinian l'ont dit: pareillement le Roy Theodoric: encore, disoit-il, que par la grace de Dieu, tout ce que nous voulons soit en nostre pouuoir: toutesfois nous mesurons nostre volonté par la raison. Toutes ces considerations de verité sont belles, saintes & qui doyuent estre souuent proposees aux Princes, mais s'ils y manquent, qui en fera la punition. Nous auons monstré suffisamment qu'il n'y a que Dieu seul qui la doye faire, par ce qu'il est le seul iuge des Roys: & qu'à l'égard des autres hommes, les Iurifconsultes sont d'accord, que les Princes ne sont suiets aux loix Penales.

l. 4. C. de leg. b.

Castrod. var
lib. 1. ep. 12

Liberi sunt
reges à vin-
culis deli-
ctorum: ne-
que enim
vllis ad pœ-
nem vocan-
tur legibus
tuti impe-
rii potesta-
te,
D. Amb. A-
polog. Da-
uid cap. 10.

Ce qui a esté remarqué par saint Ambroise: les Roys, dit-il, sont libres & ne peuuent estre restrains en quelque sorte que ce soit à cause de leurs pechez: car defendus par l'autorité de leur puissance, les loix ne leur peuuent imposer aucune peine. De fait Dauid pour son homicide & adultere, fut-il contraint d'en recevoir le supplice par la puissance des loix, ou de la Republique assemblée? Partant la consequence est mauuaise de dire, le Prince est suiet aux loix: Donc la Republique le peut punir s'il est Tyran. Car la Republique en l'estat Royal, ne fait pas les loix, ains le Prince.

Ce que l'on pourroit prouuer par beaucoup de tesmoignages s'il estoit necessaire: mais vn seul suffira pour tous à cause de son antiquité. Romule, ce dit Tite-Liue, ayant assemblé le peuple, croyant qu'il ne se pourroit mieux maintenir que par les loix, leur en donna: & croyant encore qu'ils les estimeroyent plus saintes, s'il se rendoit venerable par quelques ornemens & marques de dignité, il entoura son corps d'habits plus somptueux, & de gardes.

Lex tangi
le profos
prohibet:
sed quid
Dominus
legis est,
non obse-
quitur legi,
sed legem
facit. D.
Amb. lib. 5
in Lucam
cap. 5.

Quand il fut question de donner des loix aux Israélites, le peuple fut-il assemblé pour les faire? Bref il est certain qu'il n'appartient qu'au Prince de faire des loix: & qu'il ne peut estre obligé à celles qu'il a faites, car comme dit S. Ambroise: le Seigneur de la loy n'obeyt point à la loy, mais il fait la loy. Ce que encore que dit de nostre Sauueur, toutesfois conuient aux Princes son Image, à l'esgard des loix ciuiles qu'ils font.

*Refutation des calomnies de Mariana, contre
Henry III. Roy de France & de
Pologne.*

CHAP. XXIX.

NE laisse maintenant à iuger si contre ces raisons & considerations, les defenses de Mariana peuvent subsister. Aussi douteux & incertain, reconnoissant la foiblesse de ses forces, il commence à parlementer, & semble vouloir venir à composition, aduouant qu'il peut auoir failli, & protestant qu'il sçaura gré à quiconque luy donnera vn meilleur aduis : il deuoit encore demander pardon de sa temerité : mais peut-estre craignoit-il que comme Caton disoit à Albinus, on ne l'en iugeast indigne pour n'auoir esté contraint par ordonnance des Amphyctions, d'escrire ainsi. Mais qui n'admirera l'impudente folie de cet homme, qui accuse de vanité Iean le Petit, pour auoir approuué le meurtre du Duc d'Orleans, souz ce pretexte qu'il soit loisible de tuer vn Tyran d'autorité priuee : & neantmoins exalte Iacques Clement, ce parricide cruel de nostre bon Roy Henry III. Dy moy folle teste, ton frere Clement a il eu quelque deliberation publique qui l'authorisast à vne si maudite entreprise ? Non pas qu'il fust moins coupable quand il en auroit eu : mais quel acte en sçauroit on faire apparoir ? Qui l'a iamais auouee ? qui s'est iamais

vanté d'auoir esté le chef de cette deliberation, ou d'y auoir assisté. Tous vilains cas sont reniables. Donc ce qu'il en a fait a esté d'autorité priuee : Donc Mariana plein de vanité, par sa confession mesme, de louer vn parricide commis d'autorité priuee, mais qu'auroit fait ce Roy qui t'ayt peu donner suiet de l'amener en exemple de ta fausse proposition comme vn Tyran. Tu excuse Saul, & pourquoy n'excuse tu plustost Henry qui n'a esté meschant comme Saul. Saint Ambroise s'est contenté de reprendre l'Empereur Theodose, & luy defendre l'entree de l'Eglise, mais pourtant n'a dit qu'il le faut tuer, combien qu'il eust commis vn carnage tyrannique de tant de gens en la ville de Thessalonique. Louys le Jeune fit brusler en vn Temple, sans respect de la sainteté du lieu, vn grand nombre de personnes qui s'y estoient retirees : Saint Bernard toutesfois n'alla pas crier que c'estoit vn Tyran, & qu'il en falloit despecher le monde : au contraire il reprenoit les paroles seditieuses du Comte de Champagne (qui vouloit faire declarer ce Prince incapable du Royaume, à cause de cest acte) & le remettoit au chemin d'obeyssance & de reconciliation. Vn Roy d'Angleterre a il pas fait mourir l'Archeuesque de Cantorbie, homme si plein de pieté, que sa memoire en est reueree, toutesfois il n'a laissé de regner. Quel a esté l'Empereur Constance Arrien, contre les vrayz Catholiques, combien de mal a il fait au grand Athanasé, au Pape Libere & à d'autres : Toutesfois Gregoire le Theologien n'a laissé de le louer apres sa mort, & le Pape Libere luy es-

Paul Æmil.

Nicep. lib.
9. passim &
cap. 50.

criuant n'a oublié de luy donner les titres de tres glorieux, tres-doux, & autres que l'on baille ordinairement aux bons Princes. Pourquoy donc Henry ne sera-il excusé, puis que à iuger sainement il n'a rien cōmis de semblable à tous ceux là, si Mariana n'a peu estre par tout, s'il n'a peu sçauoir les mouuemens & conseils interieurs de ce Roy, la iustice de ses ressentimens, & la necessité de sa defence : si au contraire il a peu se rendre certain des deportemens du mesme Roy, qui ne portoyent autre tesmoignage que d'un bon Prince, & si deuot, qu'il sembloit y auoir du trop, au reste doux à son peuple en general & en particulier, pourquoy sera-il plustost esmeu par l'incertitude à blasmer, que par l'apparence visible à louer, ou du moins excuser. Dieu irrité contre Iosaphat, de ce qu'il auoit presté secours aux ennemis de son nom, luy a toutesfois pardonné en consideration de ses autres bonnes œuvres; & Mariana plus que Dieu approuuera le meurtre d'un bon Prince, pour deux ou trois actes auxquels il donne telles couleurs qu'il veut, & peut estre au lieu des blanches les noires, sans balancer & metre en contre poix ses actions vertueuses?

Gloriossi-
mo Con-
stantio Au-
gusto Libe-
rius Epif-
copus, epa.
quæ est to-
mo. 3. Bi-
blioth. pa-
trum.

2. Paralip.
cap. 19.

Peut-il monstrier que ce Prince ayt violé les filles & femmes de ses subiets, mis en seruitude leurs enfans, pillé ou fait piller leurs biens : bref qu'en peut il dire luy estranger, puis que les François ne s'en plaignēt point. Quand à ce que tu dis qu'il deferoit la couronne à Henri de Bourbō lors Roy de Nauarre, depuis nostre grād Henri (auquel Dieu vueille donner autant de repos en sa gloire

qu'il nous en a procuré icy bas par sa vertu & bonté) si tu n'estois plein d'une extreme malice, tu confeserois que ce n'est point luy qui l'a luy a deferree, ains apres Dieu le droict de nature. De sorte qu'encore qu'il semblast que toutes choses fussent bandees pour l'en exclurre, que ce Roy mesme ayt esté veu par ses effets (que nous devons croire forcez & tirez du trop peu de resolution que ce Prince auoit à defendre son autorité, ce qui sans doute l'a perdu, & nous a pensé perdre aussi) tesmoigner que son desir n'estoit qu'il y vint enuoyant contre luy plusieurs armées pour l'accabler, toutesfois Dieu qui n'est iniuste ainsi que les hommes, rendant à Cesar ce qui appartient à Cesar, nous fait croire par l'e-

Daniel 10.

uenement, que comme il enuoya l'un de ses Anges, pour assister des peuples idolatres, aussi parce qu'en son conseil priué, il auoit resolu de faire de nostre grand Henry, un vase d'honneur & d'election, il l'a maintenu lors qu'il estoit couru de toutes parts, & s'est serui de la pierre qui estoit reprouuee, la rendant admirable à nos yeux, l'appliquant à la France, comme à l'angle principal du Temple de son Eglise pour le fortifier.

Combien a-il rendu ceste pierre admirable & merueilleuse à nos yeux, conduisant les affaires aux extremitez que nous auons veu qui ont forcé Henry III. de l'appeller non tant à son secours que (par un merueilleux secret de Dieu) à l'heritage qui luy deuoit bien tost estre laissé. Pour cela Mariana le doit & peut-il blasmer ? en l'hystoire Sainte, Dauid est-il condamné pour s'estre retiré avec son pere & sa mere, deuers le

Roy

1.Reg.cap.
22.

Roy Moab? Non: car toute voye de garantir sa vie, est permise. Mais Saül en portoit le peché. Or ce qui depuis est arriué, la conuersion de Henry III. la constance à faire son profit de la grace de laquelle Dieu l'auoit illuminé, sa pieté, le re-stablissement de la saincte Messe aux villes Hu-guénottes: la paix par laquelle il a remis toutes choses en bon estat: vn mariage fait de la main du saint Pere avec vne Princesse tres-vertueuse, & beni si visiblement de Dieu par vne heureuse lignee d'enfans qui sont nourris en sa crainte, & assurent la paix du Royaume par la succession de nostre cher Louys l'ainé d'iceux à la Couronne: & tant d'autres considerations sont elles pas trop suffisantes pour faire conclurre que de Ma-rath Dieu a fait sourdre les eaux de douceur? Et que l'acte pour lequel Mariana blasme principa-lement Henry III. a trouué grace deuant luy? Voila donc comment Mariana s'est trompé en son fol iugement: & voila comment il ne faut de legereté d'esprit appeller vn Prince tyran: & seduire la foiblesse des hommes à conspirer contre luy, ains admirer la sagesse de Dieu & dire a-uec saint Paul, ô admirable profondeur des ri-
cap. II. ad
Rom.
chesse de la sapience & science diuine: combien sont incomprehensibles les iugemens de Dieu, & qui peut rencontrer les traces par lesquelles il chemine en ses effects? Qui cognoist le sens du Seigneur, & qui se peut vanter d'estre le tresor-rier de ses conseils? Donc de luy, par luy & en lui sont accomplies toutes choses: partant à luy soit rendue gloire & honneur aux siecles des siecles.

*De la proposition de Mariana touchant
les venims.*

CHAP. XXX.



Ais peut-estre que ie demeure trop sur Mariana. Non, ie ne m'y sçauois assez arrester pour descouvrir de plus en plus, l'inepte malice de cét homme, qui veut neantmoins que l'on croye que ce qu'il en a dit, est de sincerité de cœur. Comme vn gentil leurier, il se faut acharner après la beste & ne la point laisser qu'elle ne soit aux abois.

O meschant qui te contraignoit de faire vne autre resolution, qu'il est permis d'employer le venim pour tuer le tyran? sçauois tu point la generosité & preud'hommie de ces vieux Romains, qui ne voulurent permettre que l'on en donnast à leur ennemy? Auois-tu point leu que Galien, quoy que nourry aux erreurs du paganisme a condamné ceux qui ont escrit des venims, estimant que c'estoit la marque d'un tres-mauuais naturel, d'adiouster à l'improbité des hommes qui ne sont que trop portez à mal-faire, vne leçon si pernicieuse? Que la loy menasse de plus griesue punition ceux qui tuent par le venim, que par le fer, d'autant qu'ils commettent double crime, l'homicide, & le venefice? Aussi Philon Iuis, il peut arriuer, dit-il, que ceux qui ont occis par le glaïue, par vn dard ou quelque pierre

Galenus
lib. de An
sid. tomo. 3

1. r. de Ma-
lef. & Ma-
themat. C.

Philo Iu-
daus lib. de
specialib.
legib.

l'ont fait d'impetuosité de colere, qui les a soudainement surpris. Mais les venefiques tres-mes-
chans polus de main & d'esprit, trauaillent à loir-
fir à la recherche des venins attendans l'occasion
d'en vser. C'est pourquoy Dieu ne veut pas que
l'on leur donne respit de vie seulement vn iour,
ains qu'aussi tost ils soient menez au supplice.

Encore eét homme de bien, ne se contente pas
de demeurer à la these generale, mais pour mon-
strer qu'il est fort sçauant en ceste matiere &
capable de faire vn coup de sa main, il va discour-
rant de la subtilité des venims, & du moyen de
faire mourir quelqu'un mesme du seul attouche-
ment par des robbes precieuses, des armes & au-
tres choses enueneimees : le quel moyen comme
plus diabolique, il approuue & fait conscience
d'vser de celuy qui se baille en breuuage : parce
que, dit-il, en ce faisant on feroit qu'un homme
se donneroit la mort à luy-mesme. Quel Hera-
clite si pleurard ne quitteroit ses larmes pour ri-
re à gorge desployee, d'une conscience si stupi-
de, hypocrite, & en vn mot pharisienne ? Celuy
qui prend le breuuage empoisonné ne le sça-
chant, est-il donc plus coupable de sa mort, que
celuy qui s'habille d'une robe infectee, igno-
rant son malheur ? par quelle raison se peut cela
prouuer : Pour moy ie n'en sçache point. Aussi
Mariana n'en a il alleguee aucune. De sorte qu'en
vn mot on peut dire, que ce discours est l'excre-
ment impur d'un esprit deuoyé, par les mauuais
air, l'intéperie & l'indigestiō des autres que nous
auons remarquez cy dessus. Mais c'est vn tyran,
& qu'importe, dit-il, cōment on en vienne à bout

par l'espée ou par le venin, puis que la fraude & le dol sont permis contre luy ? Ainsi diroit vn payen,

Virg.

*Qu'est-il à desirer vaincre son aduersaire
De vne force ou bien par fraude le defaire.*

Liu. Decad
5. lib. 2.

Mais les Romains remplis de masse vertu escouteront impatiemment leur Capitaine Martius, se glorifier d'auoir abusé par fraude le Roy Perseus, ceste nouuelle sagesse ne leur estant agreable, pource qu'il leur venoit en l'esprit que leurs ancestres auoient vaincu non par fraude, mais de vne force : vn Diuico genereux Gaulois protestera que ses peres luy ont appris qu'il faut vaincre en champ de bataille, non par secretes menées. Le grand Alexandre ne voudra combattre de nuict, pour ne sembler desrober la victoire : & nos François refuseront de prendre au Royaume de Naples, le Chateau le Leuf par enchantement, quoi qu'inexpugnable, ains plustost feront mourir l'enchanteur, comme l'on deuroit faire cet empoisonneur des Roys. Mais en quel liure de Religion, a il trouué que le dol, & consequemment le venin, soient permis ? Dauid en a il vsé ? a il dressé des embusches à son Roy pour le defaire : Les Prophetes, les Apostres, les saints Peres, luy ont-ils appris cela : Non sans doute, car leur sainteté y estoit trop repugnante.

Cesar lib. 1
de bello
Gallico.

Plutarque
en sa vie.

Froissard.
vol. 2.

Que c'est
bien fait de
brusler les
meschans
liures.

Que donc ceux qui examineront ce present discours, s'il a ce bon heur d'estre porté plus loing, soit en Espagne mesme, & dans les colleges où ce barbare est nourry, loient maintenant l'equité de nostre iustice : & confessent sans passion que nostre Cour de Parlement a tres-bien

faict de condamner ce meschant liure au feu, puisqu'il est dit en l'Escripture, par l'organe de l'auantcoureur de Iesus-Christ, que tout arbre dont le fruiet n'est bon, doit estre arraché & mis au feu : Que nous auons rapporté cy dessus l'histoire des liures de Numa Pompilius, bruslez que la harangue de Lyfander, qui tendoit à mettre des nouuelletez en l'estat, fut enseuelie avec luy, & que l'Empereur Constantin fit brusler les liures des heretiques.

Matthæi c.
3. & 7.

De la prudente equité de la Cour remarquée en son arrest contre Mariana: que chacun doit porter la peine de son peché: aduertissement aux Iesuites, avec vn sommire de leur doctrine touchant l'obeyssance due aux Roys suyuant la declaration du pere Cotton.

CHAPITRE XXXI.

L me plaist de représenter encore aux estrangers, la sagesse de la plus celebre Cour du monde grauée en son Arrest, qui porte simplement le nom de Mariana, sans autre tiltre ou qualité, soit de sa nation, soit de la compagnie en laquelle il est. Enquoy ce graue Senat, a bien tesmoigné sa prudence, & qu'estant assisté de l'esprit de Dieu, il ne faict comme ceux qui portez d'animosité enuers ceste compagnie, par la contrarieté d'humeur, ou de Religion, ou d'un zele, mais trop indiscret, & non selon la science

du deuoir & de modestie, ou par affection de se faire cognoistre, prennent suiet par la faute d'un homme de crier & declamer contre ses associez en l'ordre, non au mal, & ce qu'ils ne voudroient estre fait en leurs corps, qu'il fust entierement rompu, pour la mauuaise disposition d'un membre, ils le voudroient en celuy cy : combien que ils ne peuuent ignorer que par la maxime des sages politiques & la loy de Dieu, la peine des pechez ne doit passer outre leurs auteurs. Loy, ce dit Philon Iuif, opposee à ceux qui establissent le droit en la violence: car l'innocence est si fauorable que les Iuriconsultes ont fort bien resolu qu'il vaut mieux absoudre le coupable, que condamner & punir l'innocent. Ce que le grand iuge nous fait voir en la destruction de Sodome & Gomorrhe : car s'il y eust trouué seulement dix hommes bien viuans, il pardonnoit à tout le reste, pour n'affliger le bon avec le meschant. De verité s'ils auoient tous vne si detestable opinion, ie serois des premiers à conclurre rigoureusement contr'eux, & voudrois comme la mere de Pausanias porter la premiere pierre, mais toutes si ie pouuois pour les enclorre & faire mourir entre quatre murailles : car il ne suffiroit de les chasser, d'autant qu'ils pourroient respandre leur venin par le monde. Et tant que l'on en pourra descouurir de ceste opinion, il en faudra soudainement faire iustice, mais considerant que contre l'erreur d'un particulier nous auons la plainte Apologetique de leur cōpagnie en France qui refute ceste opinion, & declare ouuertement que ce n'est point elle qui l'a tient, que

Deuter. 24.
cap. Reg. 4.
cap. 13.

Philo Iu-
dæus lib. de
specialib.
legib.
Genes. cap.
18.

Num. 27.
28.

ce sont les heretiques qui l'ont mise en auant, que faisant profession de la foy & humilité chrestienne, elle n'a garde de concevoir des opinions si superbes qui ne partent que du diable pere d'orgueil: que telle opinion est contre Dieu, & ses loix: qui depuis peu en l'une des plus celebres chaires de Paris, vn predicateur de leur college de S. Louys l'a aussi des-aduouee pour toute la compagnie, & dit que pour Mariana il ne les faisoit accuser non plus que la compagnie du Sauueur pour vn Iudas, comparant ainsi Iudas à Mariana: & que le pere Cotton en sa lettre adressée à la Roynes regente au mois de Iuin mil six cens dix à confirmé ces declarations par le desadueu qu'il dit que leur general a fait de l'opinion de Mariana, par le tesmoignage de Sebastien Heistsius, qui montre que Mariana a parlé de sa teste, & recognu qu'il excedoit les limites de la doctrine commune: par celuy de Jacques Gretserus qui reiette comme Heistsius l'opinion de Mariana, & dit qu'il faut suivre la commune: par ceux des illustissimes Cardinaux Tolet^c Bellarmin,^d de^e Alphonse Salmeron, Martin^f Del Rio, Martin,^g Becanus, & Leonard^h Lessius qui pour refuter l'erreur de l'entreprise sur les Rois, recognoissent & alleguent le decret du Concile de Constance: Bref par celuy de Iean Azorⁱ qui enseigne n'estre loisible d'attenter sur la vie des Princes vsurpateurs, tous lesquels sont ou estoient de la societé de Iesus.

Considerant dis-je ces declarations assistees de tant de tesmoins irreprochables: & que le pere Cotton au nom de la compagnie, les pro-

Le pere Biner a fait & Ieā, en l'Oratoire de la feste Dieu. 1610.

Passages alleguez en cette declaration.

a En sa declaration Apologetique des Aphorismes

attribuez à la doctrine des Iesuites

b En son liure intitulé Vespertilio

Heritico-politicus.

c Liure 5. de la somme

me chap. 6 d Chap. 13.

de sa response Apo-

logetique au liure du

Roy de la grande Bre-

tagne.

e Au 13. tome de ses

œuvres sur le 13. ca. de.

l'epitre aux
Romains.

a En ses
commen-
taires sur
l'Hercules
Furens de
Senecque

nôbre 920

b En sa ré-
ponse au 9.
Aphorisme
de la do-
ctrine attri-
buee aux
Iesuites.

c Liure se-
cond de iu-
stitia & iu-
re chap. 9.
doute 4.

d En la se-
conde par-
tie de ses
institutiōs
morales lib
12. ch. 5. q.
30.

duit pour asseurer la validité du decret : & ap-
prouue les deliberations de la Sorbonne, de l'an
1413. & du mois de Iuin dernier: ie ne puis croi-
re que la legerete ou plustost l'escriture mes-
chante d'une plume esloree & mal-taillee (ter-
mes du mesme pere Cotton) doive estre la con-
damnation de ceux qui ne sont atteins d'y auoir
contribué ou labeur, ou consentement, ancre, ou
papier: au contraire la reprouuent. Et faut esti-
mer qu'encore que ces declarations ne soient en
mots expres (qu'il n'est loysible d'attenter au
Prince tyran, ou se reuolter contre luy, non pas
mesme d'autorité publique, ou par assemblees
d'Estats, ce qu'il faut resolument tenir, puis-
que la loy est generale:) toutesfois que leur inten-
tiō y est aussi portee, cōme en effet elle doit estre.
Car ce ne seroit condamner l'opinion de Ma-
riana, qui semble n'auoir voulu permettre l'at-
tentat & la reuolte, que par conspiration publi-
que: enquoy toutesfois nous auons monsté qu'il
a failly.

Ce ne seroit approuuer le decret du Concile
de Constance: ains comme Mariana le reprouuer.
Car ce qui faict que Mariana ne recognoist ce
decret, est à cause qu'il a creu (comme il deuoit
& le croyant s'y resoudre) que l'intention des
Peres, a esté de deffendre l'entreprise & la reuol-
te contre les Roys, par quelque moyen que ce
soit: consequemment sous pretexte de preten-
duë autorité publique, autrement il n'eust esté
necessaire à Mariana de le reprouuer, s'il deffen-
doit seulement l'entreprise particuliere: car il en
demeure presque d'accord.

Ce ne seroit encore approuuer les deliberations de la Sorbonne, specialement celle du moys de Iuin dernier, qui declare que c'estoit chose seditionneuse, impie, & heretique d'attenter & mettre les mains violentes sur les sacrees personnes des Roys & Princes, sous quelque pretexte que ce soit. Donc ny sous le pretexte de pretendue autorité publique. Car qui dit tout n'excepte rien. Aussi lors s'agissoit-il de resoudre cela : estant ceste sage cōpagnie assemblee, suiuant l'arrest de la Cour, qui n'a voulu condamner l'opinion de Mariana, qu'apres la deliberation & resolution d'icelle. Or pour bien interpreter les arrests & resolutions, il faut sçauoir & examiner le motif, & les circonstances de ce dont estoit question.

Mariana estoit accusé d'esleuer vne pretendue autorité publique contre l'Estat & la vie des Roys : La Sorbonne a esté assemblee pour faire vne deliberation, reprouuent ceste pretendue autorité publique. Bref ce ne seroit approuuer l'opinion d'Azor, fondee (comme dit le Pere Cotton) sur ce que personne ne doit estre condamné sans estre ouy, & sans cognoissance de cause. Or, ainsi que discouroit Philippes de Commines, qui fera le procez à vn Prince ? & puis que Dieu, comme nous auons monsté, en est le seul Iuge, en vertu de quel pouuoir luy fera la Republique son procez, puis que l'incompetence est vne apparente nullité contre les iugemens ? Mais y sera elle bien fondee ? il est certain que non : d'autant qu'elle seroit partie, iuge & tesmoing : qui toutesfois en bonne iustice doyuent

estre separez, autrement l'instruction n'en vaut rien, ny par consequent la condemnation: Il faut donc laisser viure le Prince Tyran, puis qu'il ne peut estre ouy, & ne doit estre condamné sans estre ouy.

Addebat Mais pourquoy, diroit le Pere Cotton, que
 (scilicet les Roys ne releuent que de Dieu, pour le tem-
 Bonifacius) porel, (ce qui fut brauement soustenu par nostre
 id. quod Philippes le Bel, au Pape Boniface, & reconnu
 omnibus comme chose tres-vraye par les hommes de ce
 permirum temps là, qui trouuerent la presumption de Bo-
 fuit, regem niface estrange) si ce n'est pour apprendre qu'il
 Franciæ nō n'y a point d'autorité publique par dessus eux?
 sacromodo car s'il y en aaoit, il faudroit aduouer que leur
 pontificio temporel en releueroit, consequemment qu'il ne
 que iure Pō releueroit de Dieu seul.
 tificem Ro-
 manum vt
 animorum
 parentem
 obseruare

oportere: sed ciuili iurisdictione profanaque re ac causa & dominatu principem authorem quem agnoscere. Dont chacun s'estonna comme d'une chose inouye & insolente à l'égard du Roy si souverain. Id quod omnibus permirum fuit. Paul. Emil. in Philippo Pulchro.

Pourquoy auroit-il allegué la loy de l'Apostre, que toute ame soit suiète aux puissances superieures, si ce n'est pour monstrier que le general signifié par le tout, y est aussi bien suiète que le particulier: tellement qu'il ne se doit reuolter contre sa teste?

Et pourquoy seroyent nos Roys les ayfnez de l'Eglise, douez de priuileges rares & signalez (pour vser des paroles de la mesme lettre, paroles bien vrayes) par dessus le commun des autres Roys de la terre, s'ils estoient inferieurs aux Estats? En quoy consisteroient leurs priuileges, & prerogatiues, s'ils n'auoyent plus d'autorité qu'un Roytelet de Sparte, ou qu'un Duc de Venise? seroyent-ils Souuerains?

Partant puis que telle est la doctrine des Iesuites, soyons contens que les auteurs souffrent la peine de leur crime : aymons & conseruons, comme Auguste Cesar la ville d'Alexandrie, en faueur non seulement d'un seul Philosophe Arius, mais de plusieurs gens de bien: Que les Iesuites demeurent en repos, louent la bonne iustice de la Cour, & se resiouyssent en bons François, de l'animaduersion faite contre celuy qui l'a meritée, sans en murmurer & donner aucun signe de mescontentement: car ils auroyent tort, d'autant qu'ils n'en ont point de subiet, ains en gens de bien, doyient monstrier que la punition du meschant leur est agreable, que sans tergiverser ils confessent, preschent, & escriuent, qu'il n'est aucunement permis, ny aux particuliers, ny aux peuples de se souleuer contre le Prince & le tuer, ny d'autorité priuee, ny d'autorité publique. Que la Republique, specialement en France; n'est par dessus le Prince, ains dépend entierement de luy, de sorte qu'elle ne peut faire aucune assemblée d'Estats sans luy, ny aucune loy: Et que les Estats conuoquez sans son autorité, ne sont Estats, ains conciliabules, factions & coniurations punissables: tellement que tout ce qui est resolu en telles assemblees illegitimes, ne doit auoir aucune force, principalement ce qui touche à la Maiesté du Roy, sous quelque pretexte que ce soit. Car que peuuent les membres sans le cœur qui les anime, sans la teste, d'où procedent tous les esprits vitaux?

Bref qu'ils se contentent de faire leur profession, d'enseigner le peuple & la ieunesse, à seruir

Dieu, le Roy & les Magistrats : & se resserrent le plus qu'ils pourront en leurs maisons & Colleges : car autrement ils font croire d'eux ce que l'on ne veut, s'exposent à l'enuie & donnent occasion d'espier & syndiquer leurs actions.

*Que la condamnation de l'heresie de Mariana
importe grandement à tous les
Princes.*

CHAP. XXXII.



EPENDANT que Mariana porte sur son front la honte & le blasme d'estre le boute-feu des parricides : & encore que comme les Gentils-hommes de Perse, il n'ayt senty le chastiment qu'en sa robbe, il ne s'en doit pourtant glorifier, ains remercier Dieu d'en estre quitte à si bon marché : il fera sagement de reconnoistre sa faute, & l'abiurer par vn liure contraire, puis qu'elle est condamnée par vne compagnie de Theologiens irreprochables, soit aux mœurs, soit en la doctrine : mais premierement par la loy de Dieu & des Apostres, & par deux Conciles, ausquels il doit obeyr, s'il est fils de l'Eglise.

Adioutons encore (car peut-estre en fera-il plus d'estat que de tous les autres) par les plus sages & doctes de sa Societé. Nous lisons entre les refueries des Thalmudistes, que les enfans de Iacob, apres auoir vendu leur frere Ioseph, voulu-

Hieronymus a sancta fide ex Iudæo Christianus lib. 2. cōtra Iudæos cap. 3. de vanitatib. Talmud tomo 4. Bibliotheca patrum.

rent pour ensevelir leur crime, excommunier celui d'entr'eux qui le reueleroit : mais d'autant qu'ils n'estoyent que neuf, & que pour prononcer vne sentence d'excommunication, il falloit estre dix, ils associerent Dieu pour le dixiesme. Ce qui fut, disent-ils, cause que Iacob ne sceut point ce qu'ils auoyent fait. De cela nous apprenons qu'il falloit entre les Iuifs le nombre de dix pour rendre vne resolution ferme & asseuree. Celle de l'obeyssance enuers les Princes tyrans, est confirmee non seulement par dix, mais par tant de saincts Peres, au milieu desquels Dieu a tousiours esté : Neantmoins Mariana en publiera vne contraire, laquelle il ne peut auoir apprinse, qu'en la chaire de pestilence, ou bien-heureux ceux qui ne se sont point assis.

Mais s'il veut demeurer opiniastre en son heresie, il doit craindre que les Princes, mesme celui duquel il est subiet, & d'auantage le Pape, considerans avec bon conseil l'importance de ceste heresie qui regarde tous les Princes, ne demandent que l'on face de luy, ce que peut estre nostre Cour eust fait le tenant en sa puissance.

Car il ne se faut point flater pour dire que les Princes ne s'en doyuent piquer, d'autant qu'ils ne se doyuent presumer Tyrans, ou persuader que l'on les repute tels : parce qu'encore qu'ils ayent bonne opinion d'eux mesmes, & taschent de fuir les actes d'un Tyran, neantmoins comme il n'est si bon qui ne choppe par fois, il n'en faudra que quelques vns pour faire dire aux mutins, qui ne demandent que le remuement, qu'il est Tyran, consequemment loisible de le tuer, parce

que Mariana l'escrit ainſi.

Bref diſ-
cours pour
monſtrer
qu'il faut
ſupporter
la iuneſſe
des Prin-
ces.

S'il eſchet aux Royaumes des ieuneſſes telles que celles de Dagobert, & Louys le leune, violens à leurs commencemens, & ſi i'oſe dire Tyrans, on dira qu'il les faut tuer, parce que Mariana l'escrit ainſi.

Toutesfois qui euſt tué ceux là, auroit eſtouffé de grandes vertus, lesquelles ont ſuccédé à leurs vices, non par les eſcrits & menaces de rebellion, mais par le moyen des ſages remonſtrances, car il aduient par fois, que comme le vin nouvellement infus au vaiſſeau, bouiſt de violence, puis à trait de temps ſe r'appaieſe, ay ant ietté ſon eſcume, comme qui diroit ſon feu, pourueu qu'il ayt de l'ouuerture : que ſi l'on penſoit le bouſcher de tous coſtez, il romproit le vaiſſeau, & ſe renuerſeroit de toutes parts : auſſi que le Prince peut auoir de l'inſolence au commencement de ſon regne, mais l'on doit eſperer qu'il ſe reconnoiſtra, moyennant quel'on ne le preſſe & irrite trop.

Et que comme le Soleil plus il s'éleue ſur nous, plus il rabat de ſa force & mouuement, de ſorte que plus il eſt haut, moins il eſt chaud, & moins il fait de mal : auſſi le Roy, quoy qu'il ſoit à ſon aduenement à la couronne, faſcheux & violent, plus il s'éleuera en la cognoyſſance des affaires & de ſon deuoir, plus ſe moderera: il ne ſera donc raifonnable de dire avec Mariana, qu'il le faut tuer, de crainte qu'en ce faiſant, & ne pouuans ſupporter l'infection que rend la Cygongne noire, dite Ibis en ſon ieune aage, nous ne ſoyons priuez du parfum, & des ſouëſues exhalations qui

sortent de sa vieillesse.

Que si le Prince a esté au commencement vertueux, les mœurs sont muables : il peut devenir mauuais comme Salomon, Louys le Gros & autres : aussi tost Mariana leuera l'estendart de la desobeyssance, tout au contraire du deuot Religieux saint Bernard, qui escriuant à ce Louys le Gros, & luy reprochant des cruantez estranges, pour l'induire à s'en corriger, ne laisse de se qualifier le plus petit de ses subiets, non en fidelité, mais en dignité, aussi les bons François d'alors, qui n'estoyent corrompus par des hommes tels que Mariana, garderent la fidelité à leur Roy iusqu'à la fin de ses iours : & s'en trouuerent mieux que de faire les mutins : car pour vne guerre particuliere que fait le Tyran, tantost à l'un, tantost à l'autre, il s'en fait par la sedition vne publique, qui au lieu de deux ou trois hommes, renuerse des villes toutes entieres, & met la desolation par tout.

Ep. 22.
Ep. 255.

*Qu'elle importe mesme aux bons
Princes.*

CHAPITRE XXXIII.

Reg. 2. c. 16

MAIS ie veux qu'un Prince soit tout bon, sage, craignant Dieu, & qu'il chemine en droicte de cœur, luy peut-il pas arriuer comme à David, que quelque Semey le calomnie, luy iette des pierres, & fouille d'une langue impudente la pureté de ses actions? puis les hommes estans plus prompts de croire aux mesdisances, qu'aux louanges, le rendent odieux au peuple, en sorte qu'il ne faille plus seduire que quelque idiot de frere Clement, pour le tuer, en luy faisant voir que Mariana Iesuite escrit, qu'il est loisible de tuer les tyrans? Constantin le Grand, & Theodose aussi le Grand, sont iustement louez par les Hystoriens Catholiques & fideles, comme Princes d'une excellente vertu: mais au contraire que n'en ont dit de mal les Payens, qui les eust voulu croire, c'estoyent des Tyrans: ils pouoyent donc estre tuez, parce que Mariana l'escrit ainsi. Toutesfois il ne se trouue point que les Payens, peut-estre mal traitez pour les contraindre à delaisser leur paganisme, ayent lors tenu ceste opinion.

Zozime:
Nicephore

^a Iud. c. 3. Iosué cap. 16. Le ne veux approuver la violence & contrain-

te en la Religion: car ie sçay que Dieu a commandé ^a que l'on laisast viure le Iebusean, l'Abmorrhean, avec le peuple fidele ^b: le Sauueur, que l'on laisse croire l'yuraye avec le bon bled, de peur que voulant arracher l'un, l'autre ne soit

^c 1. ad Cor. aussi arraché: ^c l'Apostre, qu'il est necessaire que les

heresies soient, afin que les bons soient esrou-
uez: Lactance, *a* Tertullian, *b* saint Bernard
c & autres sages docteurs, *d* que ce n'est acte
de religion de forcer la religion, qui doit estre re-
ceue volontairement, & persuaduee par la dou-
ceur non imposee par la rigueur: *e* Que ce n'est
la deffendre, ains la destruire d'y employer les
tourmens, d'autant qu'il n'y a rien de plus volon-
taire que la religion, de laquelle si l'esprit de ce-
luy qui sacrifie est aliené, il n'y a point en luy de
religion: car il dement & renie deuant les hom-
mes, celle qu'il honore en son cœur, ce qui le
rend reprouuable deuant Dieu, & mesprise celle
dont il fait profession publique. Que comme
escriuoit le Roy Theodoric aux Iuifs, il n'est en
nostre puissance de commander & faire receuoir
la religion que nous voulons, d'autant que per-
sonne ne peut estre forcé de croire: Bref que le
chancre royal a dit qu'il sacrifieroit volontaire-
ment vne hostie de loüange.

a Religio
cogi non
potest: ver-
bis potius
quam ver-
berib. res
agenda est.
lib. 5. c. 19.
& seq.

b Sed nec
religionis
est cogere
religionem
quæ spontè
suscipi de-
beat non vi
lib. ad Sca-
pulam.

c Itaque ir-
ruës in eos
populus no-
uos hæreti-
cis suæ ipso-
rum perfidi-
æ marty-
res dedit,
approba-
mus zelum
sed factum
non suade-

mus, quia fides suadenda est non imponenda. Sermon. 66. in Cant. sub d e. Nos
operam demus & quantum possumus laboremus vt vas æreum, & argentum
simus, ceterum fictilia vasa confringere domino soli concessum est, cui virga
ferrea data est. D. Aug. lib. 2. aduersus Cresconium cap. 34. f Si sanguine, si tor-
mentis, si malo religionem defendere velis iam non defendetur illa sed pollue-
tur arque violabitur. Nihil enim est tam voluntarium quam religio: in qua si a-
nimus sacrificantis auersus est, iam sublata, iam nulla est. Idem Lact. eod. cap. 3.
Religionem imperare non possumus quia nemo cogitur vt credat inuitus. Caf.
fiod. Var lib. 2. ep. 27.

Si pourtant vn Prince trop zelé à sa religion,
ou pource qu'il importe à son Estat, veut empes-
cher le cours d'une heresie nayssante, (comme il
y a de l'apparence) ou estant accreüe la veut
dompter par armes & par la iustice, (ce qui sem-
ble estre dangereux & ne se deuoir faire, vn de-
sesperé se resoudra de luy oster la vie) parce qu'il

semble faire acte de tyran : & que Mariana Catholique en l'habit, que quelques pretendus docteurs heretiques & vn Boucher & autres brutes ont escrit qu'il est permis de tuer les tyrans. Si vn Roy S. Louys fait punir les blasphemes, crime horrible, & combien qu'il soit des plus desagieables à Dieu, maintenant en regne parmi nous: si le luxe, les brelans, les adulteres & autres vices. Si vn Charles Comte de Flandres, tres bon Prince veut interposer son autorité pour releuer son peuple de l'oppression & de l'iniure des grands, & les contraint en la necessité d'ouurer leurs greniers pour vendre leur bled à prix raisonnable. Aussi tost les vicioux & vsuriers crieront qu'il vse de tyrannie contre-eux, que par tant il le faut tuer, comme de fait ils tuerent ce-luy-cy. Car Mariana prouue que c'est chose licite de tuer les tyrans.

Paul Æmil
in Lud.
Crasso.

Vn Roy des Gots disoit que la nature n'a point donné aux hommes vne meilleure chose, que le pouuoir d'assouuir son ame de vengeance : C'est toutesfois vne sentence barbare & vraiment Gothique, contraire à la parole de Dieu, & mesme à la nature. Car les Lyons pardonnent à ceux qui se prosternent & humilient à leurs pieds. C'est vn acte non de grandeur de courage, mais d'imbecillité, de n'auoir la puissance de resister au courroux. Neantmoins si vn prince iustement indigné d'estre couru & braué par son subiet, ou de crainte de pis, le fait mourir, Mariana dira que c'est vn tyran, qu'il le faut donc tuer. Bref estant ordinaire à la malice des hommes de baptiser les actions des Princes, qui leur desplaisent, du

nom de tyrannie : & comme il est bien difficile que tout ce qui se fait en l'Estat , soit agreable à tous : Si vn Roy pour la necessité de ses affaires, ou pour quelque bonne occasion, ou parce qu'il luy plaist, taille & surtaille son peuple, quelqu'un dira, cela est fascheux, cela est tyrannique , il faut tuer ce tyran: Car Mariana escrit qu'il est permis de tuer les tyrans.

N'auons nous pas veu comme cét esprit rebelle, & sanguinaire, exalte la reuolte d'un Comte seditieusement armé contre la sainte proposition de son Prince ? il ne faudra donc plus que calomnier vn Prince duquel les actions & conseils sont cachez & incognus au peuple, & semer par les Prouinces , que c'est vn tyran , pour eschauffer le sang d'un perdu à le tuer : parce que Mariana le conseille.

Que les seditieux ne manqueront point d'assembles de pretendus estats pour faire approuuer leur reuolte.

CHAPITRE XXXIII.

VOire mais Mariana dit que cela se doit resoudre par assemblee d'estats. C'est parler en homme d'escole: Ne sçait-il pas cōbien les Roys ont les mains longues pour preuenir ces assembles: est-ce chose qui se puisse mener si secretēt que le prince n'ē ait aduis? Aussi recognoissāt l'impossibilité, il est cōtraint de remettre l'épée

entre les mains d'un particulier.

Mais quoy ? ces Estats peuvent-ils pas aussi bien, voire plustost estre assemblez par les mechans, que par les bons, d'autant que le nombre des fols est tousiours le plus grand? Quand Absalon se rebella contre son pere Dauid, & le chassa, il n'estoit seul, ains assisté d'un si grand nombre que la ville maistresse luy demeura. Il pouuoit donc assembler les Estats, faire par les hommes de sa faction declarer un bon Prince, tyran : puis il estoit permis de le tuer : car Mariana l'escrit ainsi. Ouy, dira-il pourueu qu'en effect il soit vitieux : mais s'il ne l'est on le calomnierá comme i'ay dit. Quel si grand mal auoit fait (ie ne parleray plus de Henry III. car ce que i'en ay dit doit suffire :) mais un de nos Louys si bon qu'il a esté surnommé du tiltre de Debonnaire, pour lequel ses enfans se deussent reuolter contre luy, & le rendre moine ? Ce fut toutesfois par assemblees d'Estats : (mais c'est abuser du nom) ce fut dis-je par conciliabules & conspirations, que les rebelles nommerent Estats, & ne faut pas croire que ces rebelles manquaissent de pretexte : car mesme ils auoient avec eux des euesques, qui n'en furent ny seront iamais loüez. Donc l'acte estoit bon, car il se rencontre au dire de Mariana. Mais ie luy veux poser un cas auquel il sera bien empesché de respondre : Supposons que Mariana (en apparence Iesuite) soit deuot & humble seruiteur du saint Pere auquel tous les vrayes Chrestiens & tous les peuples du monde rendent ou doiuent rendre honneur, seruice & reuerence. Car il est le grand Prestre & souuerain

Pontif, le prince des Euesques, l'heritier des Apostres, Abel en primauté, melchisedec en ordre, en dignité Aaron, en auctorité Moÿse, en iudicature Samuel, en puissance Pierre, en onction Christ, comme dit en termes aussi elegans que vray, le deuot S. Bernard, pourtant il est homme & Prince temporel, aussi bien qu'Ecclesiastique. S'il luy aduient d'abuser de sa principauté & commettre des actes vraiment tyranniques, indignes de la sainteté (ie crois que Mariana ne voudra pas soustenir qu'ils ne scauroient tomber en la personne d'un Pape : car on en pourroit fournir quelques exemples, qui toutesfois ne ravalent aucunement la chaire de saint Pierre, non plus que les Scribes & Pharisiens, celle de Moÿse, & non plus que Iudas la doctrine & la compagnie du Sauueur) si Mariana est creu, ce sera vn bon œuvre de le tuer : & d'autant que plusieurs le tiennent par dessus le Concile, & que luy seul le peut assembler, il faudra que ce soit vn particulier, qui de son seul mouuement se resoluë à le tuer, parce que Mariana le luy permet, au cas que la Republique ne puisse estre assemblee. Donc Mariana par sa doctrine perniceuse peut-estre le complice d'un sacrilege attentat (mesme à l'endroit d'un bon Pape, car il peut-estre calomnié quand ce ne seroit que par les ennemis de l'Eglise) combien que les Decrets tiennent que le Pape, ne peut estre iugé de personne, quoy qu'il soit cause de grâds maux, encore moins tué.

Lib. 2. de
considerat.
§. Agedum

Can. si Pa-
pa dist. 40.

Ce Genna-
dius a fait
vn discours

Pourquoy? parce qu'il est le premier des hommes consequemment n'a point de superieur que Dieu, duquel il puisse estre iugé. C'est ce

& recueil
excellent
des autho-
rites des
peres pour
confirmer
la primauté
du Pape. Ce
qui le rend

plus receuable qu'il vient d'une chaire que a souvent esté contraire à celle de Rome, & s'est voulu eleuer par dessus, le recueil est: toto cap. 5. expositionis pro Concilio Florentino, tomo 4. bibliothecæ patrum a leguntur eod. tomo 4. Igitur fratres respiscite & pro salute vestra certate: hoc pro cerro scientes, quod qui Romano pontifici non subiicitur, Christo non subiicitur, quid Petro dixit tu es Petrus: &c. ac numquam salutem consequetur. Nam cum dicitis vos illi subiici nolle, quia peccator est: id fultorum est hominum, & omnis prorsus sensus expertum, eod. cap. 5. sect. 13. sub f. Si verò peccator est quid ad nos? ibid.

Nos verò scimus eum hominem esse: & peccato & probris posse demergi: sed à nobis etiam antea dictum est, hoc nihil esse, quoniam necesse est nos aliquem sequi pastorem. sect. 14.

Nous scauons, dit-il, qu'il est homme, & peut-estre engouffré dans les ordures & abominations des vices toutesfois cela n'est suffisant pour nous destourner de son obeysance. D'autant qu'il nous est necessaire de suivre vn Pasteur. Ceste doctrine est-elle pas bien contraire à celle de Mariana, mais plus sainte & profitable que la sienne, qui met non seulement les Rois, mais les Papes en hazard? Partant afin d'euitier les consequences & absurditez dangereuses, de la doctrine de Mariana (comme d'une absurdité accordee, il s'en suit beaucoup d'autres, il se faut tenir à ceste doctrine Chrestienne, qu'il n'est aucunement permis d'attenter à la personne d'un Roy legitime, quel que tyran qu'il soit: & auoir en la bouche, outre

la loy de dieu & des Apostres, le quatrain notable
de l'un de nos sages Senateurs, le sieur de Pybrac.

Il est permis souhaiter vn bon Prince:

Mais tel qu'il est, il le conuient porter,

Car il vaut mieux vn tyran supporter,

Que de troubler la paix de sa prouince.

Aussi ceste consideration de la paix a fait tenir à
vn tressage Prelat, ces paroles dorees, que i'ay
voulu garder pour la bõne bouche, comme nous
lisons en l'Euangile. que le meilleur vin se trou-
ua aux nopces pour la derniere boisson. Sa plain-
te estoit de ce que le Roy abusoit violement
des choses sacrees & des dignitez de l'Eglise:
Mes amis, dit-il, les Prestres & ceux qui ont du
pouuoir aupres de luy, ne luy en disent rien. En-
core que leur deuoir semblast requerir de s'op-
poser (s'il le failloit) comme vne muraille pour
la maison d'Israel: mais enuers vn Roy souuerain
il faut plustost vser de remonstrance, que de re-
prehension, de conseil que de commandement,
de doctrine, que de la verge.

Ioan. 2.

Hildeber-
tus Cæno-
man. Epif-
copus ep.

67. tom. 3.
biblioth.

patrum.
Ep. 75. si-
lent amici
silent sacer-
dotes Iesu
Christi de-
nique silent
& illi quo-
rum suffra-
gio credi

di regem mecum in gratiam rediturum. Eorum tamen erat (si res ita postulaf-
set) opponere se murum pro domo Israel. Verum apud serenissimum regem opu-
est exhortatione potius quam increpatione consilio quam præcepto: doctrinæ
quam virga: his ille conueniendus fuit: his reuerenter instruendus ne sagittas suas
in senem compleret sacerdote. Inter has tamen angustias numquam de me sic ir-
triumphat: vt alicui super Christo domini clamorem deponere vellem: se-
pacem ipsius in manu forti & brachio ecclesiæ adipisci: suspecta est pax ad quam
non amore, sed vi sublimes veniunt potestates: ea facile rescinditur & sunt ali-
quando nouissima illius peiora prioribus. Alia est via qua compendiosius ad eam
Christo ducente pertingam, iactabo cogitatum meum in Domino, & ipse dabi
petitiones cordis mei. Ipse est in cuius manu corda regum cerca sunt, si inuener
gratiam in oculis eius, gratiam eius vel facile consequar vel vtiliter amittar
hæc ille.

C'est ainsi qu'il a fallu s'adresser à luy,
pour instruire avec reuerence sa Majesté, de ne
tourner la pointe de ses dards contre vn Prestre;

vieillard. Mais entre toutes les afflictions que ie reçois , la colere ne triomphera iamais tant de moy, qu'elle puisse arracher de ma voix, quelque clameur contre l'oiugt du Seigneur , ou me résoudre à implorer vne main forte & puissante, & le bras de l'Eglise pour le contraindre à nous laisser en paix. Car toute paix est suspecte , à laquelle les puissances souveraines sont plustost attirées par force que par amour. Elle se rompt facilement & souuentefois arrive que ce qui suit, est pire que le commencement. Il y a vne autre voye par laquelle ie la pourrai mieux acquérir.

I'adresseray ma pensee deuers le Seigneur & il accordera la requeste , & les desirs de mon cœur. Car en sa main les cœurs des Roys sont maniables comme cire. Si ie trouue grace deuant ses yeux ou il me sera facile d'acquérir celle du Roy , ou profitable de la perdre du tout.

Ces paroles qui sont vne recapitulatiō & sommaire de ce qui a esté dit iusques icy , font tressaillir mon ame de ioye, & m'escrier : ô Seigneur que beaux & admirables sont vos propos & arrests prononcez par la bouche de tous vos amis.

Mariana publie en hōme qui n'a point de fiance en vous, la reuolte & l'attentat: ceux cy la patience & l'esperance que l'on doit auoir en vous: Mariana, qu'il faut contraindre , ceux cy qu'il faut prier: Mariana qu'il faut leuer les armes, ceux ci que pour vne guerre particuliere que le Prince fait à l'Eglise, il n'est raisennable de trou-

bler la paix vniuerselle: Mariana qu'il faut assembler les Estats pour ranger le Roy, ceux-cy que cela ne se doit faire: Mariana releue en peinture hydeuse le tableau de la rebellion, & ceux-cy en taille douce l'image de l'obeyssance, de l'humilité, & du respect deu aux Roys, encore que meschans. Mariana ne vomit que sang, que fureur & que bouleuersement: ceux-cy disent qu'il n'est mesme loisible au Chrestien, de tuer le larron & l'agresseur pour se defendre, de crainte que voulant sauuer sa vie il ne souille la pieté. Bref Mariana calomnie, & ceux cy que suiuant les preceptes & iustus quære sibi vitam aliena morte non debet: ut pote qui etsi in latronem armatum inciderit, ferientem referre non possit, ne dum salutem defenderit pietatem contamine. Idem Hildebertus ep. 60.

Quod enim vir Christianus quærere sibi vitam aliena morte non debet, Ambrosius his ostendit verbis: vir verè Christianus

Et ego quidem apostolicis & dominicis eruditionibus institutus benedictionem studeo tuis imperator referre maledictis: contumeliis honorificentiam reddere: & odiis charitatem. Symmachus Papa Apologetico ad Anastasium imperat. eod. tom. 3. bibliotheca patrum.

Cet Empereur estoit heretique & fort mauuais.

ptes du Seigneur & des Apostres, il faut s'estudier de rendre benediction pour malediction, honneur pour iniure, charité pour hayne: & laisser la vengeance à Dieu. Le tout afin que nous soyons imitateurs de Iesus-Christ: que toutes choses soyent tranquilles, comme dit l'Apostre: Et que la paix tant recommandee par nostre Seigneur ne soit rompue.

De sorte que pour l'amour d'icelle il est necessaire, comme a dit Gennadius, de suivre son Pasteur, quoy que vicieux: D'autant que combien qu'il estrangle & deuore quelques vnes de ses brebis. Toutesfois sa presence, son autorité & la crainte de ses rigueurs sauueront le surplus de la gueule des Loups.

*Qu'il s'est trouué peu de Princes entierement parfaits,
qu'il faut excuser les infirmitéz des Princes, les
louer & admirer, quand parmy tant
d'occasions de mal-faire ils sont
vertueux ou non du tout
vitiieux.*

CHAP. XXXIIII.

Henry le
Grand IIII
du nom Roi
de France
& de Na-
uarre.



A i s clorray-ie ce discours sans re-
presenter aux estats, peuples & Prin-
ces estrangers, la perte incomparable
de nostre Henry le Grand, qui n'a e-
sté procuree que par l'erreur, & la
pernicieuse resolution de Mariana? Non, car i'e-
stime que leur colere en sera d'autant plus allu-
mee contre ces Escriuains si dangereux, conside-
rans le parricide abominable commis en la per-
sonne du meilleur Prince, & du plus triomphant
qui regnast en la terre.

Je ne veux point d'une langue trop flateuse le
mettre au dessus de toute humaine infirmité. Il a
esté homme & tel a eu quelque meslange des pas-
sions humaines, car il est assez vray ce que Pline
le ieune a escrit en son Panegyrique, qu'il n'y a
point eu de Prince si vertueux, ny tant accompli
duquel les vertus n'ayent esté voyssines de quel-
que vice. Celuy qui le moins en a eu, a esté le plus
heureux & le plus estimé.

Dieu a tesmoigné luy mesme de sa bouche, se

repentant du Deluge (si repentir peut tomber en ceste nature toute bonne & parfaite, qui ne peut faillir : mais c'est pour nous exprimer son infinie misericorde, qu'encore qu'il punisse iustement, neantmoins il en a regret) que les sens & la pensée du cœur de l'homme, sont des l'adolescence proclives au mal.

Alexandre le Grand, fut de verité si grand en l'excellence de ses meurs, qu'il a laissé en dispute à la posterité, si les merueilleuses victoires qu'il a gagnes, & tant de conquestes de pays doyent plustost estre attribuees à sa vertu qu'à sa fortune. Nous sçavons toutesfois que l'yurognerie & la superbe, luy ont fait commettre des actes indignes de sa Maïesté. Au premier des Augustes Césars, Octavius, on a remarqué des perfections admirables, mais des vices aussi, sa vie, ce dit Tacite, estoit hautement exaltee, & aussi reprise par le sages. Entre les Roys d'Israel, les plus renommez son Dauid & Salomon, à l'un l'adultere & l'homicide, à l'autre l'idolatrie est obiectee. Entre nos Roys & Empereurs, quel mieux couronné du Diademe des vertus que Charlemagne? Pourtant on sçait vne seule imperfection qui a esté parmy ses vertus, ainsi qu'une verrue sur un visage autrement beau, bien fait & bien formé.

Ceux qui examinent les vies des Princes souverains, lors qu'ils y rencontrent entre beaucoup de vertus quelque vice, doyent plainement louer & représenter, celles la pour estre imitees de la posterité : & quant à celui-cy il n'en faut faire qu'une breue remarque, comme en passant, & avec une miseration de l'humaine

infirmité qui n'est guere capable de produire vne nature toute parfaite, imiter le Sculpteur Lyssippus, lequel en toutes les images qu'il a faites du grand Alexandre l'ayant extremement bien rapporté au naturel avec toute la beauté qui estoit en sa personne, n'oublia d'observer vne legere imperfection qu'il auoit, de porter le col vn peu panchant sur le costé gauche: car de vouloir entierement cacher les defauts d'vn homme, pour le rendre tout Dieu ou tout Ange, c'est le fait d'vn flateur trop impudent, qu'il faudroit renuoyer à la chaire persee du mesme Alexandre pour flairer & sentir qu'en l'homme il y a de l'homme. Mais aussi de vouloir trop exagerer quelque vice, & le tirer comme vn rideau pour cacher toutes ses vertus, ce seroit vne mauuaitié & calomnie que l'on ne scauroit assez punir: Veux mesme que le Peintre Appelles est repris d'auoir fait le mesme Alexandre, plus brun & obscur de visage qu'il n'estoit. Speciallement on a suiet de louer les Princes quand ils sont plus vertueux que vitiex.

Car l'homme estant composé de deux parties diametrallement opposees, l'ame & le corps, l'on ne peut nier que le corps a beaucoup d'auantage pour estre le superieur, d'autant qu'il combat comme qui diroit sur sa terre & sur son fouyer: tout ce qui l'enuironne luy est naturel: tellement qu'il faut que l'ame soit bien assistee de bonne discipline & de grande grace de Dieu, lors que parmy tant de combats vaincue quelquefois, elle remporte aussi la victoire. Que si entre les viuans y a condition d'homme en qui cela se puisse ren-


contrer, c'est principalement aux Roys. Car estans au dessus de toute humaine correction, & n'ayans auprès d'eux que trop d'Anaxarchus qui leur persuadent que Themis est à leurs costez, pour leur mettre en teste, que tout ce qu'ils font est iuste & legitime, fust-il le plus inique du monde: & peu ou point de Platons qui osent librement les reprendre. Ce n'est point de merueille si parmy vne si grande abondance & licence de toutes choses, ils se laissent facilement conduire aux passions desreglees, mesmes à celles qui simpatissent plus avec le corps. Car il est certain qu'il y a des vices lesquels on reçoit plus insensiblement ausquels on resiste moins virilement, pource qu'ils viennent de nostre sang, s'engendre en nous mesme, & pour venir au iour tout à fait, n'ont besoing ny de sage femme ny de Chirurgien, d'autant que nostre volonté y sert assez. Ceux-là, s'il faut parler humainement, ont quelque apparence d'excuse, encore que deuant Dieu il faille répondre aussi bien de l'un que de l'autre. Et ainsi l'habitude & nourriture, conspirans avec l'inclination de la nature desreglee, par le peché du premier homme, il semble n'y auoir beaucoup dequoy s'estonner si les Princes, qui dès leur jeunesse ont assez de mauuais Conseillers, par les flatteries desquels ils sont inuitez aux vices, & l'apparence leur presentant toutes choses à discretion, ils n'en reçoient que trop aysement les impressions. C'est dequoy se plaignoit le pauvre Dyonisius, lors que de Prince estably par succession en vne puissante Seigneurie, deuenu maistre d'escole à Corinthe, il recognoissoit que la con-

dition des Princes estoit sans doute déplorable, & leur estat fertile en beaucoup de miseres: mais que la plus pernicieuse & plus facheuse, estoit qu'aucun de ceux qu'ils appellent leurs mignons & ont le credit d'approcher le plus prez d'eux, n'oseroient leur dire vne parole franche, veritable & vertueuse, & que par leur faute il s'estoit priué de la compagnie de Platon, qui pouuoit redresser ses mœurs à la vertu. Ce seroit sans doute vn grand bien, si l'on mettoit non seulement, comme vouloit Xenocrates aux enfans, mais sur tout aux Princes, des oreillettes de fer pour leur couvrir & defendre les oreilles à meilleure occasion, que iadis aux combattans à l'escrime des coups de poing. D'autant que ceux-cy ne couroyent hazard que d'auoir les oreilles deschirées, mais ceux là d'une corruption de meurs souuent irreparable. Car comme ainsi soit que les vices se coulent en nos ames par plusieurs endroits de nostre corps, & principalement par les oreilles, la vertu n'y entre que par vne porte, qui est les mesmes oreilles, de sorte qu'il est trop plus expedient d'y auoir des corps de garde, que non pas aux Louures, c'est à sçauoir des sages & graues Conseillers, recherchez & choisis exactement, à celle fin qu'il n'entre la dedans que des sages & vertueux propos. Or cela ne se rencontrant que difficilement (car la volonté de l'homme estant variable iusques au dernier periode de ses iours, tel aura fait vne disposition & testament de ses actions le plus beau du monde, que semblable à vne cire mole, approchant des delices & débauches de ceste Dame la Cour, il reuoquera tout, & fera le premier à donner son ame & son cœur

aux flateries & aux vices.) c'est vn grand heur & vne grande benediction quand vn Prince entre tant d'occasions & d'allechemens de mal faire, & si peu de Mercuries au chemin de la vertu est sinõ du tout homme de bien, au moins non plus meschant que bon.

Des vertus de Henry le Grand, combien elles sont en luy admirables, veu les occasions & affaires qui le portoyent au mal.

CHAPITRE XXXV.

 OMBIEN donc est louable nostre Henry le Grand, d'auoir eu tant de vertus, encore que les meurs depravees du siecle, la façon dont il a vescu, & tant d'aduersitez qu'il luy a fallu surmonter, semblassent le conduire par la main aux vices. Quant aux meurs ie n'en diray autre chose, Salomon me defend d'inuectiues contre le temps. Quand à la vie qu'il a esté contraint mener depuis sa plus tendre ieunesse, l'on sçait qu'elle a esté vn perpetuel exercice de guerre, duquel il seroit peut estre vray de dire, que non seulement les loix, mais encore les vertus sõt banies. Car qui épluchera la vie des plus renommez guerriers, trouuera que la licence des armes a beaucoup desbauché leur premiere vertu. Hercules à ce que l'on dit, fut au poindre de sa puberté, mis en vn carrefour de deux chemins, l'vn plain & tapissé de belles fleurs: l'autre sec, & montueux: le premier conduisant à la volupté, le second aux travaux & à la vertu, neantmoins bien conseillé, de son naturel il choisit d'entrer en celuy-cy, pource que l'issue en estoit

meilleure que de l'autre : & par ceste voye se fourrant au train de la guerre, alla domptant les monstres de la terre. Toutesfois sa vie ne fut exante de vice, mais ce vice estant peu à comparaison de ses autres vertus, les Dieux (pour vser des termes & de la fiction poëtique) ne le dadaignerent, ains apres qu'il eut passé par le feu, afin de purger ce qu'il y auoit en luy de contagion, le receurent en leur compagnie. Quelle plus belle montre de ieunesse, que celle du grand Alexandre, enseigné par le plus fameux Philosophe, que la docte Grece ayt porté? Quoy de Dauid? quoy d'Hannibal, & de tant d'autres Princes, auxquels la desbauche des armes, a fait receuoir vn peu d'alteratio? Ils ne laissent pourtant d'estre louez. Car comme il n'est raisonnable qu'une petite tache sur vne robbe royale, luy face perdre entièrement son prix: aussi n'est il iuste que la louange de beaucoup de vertus soit estoufee par vn peu de vice.

Quant aux aduersitez, ie sçay qu'elles sont ainsi que les viandes à l'estomac: si l'estomac est bon elles s'y conuertissent en bonne nourriture, s'il est mauuais en mauuaise. Aussi les hommes bien nez digerent fort bien les aduersitez, pour en tirer vn suc de sagesse & bonté, les autres s'en aigrissent & deuiennent farouches & cruels. De mesme qu'il y a des malades auxquels la longueur du mal engendre vn tel desplaisir de toutes choses qu'ils ne font que crier contre les Medecins & ceux qui les voyent & seruent. Que s'ils auoyent la force esgale au courage, ils voudroyent frapper à tout propos, D'autres qui par ceste
long


longeur s'habituent à la patience: mais il faut que ce soient des natures bien composées à la douceur. Nostre grand Henry, a esté de ceux-cy, car encore qu'il ait esté couru de toutes parts, que les armes sanguinaires l'ayent tousiours assisté: neâtmoins il n'a iamais fait paroistre aucun signe de cruauté en luy. On dit que Sertorius Capitaine si renommé, qui fit teste à la puissance de Rome, ayant pris ainsi qu'en ostage, sous pretexte de les faire nourrir & instruire en la ciuilité Romaine, les enfans des principales maisons d'Espagne, les fit vn iour tous mourir, transporté d'une aspre violence de courroux de ce que les Espagnols ausquels il auoit fait beaucoup de bien cōspiroiēt cōtre luy. Surquoi vn auteur discourât de la clemence & bonté qui auoit iusques là beaucoup paru en luy, dit que quelques vns ont creu qu'il n'estoit de sa nature humain, ny clement, ains que forçant son naturel, il se contre-faisoit tel, pour la necessité de ses affaires. Mais il vaut mieux iuger que depuis qu'une fois l'ame s'est confirmée en la vertu, il n'y a malheur si puissant, ny aduersité si forte, qui l'a puisse esbranler. Toutesfois il peut bien arriuer que les esprits douiez d'une douceur & bonté naturelle, encore qu'ils se courroucent difficilement, sortent par fois de ceste bonté naturelle, & s'eslancent à la cruauté, quand ils se voyent trop indignement traictez & affligez. De mesme que le Soleil qui trauersé de nuages, les perçant ainsi de colere, fait sentir ses rayons plus viuement allumez. C'est ce que l'on dit en commun prouerbe, que la patience irritée deuient fureur.

Or si Prince a iamais eu subiect de sortir par maniere de dire hors des gons, ç'a esté le deffunct Roy: & toutesfois parmi tant de fascheries que on luy a donnees, parmi tant de rebellions & conspirations contre sa personne, il s'est conserué pur & net de toute cruauté, de sorte qu'il pouuoit aussi bien dire que Pericles, que personne à son occasion n'auoit porté robbe de deuil ayant pardonné à tous ses ennemis qui ont recouru à sa clemence. Au reste il faut que la France recognoisse que ce qui l'a releuee de ses ruynes, renduë si paisible, & par le moyen de la paix si florissante, a esté la vertu & la prudence de son Roy, qui seule valoit tout son conseil. Et tous, tant les François que les estrangers porteront témoignage de l'exacte religion qu'il a eue en l'observance de la foy, non seulement à l'esgard de Dieu apres sa recognoissance, mais enuers tous ceux ausquels il l'a donnée, tellement que l'on a veu en luy quatre vertus eminentes par dessus les autres qu'il auoit, la clemence, la magnanimité, la prudence & la pieté qui luy ont iustement acquis le tiltre de Grand, pour l'auoir approché en tant que l'homme peut de la vraye semblance du grand Dieu: & l'amour tres cordiale de ses sujets, de laquelle quicōque eust voulu douter n'auoit qu'à remarquer les regrets & les sanglots que la perte d'un tel Prince a tiré de nos poitrines: sanglots d'autant plus irreprochables, témoigns de cest amour, qu'ils n'estoient subornez d'aucune esperance de gain, ny forcez par violence, ains partoient d'une franche volonté de ceux mesme qui n'auoient receu de luy du bien qu'en

general, & presque ne le cognoissoient que de nom & par les marques de ses faits magnanimes, qui paroissoient & paroissent encore de toutes parts.

*De la necessité des impositions sous Henry le
Grand. Du bien qui en est prouenu
& peut prouenir.*

CHAPITRE XXXVI.

 **V**E si entre tant de vertus il a eü quelque imperfection (comme il n'est nul parfaict que le seul dieu) la France qui a tant ressenüy les fruiçts de celles-là, & s'en est (s'il faut ainsi dire) engreslee, n'a point ressenüy celle-cy pour s'en plaindre, si ce n'est comme de chaud en plein esté, & du froid en plein hyuer : aussi des impositions sur lesquelles y auroit assez à discourir : & seroit vray de dire que la necessité du tēps & des affaires (dont nos mutineries estoient causes & consequemment de ces impositions) les ayant deu rendre tolerables comme le chaud & le froid en leur saison, la France en commun ne s'en fust que bien trouuée à la fin, quoy que les particuliers en receussent de l'incommodité. Mais il est certain par la maxime des sages politiques qu'il faut que le respect des particuliers cede à l'vtilité publique, cōme les pluyes, les vēs, les tēpestes & les rayōs du Soleil sont necessaires à l'vniuers, encore que par fois quelque contrée

d'iceluy en soit incommodée. Il est venu en vn Estat extremement endebté & appauuri par nos follies, de sorte que comme disoit Antigonus, estant contraint de glaner, au lieu qu'Alexandre maïssonnoit, la contribution se trouuoit plus fâcheuse. Il a considéré que les Princes voyfins estoient tousiours au guet, pour trouuer vne occasion de le surprendre: que les nerfs de la guerre sont l'argent, si bien qu'il en failloit faire prouision. Voila pourquoy il estoit contraint de faire des leuées, peut-estre plus grandes qu'il n'eust voulu, tant pour acquiter le Royaume, des-obli-ger sa foy, & entretenir ses pensionnaires & intelligences (enquoy cōme en vn tres-grād point d'état, sa prudēce estoit singuliere) que pour n'estre surpris au des-pourueu. Aussi l'occurrence a monstté qu'en cela de mesme qu'en tout ce qu'il a fait, son iugement a bien rencontré. Car sans le fonds de finance qu'il auoit, il n'eust dressé si promptement ceste puissante armee, avec laquelle joint le bruit de sa valeur & sagesse, il faisoit desia resoudre les ennemis à se rendre. Et deuons encore estimer que ce grand fons & ce puissant arsenal d'armes & d'argent, qu'il a laissé à nostre Roy son successeur, sera le moyen de conseruer la paix au Royaume tant dehors que dedans. D'autant que ceux qui scauent le moyen qu'il a de repouller vne entreprise & rompre vne factiō ne seront si temeraires que d'y penser. Dieu vueille que l'on vse bien de ceste espargne. Car en elle sans doute consiste apres Dieu, nostre bon heur & repos.

Que s'il y a eu de l'excez: c'est chose pourtant

dont ie ne veux parler. Car estans les Rois, images de Dieu, il faut que comme en Dieu nous sommes tenus d'approuuer tout, d'autant que la foiblesse de nos iugemens ne peut penetrer à ses secrets impenetrables: aussi nous ne deuons facilement s'indiquer les actions de nos Rois, d'autant qu'elles ne partent que de mouuemens secrets, qui sont le plus souuent à bonne fin, & ne se iustificient que par les occurrences. Que si vn Roy est tenu rendre raison au peuple de tout ce qu'il fait, il n'est plus Roy, & qui est le pis, c'est vn moyen de perdre l'obeyssance, dont la perte attire avec soy la ruine de l'Empire, comme disoit l'empereur Otthon, successeur de Galba. Si dis-je, il y a eu de l'excez, il seroit loysible l'imputer, à ce que personne ne luy faisoit entendre la pauureté de son peuple. Peut estre que s'il luy fut arriué comme à Antiochus surnommé le grand, de s'esgarer seul en la chasse & s'esberger en la cabane de quelque pauvre payfan, il eut pris plaisir d'entendre vn iargon, quoy que grossier, mais veritable, & qu'ayant le cœur tout capable de pitié, il s'en fut allez tost esmeu. Il faut croire d'un Prince, qui a tant tesmoigné sa naturelle inclination à la debonnaireté & compassion, que les desirs ne r'endoient qu'au bien de son peuple, & qu'ayant amené les affaires au point qui nous estoit necessaire, comblé d'heur & de gloire il se fut du tout donné à la bien-veillance de ses subjects, ainsi que le mesme Antigonus. De sorte qu'il nous reste d'accuser le funeste malheur, qui peut nous auoir enuié pource regard sa bonne volonté, ou que nos pechez ne le meritoient pas.

*Du moyen de soulager le peuple sans
nuire à l'estat.*

CHAPITRE XXXVII.



Nous deuons esperer de nostre Roy
que successeur de la Couronne & des
vertus d'un si grand Prince instruit
& gouverné par vne mere si ver-
tueuse, il acheuera le comble de la
douceur de son seigneur & pere, puis qu'il trouue
vn Royaume si florissant & vne espargne telle
que moyennant le bon mesnage qui en sera fait,
il est facile de l'accroistre & soulager son peuple
pourueu qu'il s'en rende digne par obeissance.
Non qu'il faille rien diminuer ou innouer en la
nature & qualité des impositions. Il me souuient
de ce que dit vn Historien que Neron qui a eu
des esclancemens estrangers de trop grande bon-
té & cruauté detestable, tomba vn iour en fan-
taisie de supprimer toutes les daces & subuen-
tions. Mais que les sages Senateurs ayans loué la
grandeur de son courage, retindrent son impe-
tuosité, luy remonstrans que du retranchement
des reuenus dont la republique estoit soustenue
s'ensuiuroit sa ruine, & que le peuple insatiable
demanderoit incontinent apres l'exemption des
tailles. Ce qui me semble auoir esté vn grand
coup d'estat: car de même qu'à vn corps humain
aussi à l'estat si vous ostez les viandes ausquelles
il s'est habitude vous le mettez en hazard de ma-

Tacite lib.

13. Annal.

Dubitaui

Nero an

cuncta ve-

stigalia o-

mitti iube-

ret: idque

pulcherri-

mum donū

generi mor-

taliū daret.

Sed impe-

tum eius,

multum

prius lauda-

ladie. Comme le peuple souffre patiemment, ce à quoy il est vne fois accoustumé, aussi le gratiffiât de quelque suppression vous ne faites qu'irriter sa faim & allecher sa cupidité d'estre tout à fait deschargé. Puis la necessité des affaires requerant de remettre ce que l'on aura vne fois osté, il pensera que l'on luy fait vn grand tort, grondera & fera peut estre pis pour ne s'y soumettre. Les histoires nous en doiuent faire sages, tellement qu'il vaut mieux laisser l'estat sans y rien diminuer ou innouer en la qualité, car quant à la quantité le Roy peut bien gratifier son peuple de quelque rabais de tailles, & diminuer le pris & la leuee de chaque imposition (sans toutesfois en abolir pas vne) maintenant qu'il est, dieu mercy, en bonne paix & que le fons qu'il trouue en l'épargne, peut estre facilement augmenté. En quoi si son conseil trouue qu'il soit expedient d'en verser ainsi, il se conciliera de plus en plus l'affection de ses suiets, & quand la necessité demandera vn rehaussement de ce qu'il aura diminué il luy arriuera comme à Constance digne pere du grand Constantin, de trouuer plus que iamais leurs bourses ouuertes pour y prendre à son commandement. Du moins le rehaussement se fera sans que presque on s'en apperçoie (pourueu qu'il ne soit trop violent tout à coup) non plus que d'une douce croissance d'eaux. Et ne serrant tout l'argent en vn lieu, ains en laissant vne bōne part dispersée, il fera comme le sage Oeconome & surintendant du Roy Pharaon qui ayant fait vn grand amas de blé durant la fertilité des sept premieres années en distribua par apres au

ta magnitu
dine animi
attinuere.
Senatores,
dissolutio-
nem impe-
rii docen-
do, si fru-
ctus quibus
respub. su-
stinetur, de
minueren-
tur.
Quippe su-
blatis por-
toris se-
quens vt
tributorum
abolitio ex
postulare-
tur.

Euseb. lib. x
de la vie de
Constantin

peuple, & par ceste distribution, rendit le Roy plus riche que deuant. C'est à peu près ce que vouloit dire Theodoric Roy des Goths: les biens faits des Rois, sont ainsi que la semence: repandus en plusieurs endroits ils multiplient, mais ramassez en vn lieu, il n'en reuient aucune vtilité.

*La cause & l'auteur de l'abominable parricide commis
en la personne de nostre bon Prince
Henry le Grand.*

CHAPITRE XXXVIII.



ONc le defunct Roy, ayant esté tel, c'est merueille qu'ils se soient trouuez des homes si plains de l'esprit malin, que d'auoir attenté contre sa personne: & des hommes encore qui n'estoiēt portez à ceste impieté par aucun dessein de grandeur, car leur condition n'en estoit pas capable, ny pour auoir receu de luy quelque iniure en leur particulier, ny pour estre suscitez par ceux qui se pouuoient par sa mort promettre quelque chose: car telles gens ont ordinairement le cœur si franc, qu'ils ne voudroient seulement penser à bastir les eschelons de leur ambitio, d'une matiere si execrable. De sorte que la cause de ces parricides estât occulte & cachee, il n'en restoit que l'estōnement & la detestation publique. Car on a veu que pour quelques tourmens que ces furieux ayent enduré, l'on n'a ia-

mais peu descouvrir qu'ils ayent eu autre complice, que leur abominable volonté. Dont pour mon regard & en mon particulier i'ay loué Dieu, d'autant que si leur mauuais naturel eust operé le mesme effet, que de celui qui preueni d'une coniuration, accusa tous les amis du Tyran Hieronymus, quoy qu'ils fussent innocens, où en estions nous ? sans doute aux cousteaux & au sang plus que iamais. Car ils nous engageoyent à vanger la mort d'un si bon Prince, voyre au peril & hazard du Royaume. Qui donc & d'où pouuoient estre suggerees aux ames de ces perdus des entreprises si damnables ? de Dieu ? non : ce seroit horrible blasphesme de le penser seulement, & en Manicheen le faire autheur du mal, luy qui n'a fait & ne peut faire que tout bien. Du Diable ? ouy : Car ce sont des marques & tesmoignages de l'enuie qu'il porte au genre humain. Il a peut-estre creu autres-fois, voyant ce Prince hors du gyron de l'Eglise, qu'il seroit vn moyen de perdre beaucoup d'ames, & qu'estant Martial, il entretiendroit tousiours la guerre, qui est vn instrument fort propre de faire tresbucher beaucoup de gens en sa cauerne : mais encore que ce vieil Sathan, veuille contre-faire le deuin, & parfois y rencontre en tant qu'il plaist à Dieu le permettre, par vne cognoissance merueilleuse qu'il a de tout ce qui est au monde, & la grande experience que le long aage luy a donnee, toutesfois ses presomptions l'ont deceu.

C'est pourquoy fasché que ce Prince ayant abiuré son erreur, demeueroit si ferme & resolu en l'obeissance du S. Siege, & que par vne florif-

Mariana.

sante paix qu'il auoit mise au Royaume l'instruction au bien & a la vertu faisoit tous les iours paroistre des effets, il a voulu appointer toutes les machines de sa malice, pour renuerfer toutes choses. Et sçachant qu'il est dit en l'Escripture, ie frapperay le Pasteur, & les ouailles seront dispersées, prenant mal à propos cela pour luy, & s'abusant en l'intelligence du passage, Il a delibéré se prendre à nostre chef, comme se plaignant d'en auoir esté trompé d'une vertueuse & louable tromperie. D'y venir à forcejouuerte, il y voyoit de la difficulté. Comment donc? Il a cousu la peau du Renard à celle du Lyon, & ainsi que la Panthere, contre-fait ou emprunte vne belle voix, pour attirer quelqu'un à l'ouyr. Il s'est en vn mot transfiguré en Ange de lumiere, se seruuant de l'opinion detestable qu'il a fait escrire à plusieurs qui s'estiment doctes, que sous pretexte de tyrannie, il est permis de tuer les Roys. De ceux-cy est Mariana, lequel a esté d'autant mieux receu & approuué des ames foibles & meschantes, qu'il est du corps & d'une compagnie de ceux qui vivent en apparence de vertu & de deuotion. De sorte que l'on luy peut dire comme Phocion à Archybiades, puis que tu voulois vser de ce langage que ne changeois tu ceste robbe & ceste mine qui te fait paroistre Lacedemonien, c'est à dire homme de vertu? L'on a creu par les responses de ce mal'heureux parricide que son méchant naturel, & le diable l'auoyent porté à la lecture de Mariana: & faut croire que le diable luy persuadant la dessus, contre nostre bon Prince, des chymeres de tyrannie, qui ne manqueront iamais

à ceux auxquels l'antecedent sera persuadé, luy fit donner le coup sacrilege que nous & nos neveux auront tousiours subiet de plorer. C'est pourquoy la Cour de Parlement iugea qu'il estoit necessaire de rendre ces liures infames & odieux à la posterité.

*De l'equité, prudence, & authorité de la Cour de
Parlement de Paris.*

CHAP. XXXIX.

NL me plaist de faire en cet endroit une petite digression pour resiouyr mes yeux, non en l'esclat des robes rouges de ce Senat Auguste, mais de la prudence qui en sort. Nous lisons que l'Empereur Othon, reprimant les Soldats Pretoriens qui faisoient bruire leurs armes contre celuy de Rome, leur tint ces paroles : Comment pensez vous que ceste ville si belle soit maintenue par tant de pierres rangees les vnes sur les autres & disposees en maisons? Ne le croyez pas, car ce sont choses inanimees qui peuvent tomber, & de leur ruyne & decadence estre releuees: mais l'assurance & l'eternité des affaires, la paix des nations, & le salut du Prince avec celuy des subiets, depend de la manutention du Senat. Cela pouuons nous bien dire en verité du premier des Parlemens, en qui principalement est representee la M. du Roy, cōme estant la Cour

Tacite lib.
I. histor.

C'est ce
qui fut dit
par M. de
Monluc E-
uesque de
Valence en
sa harâgue
aux Estats
de Pologne

des Pairs, dont il est le chef: Parlement dont la probité a tousiours esté si recommandee, que comme l'ancienne Grece a vanté celuy de l'Areopage, pource que les Dieux s'estoyent remis de leurs differens à sa Iustice: aussi lisons nous que les Princes estrangers y ont voulu leurs procez estre iugez, comme Frideric II. contre le Pape Innocent III. le Comte de Namur, contre Charles de Valois, le Roy de Castille, à l'encontre du Roy de Portugal, & autres. Et nous voyons iournellement que les débats des Princes & grands Seigneurs de France, pour lesquels terminer il faudroit peut estre ioncher la campagne de corps adentez les vns sur les autres, sont la vuidez par vn arrest, auquel ils acquiescent, & se tiennent à ce qui en est ordonné. En quoy sans doute Dieu fait bien paroistre les merueilles de sa iustice Parlement venerable en tous ses membres, & principalement en son chef, tant pour sa vieillesse agreable, que pour sa prudence & son equité, qui luy ont acquis vne authorité si grande, que veritablement il est l'Achilles de la Iustice: & deuons bien craindre que quand Dieu nous l'aura osté, il ne faille crier, non comme apres le trespas d'un grand Romain, que les murs de Rome, mais que ceux du Parlement sont à bas. Je ne fais point profession de flaterie. Aussi ne crains-je pas que quand ie resperdrois tous les Eloges d'honneur sur ce chef, elle me peust estre imputee. Car l'enuie mesme pressée de la verité, plus forte, ny que le vin, ny que les femmes, ny les Roys, & tout ce que l'on scauroit dire, comme il
Esdr. 3. c. 3 fut prouué au banquet du Roy Darius, seroit

contrainte de le louer : mais mon insuffisance ne pouuant atteindre à si haut merite, j'ayme mieux emprunter ce qu'a dit Homere de son Vlyse, qui estoit chef de la iustice en l'armee des Grecs :

En bon conseil, en faconde eloquence,

Et en vertules autres il deuance :

Qu'il a de zele & que d'entendement.

Il l'a bien fait paroistre apres la mort de nostre Henry le Grand. Car si tost que la triste nouuelle en fut apportee au Palais, assemblant ces graues Senateurs, qui conspirent tous avec luy au bien du Royaume, Il prononça le celebre arrest de la Regence, en la personne de nostre Roynne tres-honnoree, lequel nous pouuons dire auoir esté la chesne doree, sortant de la bouche d'Hercules, qui attiroit & vnissoit à soy les volontez. Et par ceste prudente & necessaire soudaineté, ne remettant au lendemain les affaires, fut cause d'un coup d'Estat, aussi grand & important qu'il en pourroit estre. En quoy l'autorité de la Cour a bien paru & fait voir, que combien qu'elle ne soit autant respectee au beau temps qu'elle merite, toutesfois aux necessitez de la France, il y faut tousiours reuenir.

Arrest de
la Regence
du 14. de
May 1610.

Apres la celebrite de cet arrest, il a fallu penser tant à la punition du Parricide, qu'à retranscher ce qui peut estre la cause de ces furieux attentats. Quand au premier, le supplice a esté tel que l'on scait, non si grand que le crime l'auoit desserui. Mais quelles sortes de tourmens pourroyent estre condignes à ce sacrilege? Pour le second, puis qu'il y auoit apparence de croire que

ces attentats ne procedoyent que d'une maudite opinion, qu'il fust loisible de toucher à la personne des Roys, sous pretexte de tyrannie, il a esté nécessaire d'abolir les escrits de ceux qui en ont osé faire les questions, & conclurre pour l'affirmative. Mariana n'est pas seul, mais comme en une sedition tumultuaire, on fait le chastiment de la multitude en celuy qui a peu faire le mal, la Cour a iugé qu'il falloit pour tous les autres punir Mariana par son liure, comme le plus eminent & qui peut auoir le plus d'autorité de persuader : que ceste punition seruiroit pour tous les autres, afin de monstrier qu'estans deferez elle en fetoit autadt, & que par la suppression de ce traité de Mariana, estoit aussi entendue la suppression & defence de tous les autres semblables. Car, comme dit la Loy, les arrests ne peuuent pas comprendre tous les accidens, mais ils doyuent servir au iugement & decision de choses pareilles, quand elles se presenteront.

l. 12. de legib.

*Combien il est necessaire d'examiner
les livres avant qu'ils soyent
imprimez.*

CHAP. XL.

PLATON recherchant la perfection d'une Republique, veut que l'on n'y introduise ny Artisan, ny Poëte ny Philosophe, que ceux qui par vne grace & vertu naturelle ou habituelle & apprise, peuuent représenter l'effigie de ce qui est beau, decent, & honneste: chassant au reste tous ceux qui par images ou par écrits pourroyent suborner la ieunesse, entre autres Homere ayment mieux y receuoir vn Poëte plus rude & grossier, mais apprenant & ne chantant que la vertu: car estant vrai que rien n'est en l'esprit que ce qui a passé par les sens, il est certain que les objets ont beaucoup de puissance de l'affecter au bien ou au mal. C'est pourquoy Lucian faisant parler Menippus: pour moy, dit-il, quand ie lisois en Hesiode & Homere, les seditions, les guerres & rapines, non seulement des demi-Dieux, mais des Dieux mesmes, ie croyois que tout cela estoit bon & beau, autrement qu'ils ne l'eussent pas fait. C'est ce que saint Augustin en sa Cité a remarqué du iouuenceau de Terence, qui se confirme en son vice, par la representation des folles amours de Iupiter & Danaë. Sans doute que tout objet qui peut prouoquer au mal, est dangereux, perniteux, & à reprouuer. Aussi le mesme Platon vouloit que rien ne vint au iour de quelque art que ce fust, qui n'eut premierement passé par l'examen des maistres de l'art. Il seroit pareillement necessaire, speciallement pour les liures,

qu'il n'en fut imprimé que ceux qui seroyent approuuez par des personages vertueux, doctes, prudens, & versez non seulement en la Religion, mais aux affaires d'Estat : & que non seulement ils fussent examinez par des hommes Ecclesiastiques, mais Politiques aussi. Car il n'est pas des liures comme des autres œuvres. Ce qui est de bois, de bronze, & d'autres semblable matiere, perit & se perd avec le temps, mais l'écriture deuient le plus souuent eternelle. C'est pourquoy les hommes cupides de gloire, ont tant fait d'estat des doctes & sçauans, qui pouuoient celebrer leur nom, que le Grand Alexandre desiroit vn Homere, pour chanter ses beaux fais: Que les Scipions entretenoyent le Poëte Ennius, & que aussi l'on a tousiours supprimé le plus que l'on a peu les liures de mauuaise & dangereuse erudition.

Car ce sont des Docteurs muets qui demeurent tousiours. De sorte que l'on a tout loisir de les lire & relire. Que si tant de mauuais liures se sont conseruez iusqu'à nous, par le cours de plusieurs siecles, encore qu'ils ne fussent qu'escriis à la main: combien seront-ils doresnauant conseruez par le benefice de l'Imprimerie, qui en peut & si facilement faire tant d'exemplaires, qu'il est impossible que la memoire en soit perduë!

Nostre mal-heur fera peut-estre que les Princes & Magistrats y songeront mieux à l'aduenir, & loueront pour ce regard, l'arrest que nostre Iustice a rendu contre Mariana, apres en auoir eu l'aduis de la faculté de Theologie, assemblee

compagnie à laquelle on ne peut, ôster la reputa-
 tion qui luy est bié deuë, d'estre la plus profonde
 & mieux vertee en la cognoissance de la science
 diuine qui soit en la Chrestienté. Aussi a elle en
 tout temps rendu des resolutions si sainctes &
 certaines, que la religion Catholique en est be-
 aucoup edifiée, & n'est iamais sorti de ce Colle-
 ge aucun aduis que salutaire à l'Eglise & aux
 consciences: De sorte que Mariana sera vn opi-
 niatre heretique, s'il ne se rend à la condamnatiõ
 d'vne compagnie si pleine de doctrine & de pro-
 bité, qui n'a rien fait en le condamnant que sui-
 ure la pureté de la loy Euangelique. Et puis qu'il
 peut voir combien il a grandement failli, il doit
 sans honte abiurer vne proposition si domma-
 geable & contraire à la verité. Que s'il ne le veut
 faire, son Prince l'y doit contraindre.

*Recapitulation du danger qui prouient de la doctrine
 de Mariana: Conclusion par les
 Eloges de la paix.*

CHAPITRE XLI.

NOVS lisons que certains Roys &
 Empereurs ont autrefois vangé la
 mort d'autres Roys leurs ennemis:
 & a t'on dit qu'en ce faisant ils asseu-
 roient leur vie & leur Couronne:
 Ceux qui regnent maintenant s'asseureront aussi
 en vangeât sur Mariana le parricide de nostre bõ
 Prince, qui ne se peut attribuer à autre qu'à sa

pernitieuse doctrine. Non que les circonstances de tyran qu'il designe se rencontraient aucunement en luy: les pleurs, les regrets des François & ses œuvres tesmoigneront tousiours qu'il en estoit du tout esloigné. Car aurions nous si peu d'entendement de plaindre la perte d'un tyran? La France proteste & protestera tousiours que c'estoit un Prince si bon qu'elle s'estimera bien heureuse à iamais ayant l'assurance que ses successeurs luy ressembleront. Donc dira quelqu'un, Mariana n'est cause de sa mort, puis qu'il ne conseille que celle d'un tyran, & encore par une deliberation publique, si ce n'est au cas que l'estat soit opprellé. Je pense auoir desia satisfait à ceste obiection & montré que par la seule proposition qu'il soit loisible de tuer les Roys sous pre-texte de tyrannie, les vies des meilleurs Princes sont en hazard: & que quicōque se laissera la persuader sera facilement emporté aux folles impressions de tyrannie: il ne faudra que le rebut de sa fortune, que le dépit d'estre refusé de quelque chose qu'il osera desirer iniustement du Prince, ou un mauuais esprit qui le possedera pour prendre une mauuaise creance. Ne voyons nous pas iournellement des hommes qui mesdisent de la iustice & des iuges apres auoir perdu leurs procès, encore que leur cause ne valut du tout rien? Qui disent mille maux, & mille iniures de leurs parties, encore qu'elles leur contestent un droit legitime? il y a des ames qui n'estiment le mal & le bien, le vice & la vertu, la iustice & l'iniustice que selon leur pensee. Puis irritez quoy qu'à tort contre le Prince ils se persuaderont encore

que ce qu'il n'y a personne qui murmure contre luy, que la republique ne s'assemble pour faire vn decret contre sa personne, ne procede pas ou d'amour ou de ce qu'elle recognoist ou doit recognoistre qu'elle n'a ceste puissance, ains de ce qu'elle est retenue par son autorité. Il seroit difficile de croire que tant d'absurditez puissent tomber en l'esprit d'un homme : mais pleust à Dieu que nostre calamité n'en fit sages & sçauans nous & toutes les nations : sont elles pas mesme tombees en l'esprit de Mariana, si temeraire de s'estre persuadé de nostre bon Roy Henry troisieme, des tyrannies que ses propres sujets confessent n'auoir iamais ressenties ? Que s'il se fust tenu à la loy de Dieu & des Apostres, s'il l'eust seulement écrite & preschee, il auroit estouffé les premiers mouuemens qui peuuent surprendre les desesperes : car lisans que d'un commun consentement de tous les hommes, les Roys sont personnes sacrees quels qu'ils soient, qu'il n'y a que Dieu qui puisse mettre la main sur eux, sans doute que ce sera vne barriere puissante d'arrester la course extrauagante de leurs esprits. Mais ceste barriere ouuerte, ils courront determinez a toute meschante resolution.

Voila donc le bien qui peut reuenir aux Princes, & le danger qu'ils peuuent eiter de punir & supprimer vne doctrine qui leur est si dommageable.

Mais vous qui auez en vostre compagnie, ce pernitieux escriuain, songez que vous ferez vn grand œuvre de conscience & fort agreable à Dieu, le forceans d'une force legale

par l'autorité que vous auez dessus luy de repandre en l'vniuers vne meilleure doctrine. Car estant escrit que bien heureux sont les pieds qui euangelisent la paix, bien heureux les pacifiques & debonnaires, d'autant qu'ils possederont le Royaume du ciel & verront la face de Dieu, vous pourrez participer à ces beatitudes, serez veritablement Disciples, & de la societé de Iesus, qui n'a rien plus recommandé que la paix, faisans cognoistre aux hommes que vous haïssez ceux qui font temerairement des discours contraires à la paix, qui ne peut subsister s'il est permis de tuer les Roys, en la personne desquels quelques meschans qu'ils soient, consiste le repos & l'vniion de l'estat.

O paix Alcyon du monde, qui fais esclorre & produire toutes choses par la tranquillité que tu amenes, soleil de l'vniuers qui rassereine les cœurs, bien commun de la nature, beauté de la terre, fontaine de toute felicité, douce influence qui distile tant de bon heur, puisse tu chere fille de Dieu estre iointe à ce noble Royaume d'un mariage si estroit que iamais nous ny voyons du diuorce. Veuille Dieu te donner à l'âme de nostre grand Henry, duquel les vœux ayans vniquement tendu à t'aimer me font croire que le Roy des Roys qui a promis son Royaume à ceux qui te cheriront, luy a baillé pour échange d'une seigneurie temporelle vne principauté qui iamais ne luy sera ostee. Nous auions vne esperance non vainement conceue, que sa vie estoit l'arc-boutant & le soustien de la paix en nostre France. Ce bras armé tenant y-

ne espee en sa main, avec ceste deuise, vn seul en defend deux, nous enseignoit à mon aduis que ceux qu'il defendoit estoient la paix & le Royaume: la paix entre les siens par son autorité, le Royaume contre les estrangers par sa valeur. Maintenant que ce bras n'y est plus, desesperons nous de la deffence de ces deux? Non, pourueu, que ses vrais amis & seruiteurs ayans la memoire en honneur, nous monstriers la cherir plus tost en accomplissant ce qu'il a voulu que non pas en respandant des vaines larmes sur sa tombe. Il nous a fait voir que son cœur a tousiours esté disposé à la paix: aimons la donc comme lui, fermons les oreilles à ceux qui nous voudroient seduire du seruice de Dieu, de nostre prince & de sa tres-chere mere mettons sous le pied toutes contentions, les grands l'ambition, les nobles, la violence, les iuges l'iniustice, le predicateur les propos seditieux, le peuple la desobeyssance: & tous en general l'irreuerence enuers Dieu & ceux auxquels nous deuons du seruice, du respect & de l'obeyssance. Viuans en ceste sorte nous serons assiste de bras celeste qui fortifiant au lieu du defunct Roy le bras de son successeur defendra la paix & le Royaume. plaise au grand Monarque du monde courir de l'aile de sa bonté nostre ieune Prince, & l'instruire en l'escole de sa sagesse, afin que croissant en luy avec l'aage, il soit bien tost capable de gouverner & defendre son Royaume, & que l'heureux & vertueux commencement de Salomon soit à luy le cours entier d'une longue vie.

CENSURA SACRÆ FACULTA-
tis Theologiæ Parisiensis contra impios &
execrabiles Regum ac principum parrici-
das.

ANNO Domini 1610. cū sacra Theolo-
gia facultas ob festa Pentecostes & Comi-
nia priuata inter viros selectos ordinis Theo-
logici in presenti negotio agitata suos statos
& ordinarios conuentus prima aut secunda die Iunii
habere non potuisset, illos in diem quartum Iunii tran-
stulit, atque omnes magistros Theologiæ in vim obe-
dientiæ quam emisso sacramento facultati spoponderunt,
in Collegium Sorbonicum conuocauit, vbi post Mis-
sam de sancto Spiritu more solito celebratam delibera-
runt super executione Senatusconsulti, cuius hæc summa
est.

Curia Parlamenti decuriis, maiore, rerum Capita-
lium, atque edicti vna congregatis, procedendo ad iudi-
cium & litem Capitalementem ac extraordinariam cognitoris
generalis Regis postulatione instructam aduersus nefan-
dissimum, crudelissimum & execrabilissimum parricidium
in sacratam personam Henrici IV. Regis patratum, au-
dito cognitore generali Regio decreuit atq; decernit vt di-
ligentia & procuratione Decani & Syndici facultatis
Theologiæ eadem facultas quāprimum cōuocetur, addeli-
berandum super confirmatione decreti prædictæ faculta-
tis, quod die 13. Decemb. anno. 1413. à centum quadra-
ginta & vno Theologis eiusdem facultatis constitutum,
dehinc vero Concilii Consistentiæ auctoritate roboratum

fuit, quo decreto definitur, Nemini licitum esse quacumque occasione, causa aut prætectu quasito sacrosanctis regum & aliorum Principum supremorum personis vim inferre, deinde ut decretum quod in eiusdem facultatis Comitibus statueretur, omnium Doctorum qui comitiis & deliberationi interfuerint necnon etiam omnium bacchalaureorum, qui cursum Theologicum decurrunt, singulis muniat, quo tum demum audito super ea re cognoscere generali Regio Curia decernat quod iustum & rationi conforme erit. Datum in Parlamento 27 Maij anno Domini 1610. signatum Voysin.

Itaque eadem sacra facultas, ut mandato Amplissimi ordinis tam iusta & necessaria præcipientis obtemperaret, primum priuata, deinde publica habuit comitia: considerans autem sibi ex officio incumbere, ut suam censuram & iudicium doctrinale cunctis illud poscentibus declaret, atque Parisiensem Academiam à primis suis incunabulis parentem & alumnam optime ac saluberrimæ doctrinæ, perpetuo extitisse, bonum & tranquillitatem Reipublicæ ab ordine, ordinem porro & pacem secundum Deum Opt. Maxim. à Regum & principum salute pendere, ac solius esse principis aut potestatis politicæ gladio uti, Rom. 13. insuper paucis abhinc annis nonnulla peregrina, seditiosa atque impia dogmata inualuisse, quibus plerique priuati homines dementati sacrosanctos Reges & Principes execranda appellatione Tyranni contaminare, hocque nefario prætectu, necnon Religionis, pietatis aut boni publici iuuandi vel promouendi specie in sacrosancta Regum & Principum capita conspirare, suasque manus parricidas sacro illorum sanguine cruentare, et continuo potentissimam fenestram aperire non horrent ad perfidiam, ad fraudes insidias, produtiones, populorum interneciones, urbium, provinciarum, ac regna-

rum florentissimorum excidia & ad alia innumerabilia nequitiae genera, quae civilia aut externa bella concomitantur solent, demum tam pestifera & diabolica dogmata hodie in causâ esse ut qui decessionem ab Ecclesia Catholica & Romana fecerunt, in suo errore obdurescant, virosque religiosos, Doctores & praelatores Catholicos quanquam insones quasi talia docerent vel auctorarent, fugiant ac detestentur.

Eadem, inquam, facultas hac & similia consideratè perpendens, magna animorum consensione & alacritate ista peregrina & seditiosa dogmata velut impia, heretica, societati civili, paci & tranquillitati publicae ac religioni Catholicae penitus contraria execratur atque condemnat, in cuius rei fidem ac testimonium decretum antiquum sibi de integro renouandum esse duxit, quod ducentis abhinc annis a 141. Theologis sancitum fuit in condemnatione huius execrabilis propositionis.

Quilibet Tyrannus potest & debet licitè & meritorie occidi à quocumque suo vassallo aut subdito & per quemcumque modum maximè per insidias & per adulationes non obstante quocumque iuramento aut confederatione facta apud eum, non expectando sententiam, aut mandatum indicis cuiuscumque.

Sequitur vero Censura facultatis.

Hæc assertio sic generaliter posita, & secundum acceptionem huius vocabuli Tyrannus, est error in nostra fide & doctrina bonorum morum, & est contra præceptum Dei, non occides, propria auctoritate & contra hoc quod dicit Dominus noster, omnes qui gladium acceperint, (glossa, propria auctoritate) gladio peribunt. Item hæc assertio vergit in subuersionem totius Reipubl. & vniuscusque Regis aut principis, item dat viam & licentiam ad plura alia mala & ad fraudes & violationes fidei,

& iuramenti, & ad proditiones, & generaliter ad omnem inobedientiam, subiecti ad dominum suum, & ad omnem infidelitatem, & diffidentiam vnus ad alterum: & consequenter ad æternam damnationem: item ille qui affirmat obstinate talem errorem & alios qui inde sequuntur, est hereticus & tanquam hereticus debet puniri etiam post suam mortem. notetur in decretis 23. q. 5. & c. factum anno 1413. die Mercurii 13. Decemb.

Quæ Censura Facultatis Parisiensis in Synodo Constantiensi sessione 15, anno 1415. pridie nonas Iulii his conceptis verbis comprobata fuit. Præcipua sollicitudine volens hæc sacrosancta Synodus ad extirpationem errorum & hereseon in diuersis mundi partibus inualescentium prouidere, sicut tenetur & ad hoc collecta est, nuper accepit, quod nonnullæ assertiones erroneæ in fide & bonis moribus ac multipliciter scandalosæ totiusque reipublice statum & ordinem subvertere molientes, dogmatizatae sunt, inter quas hæc assertio delata est, Quilibet Tyrannus potest & debet licite & meritorie occidi, per quemcumque vassalum suum vel subditum etiam per clanculares insidias & subtiles blanditias vel adulationes, non obstante quocumque præstito iuramento seu confederatione factis cum eo: non expectata sententia vel mandato iudicis cuiuscumque. Aduersus hunc errorem satagens hæc sancta Synodus insurgere & ipsum funditus tollere, præhabita deliberatione matura declarat, decernit & definit huiusmodi doctrinam erroneam esse in fide, & in moribus, ipsamque tanquam hereticam, scandalosam & ad fraudes, deceptiones, mandacia, proditiones, periuria vias dantem reprobatur & condemnat, declarat insuper, decernit ac definit quod pertinaciter doctrinam hanc perniciosissimam asserentes, sunt heretici & tanquam tales iuxta Canonicas sanctiones puniendi.

Sacra igitur facultas strictè accurateque exploratis omnium & singulorum Doctorem suffragiis primo anti- quam illam censuram facultatis Synodi Constantiensis sanctione firmatam non modo iterari, verum etiam om- nium hominum animis inculcari debere. Secundo censet, seditiosum, impium & hereticum esse quocumque quæsto colore à quocumque subdito, vassalo, aut extraneo sacris Regum & Principum personis vim inferre.

Tertio statuit ut omnes Doctores & Bachalaurei Theo- logiæ, quo die instituta & articulos facultatis iurare con- sueverunt, in hoc similiter Decretum iurent ac singraphæ suæ appositione obtestentur se illius veritatem docendo & concionando diligenter explicaturos.

Quarto ut hæc acta tum Latine cum Galicè typis man- dentur ac promulgentur.

De mandato Domini Decani & sacratissimæ
Facultatis Theologiæ, signatum de la Cour.
Collatione facta, VOISIN.

Chapitre dernier, contenant les deliberations de la Sorbonne contre les Parricides des Roys, & l'Arrest de la Court, contre le liure de Mariana.

L'AN de nostre Seigneur mil six cens dix, la sacree Faculté de Theologie, n'ayant peu tenir sa congregation generale & ordinaire, le premier ny le second iour de Iuin (à cause des festes de Pentecoste, & des deputez d'icelle Faculté, assemblez pour donner leur aduis sur l'affaire qui se presentoit. (la remist & transfera au quatriesme Iuin, auquel iour elle fist assembler au College de Sorbonne, tous les Docteurs, en vertu de l'obeyssance par eux iuree à ladite Faculté, pour (apres auoir celebré la Messe du S. Esprit, ainsi que l'on a de coustume) deliberer sur l'execution d'un Arrest de la Court de Parlement, dont la teneur s'ensuit.

LA COUR, les grand Chambre, Tournelle, & de l'Edit assemblez, procedant au iugement du procez criminel & extraordinaire, fait à la requeste du Procureur general du Roy, pour le tres-meschant, tres-cruel, & tres-derestable Parricide, commis en la personne sacree du Roy Henry III. Ouy sur ce le Procureur general du Roy, A ordonné & ordonne, qu'à la diligence des Doyen & Sindic de la Faculté de Theologie, ladicte Faculté sera assemblee, au premier iour, pour deliberer sur la confirmation du

Decret d'icelle, du treiziesme Decembre, mil quatre cens treize, resolu par la Censure de cent quarante vn Docteurs de ladite Faculté, depuis authorisé par le Concile de Constance, *Qu'il n'est loisible à aucun, pour quelque cause & occasion qui puisse estre, d'attenter aux personnes sacrees des Roys, & autres Princes souuerains, & que le Decret qui interuiendra en ladite assemblée, sera soussigné de tous les Docteurs de ladite Faculté, ayans assisté à ladite deliberation, ensemble par tous les Bacheliers qui sont au cours de Theologie, pour ledit Decret, communiqué audit Procureur general, & veu par ladite Cour, estre par elle ordonné ce que de raison.* Fait en Parlement le vingt-septiesme May, mil six cens dix. *Signé Voysin.*

P o u r satisfaire auquel arrest, ordonnant chose si iuste & necessaire, ladite Faculté en premier lieu a fait assembler ses deputez, & depuis traitté ledit affaire en la Congregation generale, en laquelle ayant consideré qu'elle est obligee donner son aduis & Censure doctrinale, à tous ceux qui la demandent: que l'Vniuersité de Paris, depuis sa premiere fondation, a tousiours esté la mere & la nourrice d'une tres-bonne & tres-salutaire doctrine, que le bien & repos public, procuient de l'ordre, & que l'ordre, apres Dieu, depend du salut des Roys & des Princes: qu'il appartient seulement au Prince, ou à la puissance Politique d'vser du glaive, comme il est escrit aux Romains 13. que depuis quelques annees, certaines opinions estrangeres, seditieuses & impies, ont tellement peruertie l'esprit de plusieurs hommes, qu'ils n'ont eu en horreur souiller les

Roy & les Princes du nom execrable de Tyran, & en consequence d'un si detestable pretexte, comme aussi sous couleur d'ayder ou auancer la pieté, la Religion, ou le bien public, de conspirer contre leurs personnes sacrees, & d'ensanglanter leurs personnes sacrees, & d'ensanglanter leurs mains parricides d'un sang qui est si cher & de si grand pris : & consequemment d'ouurir la porte à toutes sortes de meschancetez, perfidies, deloyautez, fraudes, tromperies, surprises, trahisons meurtres, carnages mutuels des peuples, aux ruines, saccagemens, & razemens des villes, Prouinces, & Royaumes tres-florissans: bref à vne infinité de crimes abominables, causez par les guerres, tant ciuiles qu'estrangeres : finalement cognoissant que telles opinions pestilentieuses & diaboliques, en ce temps rendent ceux qui se sont separez de l'Eglise Catholique, Apostolique Romaine, obstinez en leurs erreurs, & leur font fuir les Religieux, Docteurs, & Prelats Catholiques, bien qu'ils soyent innocens, comme s'ils enseignoyent & authorisoyent vne si pernicieuse doctrine : toutes lesquelles raisons & autres semblables, apres auoir esté diligemment examinez, LADITE FACVLTE d'un commun accord, & d'une ferme resolution, deteste condamné telles doctrines estrangeres & sedieuses, comme impies, heretiques, ennemies de la societé humaine, de la paix, tranquillité publique, & de la Religion Catholique: en foy & tesmoignage dequoy, elle a estimé deuoir renoueller son ancien Decret, conclu & resolu y a deux cens ans, par l'aduis de cent quarante & vn Theo-

logien, sur la condamnation de cette proposition execrable.

Vn Tyran quel qu'il soit, peut & doit licitement & meritoirement estre occis par vn sien Vassal ou subiet, quel qu'il soit, par tous moyens, principalement par secretes embusches, trahisons, flatteries, & autres telles menees, nonobstant quelque foy ou serment que le subiet puisse auoir avec le tyran: sans aussi que sur ce fait, le subiet doye attendre la sentence ou le mandement de Iuge quelconque.

Surquoy ensuit la Censure de la Faculté.

Cette proposition prise ainsi generalement, & selon la signification de ce mot Tyran, est vn erreur contre la foy Catholique, contre la doctrine des bonnes mœurs, & contre le commandement de Dieu, *Tu ne tueras point*, (ce que la Glose interprete de propre autorité, c'est à dire, sans le commandement du Magistrat) pareillement elle contreuient à ce que dit nostre Sauueur, *Tous ceux qui auront pris le glaue* (ce que la mesme Glose explique aussi de propre autorité) *periront par le glaue*. D'auantage, cette proposition tend à l'entiere subuersion & ruyne de tous les Estats, Princes & Roys du monde: elle ouure encor le chemin à plusieurs autres meschancetez, aux tromperies, trahisons, violemens de Foy, & de son serment, & generalement donne licence aux subiets à toutes sortes de desobeyssances contre leur Seigneur, mesmement à la desloyauté & deffiance des vns à l'endroit des autres, & par consequent à la damnation eternelle.

Au surplus, quiconque maintient opiniaistrement vn tel erreur, & plusieurs autres qui peuvent estre induits de cette proposition generale,

est heretique, & doit estre puni comme tel, mesmement apres sa mort, suivant ce qui est notté au Decret, Cause vingt-trois, Question cinq, &c. Fait l'an mil quatre cens treize, le Mercredy treiziesme Decembre.

La susdite Censure de la Faculté de Paris, a esté confirmee au Concile de Constance, en la Session quinze, l'an mil quatre cens quinze, le sixiesme iour de Iuillet, en ces propres termes.

Le saint Concile voulant employer tout son soing & estude à l'extirpation des erreurs & heresies qui pullulent en diuers endroits du monde, selon qu'il y est obligé, & mesme ayant esté assemblé pour cet effet, estant bien informé que depuis quelque temps l'on dogmatize & publie certaines propositions merueilleusement scandaleuses, erronees en la foy, & aux bonnes mœurs, & qui ne tendent qu'à renuerser tout l'ordre & l'Estat des Republiques, entre lesquelles propositions cette-cy a esté rapportee.

Vn Tyran, quel qu'il soit, peut & doit licitement & meritoirement estre occis par vn sien vassal ou subiet quel qu'il soit, mesmement par secrettes embusches, trahisons, flatteries, & autres telles menees, nonobstât quelque foy ou serment que le subiet puisse auoir avec le Tyran, sans aussi que sur ce fait le subiet doye attendre la sentence ou le mandement de Iuge quelconque. Or le saint Concile ayant vn singulier desir de s'opposer à cet erreur, & de l'extirper du tout, apres auoir sagement & meurement deliberé, declare, arreste & definit, que cette doctrine est erronee en la foy, & aux bonnes mœurs,

& partant la reprouue & condamne comme heretique, scandaleuse, ouurant le chemin à toutes sortes de fraudes, tromperies, deceptions, menfonges, trahisons, & parjures. Declare en outre, arreste & definit, que tous ceux qui defendent opiniaistrement cette pernitieuse doctrine, sont heretiques, & comme tels qu'ils doyuent estre punis, conformement aux saints Canons.


Partant, la sacree Faculté apres auoir exactement & soigneusement examiné les opinions de tous les Docteurs en general, & de chacun en particulier, est d'aduis premierement, que l'ancienne Censure de ladite Faculté, confirmee par le Concile de Constance, soit non seulement renouvellee, mais aussi bien imprimee en l'esprit de tous les hommes : Secondement, que c'est chose seditieuse, impie & heretique, d'attenter & mettre les mains violentes, sur les sacrees personnes des Roys & Princes, quelque pretexte que tout suiet, vassal ou estranger quelconque puisse prendre ou rechercher. En troisieme lieu, elle veut & arreste que tous les Docteurs & Bacheliers en Theologie, au iour que l'on a de coustume de faire serment de garder les Status & Articles de ladite Faculté, iureront aussi & promettent sous leur seing, d'enseigner la verité de ce Decret, soit lisant la Theologie, ou preschant la parole de Dieu. En quatrieme lieu, que ce present acte sera imprimé & publié, tant en Latin qu'en François.

Par le commandement de Monsieur le Doyen, & de la tres-sacree Faculté de Theologie.

De la Cour, avec son paraphe.

EX-

EXTRAICT DES REGISTRES
DE PARLEMENT.

 E v par la Cour les grands Cham-
bres, Tournelle & de l'Edit assem-
blees, le Decret de la Faculté de
Theologie, assemblee le quatriesme
du present mois de Iuin, suivant
l'Arrest du vingt-septiesme May, precedent sur
le renouvellement de la Censure doctrinale de
ladite Faculté, faite en l'an mil quatre cens huit,
confirmee par le saint Contile de Constance, que
c'est heresie pleine d'impieté, de maintenir qu'il
soit loisible aux subiets ou estrangers, sous quel-
que pretexte & occasion que ce puisse estre,
l'attenter aux personnes sacrees des Roys &
Princes souuerains: le liure de Jean Mariana, in-
titulé *De rege & regis institutione*, Imprimé tant à
Majence qu'à autres lieux, contenant plusieurs
blasphemes execrables contre le feu Roy Hen-
ry III. de tres-heureuse memoire, les personnes
& Estats des Roys & Princes souuerains, & au-
tres propositions contraires audit Decret: Con-
clusions du Procureur General du Roy, la ma-
tiere mise en deliberation: ladite Cour a ordonné
& ordonne que le Decret dudit quatriesme du
present mois de Iuin, sera registré és registres
d'icelle, ouy & ce requerant le Procureur Gene-
ral du Roy, & leu par chacun an, a pareil iour,
quatriesme Iuin, en l'assemblee de ladite Faculté,
& publié au premier iour de Dimanche, és prof-

nes des Parroisses de ceste ville & faux-bourg
de Paris : Ordonne que ledit liure de Mariar
sera bruslé par l'Executeur de la haute Iustice
deuant l'Eglise de Paris, & a fait & fait inhibi
tions & deffences à toutes personnes de quelque
estat, qualité & condition qu'elles soyent. Sur
peine de crime de leze Majesté, de vendre ou fai
re Imprimer aucuns Liures ou traictez, contre
uenant audit Decret & arrest d'icelle, ordonn
que coppies collationnees aux originaux dudit
Decret, & present arrest seront enuoyees au
Bailliages & Seneschaullee de ce ressort, pour
estre leuës & publiees en la forme & maniere ac
coustumee, & outre és prosnes des Parroisses
des villes, faux bourgs & autres bourgs, le pre
mier Dimanche du moys de Iuin, enioint aux
Baillifs & Seneschaux, proceder à ladite publi
cation, & aux Substituts du Procureur genera
du Roy, tenir la main à l'execution, & certifier
la Cour de leurs diligences au moys. Fait en Par
lement le huitième iour de Iuin, mil six cens dix

